




m

SUPPL. A

61036 / A



INSTITUTIONES MEDICINÆ

PHYSICO-ANATOMICÆ,
JUXTA NEOTERICORUM
mentem & nuperrima clarissi-
morum Physicorum ac Medico-
rum experimenta.

Operâ & Labore JOANNIS-
BAPTISTÆ GASTALDY,
*Regis Christianissimi Consilarii & Me-
dici ordinarii, Medicinæ Doct̃oris in
Avenionensi Academia Aggregati,
ac Professoris Primarii & Botanici.*



AVENIONE,

Apud IOSEPHUM CAROLUM CHASTANIER
Typog. & Bibliopolam EXCELLENTISSIMI
PROLEGATI, prope Collegium So-
cietatis I E & V.

MDCCLXIII.

Superiorum Permissu.

EXHIBIT 100000

THE UNITED STATES OF AMERICA

DEPARTMENT OF THE INTERIOR

BUREAU OF LAND MANAGEMENT

WASHINGTON, D. C. 20250

OFFICE OF THE ASSISTANT SECRETARY

FOR LAND MANAGEMENT

1015 G STREET, N.W.

WASHINGTON, D. C. 20250

TELEPHONE (202) 733-1311

TELETYPE (202) 733-1311

FAX (202) 733-1311

INTERNET WWW.BLM.GOV

MAILING LIST

NAME

ADDRESS

CITY

STATE

ZIP

PHONE

TELETYPE

FAX

INTERNET



ILLUSTRISSIMO
ET REVERENDISSIMO DOMINO
D. ET PATRONO MEO
COLENDISSIMO

D. JO. MARIAE
LANCISIO,
CLEMENTIS XI.

Intimo Cubiculario & Archiatro.

JOANN. BAPT. GASTALDY FEL:

HABES in exiguo isto vo-
lumine, VIR ILLUSTRIS-
SIME, Institutiones nostras
Medicas, ab annis pluri-
mis in hac Academia traditas, nunc
verò Phyliatrorum votis & Typogra-
phi curis ac impensis, nobis ferè inf-

EPISTOLA

ciis & invitis prælo commissas ; te Patronum , te Mæcenatem ambiunt , ac eruditos oculos tuos quærent simul & reformidant , de cæterorum hominum approbatione securus , tuam ego si unquam consequi merear. Ad nos namque pervenit , licet longo terrarum intervallo diffitos , quàm mirus , quàm elegans , quàm rarus sit in te virtutum & egregiarum omnium ingenii , corporisve dotium consensus ; quàm nativa in te sermonis gratia , quæ copia & flumen orationis , & qui olim fuerint plausus in Archyliceo Romano te perorante , vel primam Medicinæ practicæ Cathedram moderante.

Nec falsa veris addidit fama loquax , majora enim adhuc probavimus , ac mirati sumus , in præclaris & eruditis illis operibus , à te , non ità pridem , jussu Summi Pontificis in lucem editis , & ad nos statim summâ humanitate transmissis , ex quibus facile intelligitur , quantùm sis humanioribus litteris perpolitus , physicarum cogni-

DEDICATORIA.

tionum gnarus , Medicis omnibus no-
tionibus imbutus , ac in artis in primis
nostræ exercitio & praxi versatus ,
quantumvè iis omnibus dignum te
undique loco & famâ ostendas.

Si enim hîc repetere fas esset me-
moriâ novissimi illius temporis, quo
universa cum CLEMENTE XI.
decumbere visa est Respublica Chris-
tiana , quæ verebatur anxia , ne sibi
calamitosis hisce temporibus , à Deo
propitio concessus tantus Pontifex , ab
irato Deo reposceretur , quàm amplius ,
quàm ferax hinc exurgeret dicendi lo-
cus : mœrorem si habet præteriti me-
tus recordatio , habet è gravissimo adeò
morbo , redivivi , mirâ tuâ solertiâ ,
tanti Pontificis memoria obletatio-
nem, nosque perpetuò, universo orbi su-
perstitem adhuc esse, diûque ope tuâ fore
ut speramus , CLEMENTEM XI.
meminisse juvabit.

Non mirum igitur, si virtutis & doc-
trinae peritus aestimator Princeps mu-
nificentissimus , tot tibi nonvulgaria

EPISTOLA

benevolentiae testimonia dederit , ac tecum se gerat quotidie , non tanquam Princeps cum subdito , sed ut amicus erga amicum sibi præ cæteris charum ; in te enim , (quod rarum admodum existit ,) eximio quodam quasi necessitudinis vinculo ingenium & propensum de cunctis bene merendi studium sociantur ; adeò ut illis omnibus quibus te adire contingit , tui desiderium & copiam relinquant , ac juxta summi Principis solium stare tantummodo videaris , ut cunctis prodesse , & Artem in primis Medicam in dies magis ac magis promovere & amplificare possis.

Testem hinc appello Bibliothecam illam publicam in Physicorum in primis & Medicorum usum , in Urbe , orbis totius compendio , almâ Româ à te nuper ære proprio erectam , institutam , & censu annuo dotatam & locupletatam , & potens illud patrocinium , quod nobis tantum indicantibus quid ad Medicinae splendorem & augmentum in hac altera Roma desiderari potest.

DEDICATORIA:

*lubenti statim animo concessisti. Quæ
sanè majoraque plurima, cum nec
celebrare, nostri nunc sit instituti,
nec recensere sinant paginarum angus-
tiæ, his supersedimus, ut præsidium
tuum quo haud dubiè indigebit hoc-
ce nostrum opusculum, ut invido-
rum & Zoïlorum morsus possit retun-
dere, postulemus. Leve igitur hocce
munusculum in fidem & clientelam
tuam velis accipere, VIR ILLUSTRIS-
SIME, exiguumque istud observantiæ
in te meæ, memorisque ac grati futuri
semper animi testimonium ne dedigne-
ris. Vale.*

Aven. ex Musæo nostro Ka-
lend. Martii 1713.



PRÆFATIO

MIRABUNTUR fortasse plurimi, LECTOR BENEVOLE, me nunc intricatissimis praxeos ambagibus implicatum, & Medicinæ praxi ab annis plurimis unicè deditum, Institutiones Medicas olim in hac Academia traditas, typis mandare; cum difficilè admodum sit, ut eâ quâ decet curâ & diligentia huic operi vacare & incumbere possim. Fatear ingenuè, quod res est, talis numquam mentem nostram subiisset cogitatio, nisi Bibliopolæ quidam, in quorum manus inciderant fortuito, scrip-

PRÆFATIO.

ta nostra, me invito etiam & reluctante, ipsa prælo committere decrevissent, sicque ut assensum meum ipsorum editioni præberem quedammodò coëgissent; quo sanè semel præstito tanta fuit illius qui hoc opus suscepit diligentia, ut ne mihi quidem licuerit attentè illud evolvere, omniaque ad amussim, uti par erat, pensitare. Multa igitur manca in hujus operis decursu reperiri poterunt, nec forsan satis elaborata, hæc olim currenti calamo, ad privatum, non ad publicum Phyliatrorum usum scribebam, & consequenter non eâ quâ decet curâ, ut publici juris fierent; non enim me latet, quantâ in oculatissimo isto sæculo diligentia, quâ perspicacitate, quâ mentis acie opus sit ad scribendum: artis magistros alloqui nolui, sed tyrones tantum, qui dum Medicinæ oceanum ingre-

P R Æ F A T I O.

diuntur , Institutionum Medicarum methodicè scriptarum defectu , in variorum voluminum lectione tempus terunt peropportunum , eamque statim necessariam adeò & ita commendatam studiorum rationem & methodum contemnentes , seu potius ignorantes , incertis tantum & confusis notionibus imbuti , ad lares proprios redeunt , ibique per totum vitæ curriculum, celebre illud Hyppocratis effatum verissimum exhibent, *Medici quidem nomine multi, re autem & opere valdè pauci.*

Cum autem Plagiarios valdè semper odierim , ipsorumque labem in Republica Litteraria incurrere nolim ; ultrò spontèque profiteor , si quid rectum & ingeniosum in hujusce operis decursu, reperiatur ; illud majori ex parte Illustrissimo & Doctissimo D. PETRO CHIRAC deberi, hunc-

PRÆFATIO

que me sequutum esse in scribendo, quem olim in Medicina ediscenda, Magistrum habuisse, semper gloriabor; ab ipso, tamquam à fonte purissimo, notiones medicas quas nunc publicas reddimus, pleno ore bibimus, hisque ordinem & formam novam tantum tribuimus, ut facilius, citiusque incultos sterilesque tyronum animos excolere valeamus. Cum enim parentum inhærendo vestigiis, & patris præsertim optimi Alexandri Gastaldy Regis Christianissimi Consil. & Med. ordinarii & apud Gallo-Provinciales & circumvicinas Provincias practici dum viveret, celeberrimi, non modò à teneris annis Medicinæ studio incubuerim, sed insuper secundum D. Senis monitum, loca studiis apta invisendo, Civitates celeberrimas circumeundo, & nosocomijs perpetuò inhæren-

PRÆFATIO.

do mihi semper constitet, artem longam, vitam verò brevem, ac principiorum defectu, multum tyronum, in Arte Medica progressum retardari, ipsis forsitan profuturum existimavi, si opus hoc nostrum, quod plurimis profuisse multiplici experientia discimus, impertirer; & hæc prima ratio quæ me ad assensum meum huic editioni præbendum impulit, CANDIDE LECTOR.

Altera quæ licet mihi minùs propria, non minoris tamen momenti visa est, fuit, ut hujusce Academiæ, (cujus splendori, cujus amplitudini quantum in me fuit, semper studui,) oculos quodammodò confunderem, & ergà Academiam, gratum quemdam animi sensum exhiberem; falso enim & temerario ausu ad aures usque Principum personuerunt invidi quidam homines nos hìc ignavo torpere otio, nulumque

PRÆFATIO.

lumque scientiarum & Medicinæ
inprimis studium in scholis nos-
tris vigere, quod sanè licet ve-
ritati contrarium, luce meri-
dianâ clariùs existat hîc nihilo-
minùs indicare abs re non fore
putamus, Universitatem istam,
quæ tribus exceptis, Parisinâ sci-
licet, Monspefulanâ & Tolosa-
nâ, cæteris totius Regni Galliæ
existit antiquior, ipsam tribus
hisce etiam solo temporis inter-
vallo inferiorem esse. In ipsa vi-
ros in omni scientiarum genere
exercitatissimos semper floruisse,
Theologos protulisse firmæ sem-
per petræ adhærentes, & non
pietate minùs quàm scriptis &
doctrinâ conspicuos & commen-
datos, jurisperitos tantæ celebri-
tatis & nominis, ut inter ipsos
summi numerentur Pontifices,
purpurati & infulati Patres quàm
plurimî ac inter Professores cu-
jaciùs, BALDUS, ALCIATUS,

P R Æ F A T I O.

ÆMILIUS FERRETUS , cæteri-
que non pauci , quos nominare
laudare est , ac Medicos tandem
non Principum modò , & Re-
gum Archyatos , sed eruditos
Professores , controversias medi-
cas in aliis Academiis obortas ,
responsis doctissimis dirimentes ,
ac practicos demùm celeberrim-
os & exercitatissimos circum-
vicinas Provincias tamquam be-
neficia sydera consiliis & præsi-
diis, quotidie irradiantes , ita ut
si dicere fas sit , terra hæc esse vi-
deatur Avenio, de qua loquitur
Hyppocrates , in qua scilicet dis-
ciplina in naturam versa & inge-
nerata , foelices & copiosos fruc-
tus proferre soleat, quòd sanè
cum optimè innotuerit Viris
Principibus , ibi variis tempori-
bus , septem erexere Collegia
alumnis plurimis, scientiis quæ
in Universitate edocentur im-
buendis , dicata , hancque non

PRÆFATIO.

summi tantum Pontifices, Christianissimi Reges, sed totius fere Europæ Principes innumeris privilegiis decorarunt, & nuperimè LUDOVICUS MAGNUS, iisdem omnibus quibus celeberrimæ Galliæ Academiæ potiuntur honoribus & privilegiis; iis pariter Avenionensem Academiam frui & gaudere mandavit, & hæc est altera ratio, LECTOR BENEVOLE, quæ me quoque impulit, ut diutius Typographi votis non obstitrem, licet enim tenuitatis meæ conscius, nihil Academiæ nostræ splendori, ex parte mea adjici posse, probè sciam, ex hoc nostro tentamine elucescet saltem, demendata nobis non negligere munia, & si in magnis voluisse sufficiat, ardua si non attigimus, attingere saltem voluisse.

Primam porrò tantum Institutionum Medicarum partem, Phy-

PRÆFATIO.

siologiam putà , hìc tradimus ut
potè omnium utilem magis
ac necessariam , reliquas dum
per tempus licuerit eâdem me-
thodo tradituri ; quod sanè
donec perficiatur LECTOR
BENEVOLE.

*Si quid novisti rectius istis ,
Candidus imperti , si non , his utere
mecum.*

Si quid autem in hujus operis
decurfu , Fidei Catholicæ con-
trarium directè vel indirectè ir-
repsisset, illud omne contra men-
tem nostram contigisse , profi-
temur hìc & declaramus cum
Dei nunquam satis faciendâ gra-
tiâ in sinu Ecclesiæ nati & educa-
ti, nihil unquam cogitaverimus,
nihil crediderimus , nihil loqui
voluerimus, à Fide Catholica alie-
num , decretis Ecclesiæ contra-
rium & ab orthodoxorum Doc-

PRÆFATIO.

torum mente diversum, sed submissâ mente hætenus intellectum captivantes in obsequium Fidei, certitudinem tantum in Fide, in reliquis omnibus dubium tenebrasque reperiri posse existimaverimus, illudque in studiorum nostrorum decursu verissimum semper probavimus *Ecclesiastic.* mundum scilicet tradidisse supremum rerum omnium conditorem disputationibus nostris, ut non inveniat homo quod operatus est Deus ab initio usque ad finem.

Cæterum antequam libri huius lectionem incipias, ad errata attendas, quæsumus, & in ipso etiam non annotata, pro innata benignitate corrigas, CANDIDE LECTOR; præ negotiorum enim mole & amplitudine huic editioni incumbere & invigilare non potuimus.

Errata sic corrige.

Pagina 13. linea 4 Physiologian, lege
 Physiologiam p. 24 l. ultima, distillatione,
 l. distillatione. p. 25. l. 10. co. posum, l.
 corporum. p. 27. l. 15. proprietates, l. propie-
 tates. p. 35. l. 14. qundem l. quidem, p. 38. l.
 ult. mutuo. l. & mutuo p. 56 l. 10. iphi, l. ma-
 jorem ipsis. p. 57 l. 10. locuti, lege loquuti,
 sicut alibi dum se offeret idem error. p. 72. l.
 18. concrescant l. concrescunt. p. 73. l. ult.
 prodeant; l. p. odant p. 84. l. 10. prædomina-
 bitur, l. prædominabuntur p. ead. l. 12. pote-
 rit, l. poteruat. p. 98. l. prima, minu l. minùs.
 p. ead. l. 10. quì l. quo. p. 100. l. 11. tempera-
 mentum l. temperamentum. p. 101. l. 15. idæz,
 l. idea, & quoties sese offeret idem error. p.
 109. l. 7. differamus, l. differemus p. 117. l. 10.
 sanguinem, l. sanguinem. p. 124 l. 18. nervo-
 rum, l. cerebri. p. 132. l. 10. spiritus, l. spiriti-
 bus p. 133 l. 1. dele ampl. etantur. p. 134. l.
 18 Hypocratis, l. Hyppocratis. p. 138. l. 21.
 fermentativæ, l. fermentativæ. p. 142. l. 15.
 arcere ac, l. arcere val. t ac. p. 146. l. 13. pan-
 crearici, l. pancreatici. p. ead. l. 17. succum
 pancreaticum, l. succus pancreaticus p. 153.
 l. 12. exhalatur, l. exhalat. p. 159 l. 22. ge-
 nitum, l. genitus. p. ead. l. 24. asservatum l.
 asservatus p. 160. l. 2. elaboratum, l. elabo-
 ratus. p. 162. l. 4. objici, l. adjici. p. 165. l. 11.
 naturæ, l. natura p. 178. l. 11. 10; l. cent. 3.
 p. 183. l. 4. istæ, l. isti. p. 184. l. 11. ipsis.
 l. ipsi. p. 189. l. 15. supponere. l. supponen-
 dum. p. 208. l. 3. caput iv. l. caput vi. p.

217. *l. 2. anima fieri, l. anima enim, p. ead.*
l. 11. musculorum scilicet, l. musculorum.
qui. p. 218. l. 13. & l. ac. ead. p. l. 14. non-
cupantur, l. nuncupantur, p. ead. l. 15. nimi-
rum. l. nimium. p. 220. l. 11. partius, l.
partibus. p. ead. l. 7. quam, l. quem. p. 225.
l. 18. educunt, l. edunt. p. 226. l. 17. spir-
tus, l. spiritus. p. 227. l. 10. testibus, l. &
testibus. p. ead. l. 19. subfractuosas, l. an-
fractuosas. p. 232. l. 18. ab l. cum. p. 239.
l. 24. octavâ, l. octavo.



IMPRIMATUR si vide-
bitur Reverendissimo Patri In-
quisitori.

P E R T U Y S Archid.
Vicar. & Offic.
Gener.

IMPRIMATUR,

Fr. J. D'ALBERT Inquisitor
Gener. Aven.



INSTITUTIONES MEDICINÆ

PHYSICO-ANATOMICÆ,
JUXTA NEOTERICORUM
mentem & nuperrima clarif-
simorum Physicorum ac Me-
dicorum experimenta.

PROËMIUM.



UANDOQUIDEM uti
communi fertur ada-
gio, ibi incipit Medi-
cus ubi desinit Physi-
cus, Institutiones Medicas traditu-
rus, ante omnia præmitendum es-
se putavi, quæ ex Physicæ penu ab-

A

solutè sunt necessaria Medico, tum ad œconomia animalis cognitionem, tum ad morborum ac symptomatum intelligentiam, tum etiam quod præcipuum adhuc & majus est, ad ipsorum curationem, omiſſis igitur iis omnibus quæ de Medicinæ dignitate, præſtantiâ, antiquitate, ortu, progressu, variis sectis quæ in illa extitere & similibus, quæ in Institutionum Medicarum prolegomenon afferri solent, ut potè omnibus notis & ab innumeris authoribus traditis. Accedimus statim ad cognitiones illas quæ Medicinæ principia seu elementa præcedere debent, de rerum scilicet omnium principiis, frustra enim in cognitione sensibilium illarum partium corpus nostrum constituentium insudaremus, nisi mentis oculis insensibiles illas particulas seu prima illa & remota rerum omnium

principia partes illas sensibiles
constituentia intueremur.

Dari igitur in hoc universo materiam omnium rerum sensibilibus principium ex naturâ sua impenetrabilem extensamque, divisibilem aut divisam in innumerabilem partium multitudinem de cætero homogeneam, nec nisi ob discrepantes formas quas recipit quibusve tot varios effectus producit, distinguendam, convenit hætenus apud omnes tam antiquos, quam recentiores Philosophos, cujus autem naturæ sit illa materia, & in quâ consistent formæ illæ quas induit, hoc opus hic labor est, vixque à sex ferme annorum millibus tot alioquin summi ac Doctissimi viri, verisimile quidquam stabilire potuerunt, Thales enim aquam, Heraclitus ignem, Anaximenes aërem, Pythagoras numeros, musæus unitatem, De-

Democritus atomos, Leucippus plenum, Diodorus vacuum pro rerum omnium principio venditant, pro formâ autem alii ens ab ipsamet materia distinctum quod formam substantialem vocant, alii vero ipsius-met materiæ modum essendi, sive variam tantum ac diversam partium combinationem statuunt, ita ut non levis inde oriatur difficultas in cuius mentem descendere debeamus, quod ad nos spectat, missis iis omnibus quæ circa supradictas sententias afferri possent & de quibus in nostrâ explicandâ sententiâ fusè differemus quid circa hæc omnia sentiamus tantummodò afferemus, & in illis stabiliendis sicut in universo nostro tractatu ordine analitico ut potè omnium perfectissimo procedemus.

Dicimus itaque materiam à supremo rerum omnium condi-

tore in ipso mundi exordio creatam ejusdem naturæ fuisse & à se ipsa tantum etiam nunc differre in figurâ, magnitudine, situ, motu & quiete, seu si malueritis in diversâ partium modificatione, ut elegantur duobus his-ce versibus expressit Lucretius.

Mens, mensura, quies, motus positura figura;

Sunt cum materiâ cunctarum exordia rerum.

Materiæ igitur essentiam consistere in trinâ dimensione, longitudine scilicet, latitudine & profunditate sine quibus naturaliter & extra miraculum concipi nequit, statuimus, ac in mundi ipsius exordio materiam creatam, rudem adhuc indigestamque molem, seu chaos, varias formas accepisse mediante

motu ipsi à conditore suo indito sequenti modo una cum clarissimo Renato Cartesio fieri potuisse existimamus.

Supponamus igitur cum præfato laudato viro materiæ primitus creatæ motum inditum fuisse ipsamque licet in plures portiones divisam circa proprium axem statim motu communi toti massæ in motum velocissimum actam fuisse, rursusque unamquamque portionem circa varia ac propria centra pariter in orbem agitatam fuisse, & materia illa circa centrum commune mundi tali modo circumvoluta genuinam vobis præbebit ideam antiqui illius chaos seu informis indigestæque materiæ de quâ mox agebamus.

Quia verò hujusce modi materia sic divisa moveri non potuit, quin singulæ portiones sibi invicem occurrerent, & varias

necessariò angulorum suorum attritiones paterentur ex illâ primâ attritione & abrasione angulorum, emerfit quidam pulvisculus subtilis admodùm , valdeque mobilis quem deinceps promundi hujusce elemento seu componente accipere ac ætheream, seu materiam subtilem una cum Cartesio appellare placebit, & quia abrasio illa fieri non potuit quin superessent adhuc inæqualitates quædam in portionibus illis materiæ durante motu supradictarum portionum, tum circa centrum commune mundi , tum circa propria centra , nova necessariò fieri debuit abrasio particularum minus subtilium figuræ scilicet globulosæ quam globulosam seu luminosam nuncupabimus , deinde materiam , ac pro secundo hujusce mundi elemento seu componente statuemus.

Ac demum quia superstes materia quæ scilicet attritione aut abrasione cæterarum materiæ portionum nec in ætheream, nec in globulosam materiam abire potuit, ob figuras minus irregulares ob quas tantam motûs quantitatem suscipere non poterat diversas à cæteris obtinebit proprietates, diversamque sortietur figuram illamque striatam; materiam vocabimus, ac pro tertio hujusce mundi elemento seu componente accipiemus.

Tria igitur erunt nobis in posterum hujusce orbis spectabilis elementa; materia scilicet subtilis, globulosa & striata, seu primum, secundum, & tertium Cartesii elementum, ex quorum combinatione, situ vario, ac motu indefinente præsertim primi elementi, coalescit & illibata hætenus conservatur ex ipsis mechanicæ legibus à rerum omni-

nium conditore stabilitis , mundi moles.

Quarum sanè legum prima ac præcipua hæc est ut scilicet materia subtilis , seu æthereum fluidum , aut primum elementum , idem enim sonant apud nos, ubique præsens sit , tantæque activitatis ac tenuitatis ut omnia penetret, obicesque omnes superet, ita ut omnia ipsi resistantia subvertat ac disrumpat. Mixtaque tenacissima diffociet , de cætero verò materia illa sit homogenea & nullius qualitatis particeps.

Secunda verò ut secundum elementum seu globulosa materia, constet tota particulis rotundis & globulosis politis ac valde mobilibus , exiguis sane & valde tenuibus , sed majoribus tamen particulis primi elementi ; unde tangere se nequeunt quin exigua inter se relinquant spatia & intervalla.

Tertia ut materia striata seu tertium elementum constet particulis minutis quidem, sed multò majoribus illis, primi ac secundi elementi, & ad motum ineptioribus figurâ & magnitudine admodum variis & ex quibus præcipuè constant portiones illæ materiæ primitùs divisæ, quæ terram, aquam, seu vortices nostros constituunt; & hæc est Cartesii omniumque ferè post illum nunc Physicorum & Medicorum, de prima rerum omnium materiâ, opinio quæ sanè cum ingeniosè omnino sit excogitata, ac rerum naturalium explicationi ritè admodum accommodata illam amplecti lubet, modo tamen inferius exponendo.

Cum enim medici sint sensuales artifices illorumque mens ut ita dicam adeo sensibus immersa sit ut nisi vel ipsis tangant digitis singula quæ proferunt, vix con-

quiescant ideo alia admittere voluerunt principia & elementa, ea scilicet, in quæ, arte chymicâ, corpora omnia resolvi, ipsis multiplici experienciâ constitit, quia vero ea non simplicia corpora, sed composita esse agnoverunt, & defectu tantum instrumenti seu medii idonei in simpliciora dividi non posse; ideo secundaria tantum elementa seu principia, nuncuparunt, quæ ulterius in Cartesianâ elementa seu primam materiam dividerentur, nisi dicerent instrumenta & media donea, licet enim principii nomine abuti statim videantur, nobis cum tamen sentiunt, volunt enim unicum dari cunctorum principium materiam nempe quam ineptam esse norunt nisi forma accesserit, idque unum statuunt, magnam scilicet primæ illius materiæ partem, eamque a primis quæ terraqueum glo-


bum hunc nostrum constituit à primis creationis diebus in quintuplex particularum, genus mercurium, scilicet sal, sulphur, terram, & aquam divisam ex quibus post modum tanquam simplicioribus moleculis sive secundariis elementis cuncta mixta componerentur, quæ sanè chymicorum hypothesis cum nostro loquendi modo, ritè omninò congruat, illam libenti animo amplectimur, modo tamen superius exposito, ac semel pro semper præmissò nos duplicis generis admittere principia, seu elementa primaria scilicet, seu remota triplex Cartesii elementum proxima verò, seu secundaria supradicta chymicorum principia, quibus sic semel stabilitis ad institutiones medicas nunc accedamus.

MEDICINÆ INSTITUTIONES

MEDICINÆ institutiones seu elementa in quinque partes vulgo dividi solent physiologiam scilicet pathologiam, semioticen hyginem & Therapeuticen ; physiologia considerat hominem in statu sano constitutum & de rebus omnibus sanum hominem constituentibus differit, pathologia hominem in statu morbofo contemplatur & de triplici illo humani generis hoste morbo scilicet morbi causa & symptomate verba facit ; semiotices de signis talem statum indicantibus tractat, hyginis, modum tuendæ vel recuperandæ valetudinis usu recto sex rerum non naturalium edocet, Therapeutices demum generalia medendi præcepta tra-

B

dit ope diætæ Chirurgiæ & Pharmaciae de quibus omnibus nunc nobis sigillatim agendum incumbit.




INSTITUTIONUM

MEDICARUM

Pars prima, seu Physiologia.

PHYSIOLÓGIA quæ uti jam diximus de rebus naturalibus differit & hominem in statu sano constitutum considerat in septem capita dividemus quorum primum erit de Elementis, secundum de Temperamentis, tertium de humoribus, quartum de spiritibus, quintum de partibus, sextum de facultatibus & functionibus, septimum tandem de prima hominis conformatione, at quia forsan scrupulosus quispiam ante omnia Medicinæ definitionem præmittendam esse, posset dice-

re ideo in ipsius gratiam statui-
mus Medicinam esse artem tuen-
dæ aut recuperandæ humanæ vale-
tutinis, corpus humanum quate-
nus sanabile esse ipsius objectum
illudque unicè intendere Medi-
cum, ut illud in statu sano con-
servet vel amissam ipsi sanita-
tem citò, tutò, & jucundè.
restituatur quibus præmissis sit.



CAPUT I.

De Elementis.

PRINCIPIA & Elementa
corporis humani eadem sunt
ac reliquorum omnium mix-
torum & in genere dici possunt
ea à quibus reliqua habent
nitium, in specie vero ea quæ
ex prioribus non constant, ex
quibus omnia fiunt & in quæ
ultimo resolvuntur.

Duo sunt corporum principia

materia & forma eo modo quo superius exposuimus materia quatenus à Medico spectatur est extensio in longum latum & profundum ; forma vero est modus extensionis : triangularis dicitur forma quatenus scilicet tali modo extensionis distinguitur materia triangularis à quadrangulari, &c.

Elementa autem sunt minimæ particulæ materiæ ex prima divisione excitatæ ex quibus omnia fiunt & in quæ ultimo resolvuntur, duplicis autem generis sunt Elementa remota alia seu primaria, alia vero proxima seu secundaria : primaria triplex Cartesii materia, secundaria vero sunt quintuplex Chymicorum principium spiritus scilicet sal, sulphur, aqua, & terra ex quibus ultimis rursus alia sunt primaria alia secundaria, primaria sunt illa in quæ mixta omnia

naturaliter & ope artis resolvuntur, & sunt aqua & terra, secundaria vero sunt ea quæ licet reperiantur in omnibus mixtis, attamen si ulterius progrediatur resolutio in primaria abibunt & redibunt in aquam & terram ex quibus duxerant originem & hæc sunt sal & sulphur; quoad spiritum enim illum cum Chymicis omnibus nunc ex Elementorum numero expungimus, facillimè enim & fere absque labore in ætera resolvitur & consequenter Elementi nomen non meretur.

Quia vero prædicta Chymicorum Elementa tam primaria quam secundaria, ut determinatas actiones edant requirunt motum permanentem, ut indefinenter quandiu mixtum durat suas exerant proprietates; sequitur præter Chymicorum elementa in mixtis advocanda esse insuper

alia principia quæ motum necessarium ad actiones mixtorum largiantur atque conservent cum autem nihil aliud in universo occurrat commodius quam æthereum fluidum & materia globulosa quæ nimirum ob summam quam obtinent tenuitatem facile poros quorumcumque corporum pervadunt, susceptum quæ motum occurrentibus quibuscumque fluidis communicant, sequitur inquam præter elementa Chymicorum ad mixtorum actiones perficiendas concurrere insuper materiam subtilem & globulosam non tam veluti partes mixtum primario componentes sed tanquam agendi principia, quæ sicut in machinis hydraulicis & pneumaticis aqua & aer non propriè dicuntur machinæ partes, sed actionis omnis & motus principium, ita materia subtilis

& globulosa, licet ut jam diximus mundi hujus elementa sint, non tam esse corporum partes & elementa, quam principia motus & actionis mixtorum, aut potius particularum mixta componentium censemus, quibus præmissis singula nunc principia seu elementa Chymicorum examinemus à primariis ducendo exordium sit igitur.

SECTIO PRIMA.

De Terra.

UT omne statim tollatur æquivocum, ac eâ quâ cepit perspicuitate, continuet tractatus noster, distinguenda est terra illa quam pedibus calcamus, & illa quæ in mixtorum analysi reperitur prior enim diversi generis partes complectitur & facili negotio arte Chymica

resolvitur in salem , sulphur ,
aquam & caput mortuum ; imo
multis in locis etiam referta est
pluribus metallicis moleculis
quæ rursus supra enumerata
complectuntur principia ; poste-
rior vero terra quæ & caput mor-
tuum , & terra damnata à Chy-
micis appellatur tota unius modi
est , nec ulla arte , aliud à se di-
versum elementum fundere po-
test , sic ubi cornu cervi v. g.
distillaveris jamque phlegma ,
sal volatile , sulphur , spiritus &
sal fixum media calcinatione
& lotionè è relictis cineribus
extracta fuerint ; supererit una
terra elementaris quæ quomodo
cumque tractetur & quovis
igne urgeatur nullas promit di-
versæ naturæ particulas sed ina-
nem tantum , ubique porosam ,
ac friabilem particularum ag-
geriem.

Definiri igitur poterit terra

aggeries minimarum particularum polyphadrarum id est multorum laterum quæ juxta se positæ & ab aliis discretæ corpus friabile porosum, & insipidum efficiunt, quæ sane contextura terræ mire admodum congruit ejusdem proprietatibus usuique, quibus inseruit in mixtis.

Primo, enim terra ob particulas illas polyphedras quibus constat est veluti fundamentum & basis omnium mixtorum, & quod Trabes in tectis, ossa in animalibus, fibræ lignæ in vegetabilibus, illud est terra respectu corporum; quod certè clarè evincitur in distillatione mixtorum, dum enim jam vi ignis reliqua elementa excussa sunt, Remanet in fundo vasis caput mortuum speciem atque figuram mixti distillati referens, excepto quod natus color mixti deperditus sit jamque caput mor-

tuum immensam vacuorum porosum sobolem oculis subjiciat.

Secundò, ex eo quod porosa est terra, facile totidem veluti nidulis excipit elementorum activorum partes, illasque dissociat ac separat, ne scilicet mutuò conflictu mixti ruinam & dissolutionem accersant; secundò etiam mixtorum contexturam servat terra, humores fluidos aquam præsertim sistendo, quod quidem nisi eveniret, brevi esset futurum, ut fluida quæ necessariò ad mixtorum productionem concurrunt, dilaberentur undique ac proinde statim ab ipso ortu mixta forent interitura.

Tertiò, ex ipsa inæqualitate & levi contactu partium essentialium terræ commodè repeti potest illius friabilitas & insipiditas; cum enim ut sapor excitetur, non modo desideretur motus in corporibus sapidis linguæ admo-

tis, sed & quoque figura ipsa, quæ subire possit linguæ papillas in quibus situm esse gustus organum alibi demonstrabimus; sequitur quod ut cumque moveantur moleculæ terræ circa papillas linguæ sensum asperitatis inducent ob irregularem illarum figuram & contexturam, quæ etiam in causâ est ipsius friabilitatis, partes enim cum se se secundum minimos angulos tangunt levi motu impresso imò interdum ipsâ solâ attritione separantur & dissociantur ex quibus colligitur usum terræ in mixtis consistere. 1°. In eo quod retineat in nidulis suis partes elementares. 2°. Quod sit Basis & fundamentum omnium mixtorum. 3°. Quod impediat partes activas mutuo occursum, & illarum vim attemperet, quibus sic positis ad alterum primariorum elementorum deveniamus aquam scilicet quare fit.



SECTIO SECUNDA

De Aqua seu Phlegmate.

ALTERUM ex primariis elementis est aqua seu phlegma cujus tantus est usus in mixtorum generatione, ut non desint qui nullum præter aquam esse elementum contendant ut fusè probare conati sunt nostris etiam hisce diebus Helmontius & Takenius, antequam autem hic de illa sermonem faciamus, monere volumus nos hic simul ac semel sermonem facturos, non modo de aqua illa quæ ex mixtis educitur, sed insuper de illa quæ magnam hujus globi, terræque partem constituit, nihil enim ab ipsa aqua fontana, fluviatili aut marina discrepat, ubi illæ distillatione factæ, liberatæ sunt & conjugic

conjugio partium salinarum ac terrearum quibus variis in locis onustæ reperiuntur.

Est igitur aqua aggeries seu aggregatum particularum ovalium oblongarum ac rigidarum inter se discretarum intestino ac perturbato motu in omnem sensum actarum fluido æthereo innatantium omnium ferè corporum solutioni accomodatarum.

Dicuntur aquæ partes ovales ac rigidaë , quia ex hac figura commodè repeti possunt omnes aquæ proprietates penetrabilitas nimirum summa , fluibilitas seu fluxilitas , insipiditas , &c. Ideò enim penè omnia corpora dissolvit aqua , quia minutissimis illis particulis rigidis maximo motu donatis constat , ad solutionem enim corporum , id est illorum divisionem in partes insensibiles requiruntur cunei non flexiles & molles , sed solidi , si-

cut ad separationem corporum in partes sensibiles ; deinde frigoris sensum excitat aqua qui species punctiōis est , punctiō verò fieri non potest nisi à corpore rigido vel acuminato , vel tenui admodum , ergo in aqua sunt particulæ rigidæ , quod autem hujusce modi particulæ sint ovales ex eo evincitur quod poros pinguium corporum , ut pote angustiores subire nequeant , ovales enim facile circumvolvuntur circa proprium axem : atque adeo gliscunt super lævigata pinguium corporum superficie , quia demum non modo rigidæ obtusæ ovales , sed & leves insuper , hinc est quod ingressæ poros tam facile excutiantur , papillasque linguales dum subeunt confodere aut vellicare non possint , ad saporis aliquem sensum excitandum , quod autem levitas seu nimia tenuitas

particularum aquæ officiat ipsius sapiditati patet ex eo quod corpora ipsamet sapida cujus modi sunt saliva, si nimium solvantur insipida evadant, solutio grani salis in aquæ congio v. g. nullum saporis sensum affert quia granum illud salis nimis solutum & in minimas particulas divisum reperitur.


Usus aquæ seu phlegmatis in mixtis licet multiplex sit ex eo tamen procedunt omnes ipsius proprietates quod scilicet dissolvat salinum principium sulphurearum partium solutionem promoveat, sicque motui & mixtioni omnium elementorum faveat, ac generationi & conservationi mixtorum plurimum conducat.

Quod aqua salinum principium dissolvat jam dictum fuit quod sulphuris solutionem promoveat, patebit ex modo dicendis.

dum de sulphure, quod autem motui & mixtioni elementorum faveat ac insuper generationem & conservationem mixtorum promoveat, patet ex eo quod principium salinum in quo tota vis & energia mixtorum consistit ut inferius demonstrabimus, nisi solveretur ab aqueo coire nunquam posset cum terreo vel sulphureo elemento nec consequenter in corpus facessere, sal enim suâ naturâ nimis concretum est ac rigidum, ut terreis ac ramosis sulphurum partibus permisceri possit absque prævia attritione & comminutione, quæ dissolutionis tantum operari posse nemo est qui non videat, ergo motus omnis ac mixtionis principium ab aqua procedit, ac consequenter mixtorum generatio & conservatio; ideo enim plantis luxuriat terra, variiisque animalium generibus de-

coratur, quia scilicet phlegma ubi mirabilem feminum, ovorumque contexturam laxavit, & flexilitatem succis nutritiis factâ salinorum dissolutione conciliavit, fermentationis quemdam motum producit, in ovis illis ita ut facilè illorum porulos ingredi possit succus nutritius, sicque sensim sine sensu explicentur plantarum animaliumque partes: abeantque tandem in perfectum vegetabile aut animal numeris omnibus absolutum.

Ex quibus colligere licet præcipuos usus aquæ illuc collimare, ut scilicet salina dissolvat principia, mixtis flexilitatem conciliet, solutionem sulphureorum promoveat, & nutritioni, generationi & conservationi animalium & vegetabilium plurimum conferat, & hæc de primariis elementis jam ad secundarios prope emus incipiendo à sale sit itaque.



SECTIO TERTIA

De sale in genere.

QUONIAM omnis ferme-
 ctio mixtorum salino tri-
 buitur principio, opere prætium
 esse putamus, de illo paulò fu-
 sius quam de aliis differere: ob-
 servandum igitur 1°. Salinum
 principium longè gravius esse re-
 liquis principiis, ac minùs fria-
 bile, ergo poros habet minores
 & pauciores contexturam den-
 siorem & partes essentielles illud
 componentes se se intimiùs tan-
 gentes quam reliqua principia,
 sulphur putà terra & aqua.

Observandum 2°: sal in aqueis
 dissolvi, unde sequitur non ita
 solidam & compactam esse salis
 contexturam quin pervia sit mul-
 tis in locis aqueis partibus quod

quidem manifestè confirmatur ex eo quod sal immersum in aqua , non modò secundum extimam superficiem madeat , sed & in intimis quoque partibus quod quidem evenire non posset nisi pateret ipsis via , quia tamen si conferatur sal cum reliquis principiis , minùs pervium est : sequitur totum ex particulis lævigatis , & secundum superficiem suam planis conflari quod efficit pororum rectitudinem , unde pendet salis sicut cæterorum omnium corporum luciditas & diaphaneitas.

Observandum 3°. Sal ubivis linguae admotum acrimoniæ sensum excitare , unde intelligitur essentielles salis partes rigidas esse & inflexibiles , alioquin enim nec vellicationem , nec solidorum corporum dissolutionem moliri possent : ad hæc enim omnia requiritur divisio & separatio qua

ope tantum corporum rigidorum fieri possunt.

Est igitur sal rigidarum solidarumque partium aggeries friabilis & in aqua facile dissolubilis, quæ sanè proprietates essentialiter competunt salibus omnibus sinceris & consequenter nihil obest, quod quidam sales dissolvi non possint in aqua, permixti enim sunt cum terreis sulphureisve partibus, quæ hujuscemodi dissolutionem impediunt.

Tam multiplex autem, tamque varia est salini elementi natura in mixtis ut justè quis posset affirmare totuplicem esse ejusdem speciem, quotuplex est mixtorum, vix enim duo mixta reperire licet quorum salia non discrepent penes aliquas affectiones.


Hæ sunt tamen præcipuæ salium divisiones, & primò quidem salia habitâ ratione extrac-

tionis alia dicuntur essentialia, quæ è mixtis simplici expressione vel lotionè, vaporatione media eliciuntur, & hæc salia sincera non sunt, sed in se ipsis totum mixtum continent, id est partes omnes essentielles mixti compositionem ingredientibus, talia sunt omnia salia plantarum, quæ prædicto modo extrahuntur; alia sunt volatilia quæ scilicet levi motu impresso sursum efferuntur: alia fixa quæ quovis motu adhibito, sive ignis, sive aliorum corporum difficulter admodum vel nullatenus sursum efferri & elevari possunt; sed hæc & consimiles sunt accidentales salium divisiones; essentielles autem sunt istæ sal omne vel est acidum vel acre seu alkalinum, constat enim experienciâ, salia omnia in acidum & alkali resolvi, ideòque composita omnia salia ex acido & acri coaluisse,

jam verò quia acidum & alkali quomodocumque & quâvis proportionē concurrant degenerare tantum possunt in tertium quoddam salis genus quod modo ad acre modo ad acidum vergit, idcirco tertia salis species clarioris doctrinæ gratiâ statuere licet falsum videlicet, ita tamen ut acidum & alkali tanquam salia simplicia spectemus, falsum verò ut ex prioribus hisce compositum, ad priores itaque sales referemus eos omnes qui vel acidi vel alkali proprietates exerent, ad posteriores verò illos omnes qui nec acidi nec alkali vices vel imperfectè saltem admodum edent.

Ufus salium in genere est soliditatem & firmitatem mixtis conciliare implendo scilicet poros terræ, & fovere motum illum quo pleraque mixta interius cientur, cujus ratio-

ne vegetant & crescunt, ita ut
merito à quibusdam statuatur
præcipuam vim mixtorum in sa-
libus residere, quibus præmissis
illas omnes salium species toti-
em paragraphis examinemus sit
itaque.



PARAGRAPHUS I.

De sale acido.

UT ea quæ de sale acido dic-
turi sumus, methodicè pro-
cedant quæ sint ipsius propieta-
tes, quænam figura, differentiæ
usus sigillatim considerabi-
mus, & quidem primò quoad
suis proprietates, constat aci-
omnia linguæ admota punc-
onis sensum excitare, per mul-
corpora etiam solidissima pe-
trare & dissolvere, pingua fe-
omnia corpora figere, cum al-
linis corporibus, permixta

fermentescere, nunquam vel durissimâ etiam rigente brumâ, fluiditatem amittere.

Ex eo autem quod punctiōis sensum excitent & corpora etiam durissima penetrent, sequitur acidi partes acutas esse ascicularum instar, patet enim ex jam dictis punctiōis, aciditatis, & divisiōis sensum solummodò fieri posse à corporibus acuminatis quæ sanè corpora majora esse debent particulis aquam constituentibus, eo quod linguæ ad mota saporis quemdam sensum inferant & nonnulla præterea dissolvant corpora quæ licet aquæ sint pervia in illo tamen illibata manent, ergo quia acida punctiōis sensum excitant & dividunt, corpora durissima, acuta esse debent, nulla enim alia figura convenire potest hujuscemodi proprietatibus, utrum autem simpliciter
acuta

acuta sint acida ex utroque extremo, vel sint alterius figuræ, ita tamen ut sint semper ex utraque parte acuta nunc explorandum, quia verò jam supposuimus, acida fluida semper remanere ac nunquam concreescere, sequitur necessario certæ cujusdam esse figuræ ut liberum semper relinquant ac præbeant aditum fluido æthereo, nulla enim alia assignari potest causa fluiditatis quam liber ille ac facilis undique ingressus materiæ subtilis, ut inferius demonstrabimus, quia vero nulla figura aptior ac magis idonea excogitari potest, ad illos omnes effectus producendos quam si acida in usiformem figuram tornata esse statuamus, ideo placet nobis hujusmodi figuram ipsis tribuere, unde illorum perpetuam repetitivam fluiditatem ut ex sequenti figura, clarius patebit in qua

D

A. B. C. tres essentielles representant acidorum partes quæ secundum crassiusculam sui partem seu ventrem se contingunt in punctis 1. 2. proindeque;

Fig. 1.

*Acidum
simplex.*





Fig. 2.



à mutuo contactu facile dimo

veri possunt vi materiæ subtilis
per infundibula D. E. I. E. F. 2.
& per infundibula G. H. I. H. 2.
K. subeuntis nisumque exercen-
tis, neque minus etiam si se-
cundum cuspides se se tangant
acidi partes à mutuo contactu
removendæ sunt ut in altera fi-
gura elucescit in qua scilicet aci-
da contingunt se in lineis A. O.
N. O. per æque etiam patent ni-
sui materiæ subtilis, imò magis
quam in figura prima dehif-
cunt infundibula B. D. D. C. un-
de multò pluribus columnis im-
petere debet fluidum æthereum
acida & consequenter faciliùs
ipsa à mutuo contactu remove-
re. Non solùm autem pungunt,
penetrant, & fluida semper ma-
nent acida, sed insuper cum cer-
tis quibusdam corporibus alka-
lina nuncupatis permixta fer-
mentescunt, & tumultuarium
quemdam motum excitant cum

divisione magna seu si malueris , dissolutione corporis quo cum permixtum fuit , unde sequitur acida propter acuminatam figuram interiorem alkalium contexturam subire , neque enim ut in sequentibus dicemus diffringi ullatenus possent corpora acidorum ministerio nisi vim cunei exercerent in latera pororum quos subeunt , aut saltem præberent occasionem æthereo fluido vim cunei exercendi in latera corporis dissolvendi , quâ autem ratione tumultuarius ille motus quem fermentativum apellamus excitari potuit ex permixtione acidi , cum salibus alkalinis , cum vix bene concipi possit ignorata alkalium natura , ideò disquisitionem illam in alium locum ubi de fermentatione tractabimus , remitteremus.

Tandem acida ferè omnia si-

xiora præsertim , pinguia ferè cuncta & glutinosa corpora coagulant seu à statu fluxibilitatis ad statum firmitatis & consistentiæ commutant , ex eo intelligitur 1°. acida , pinguia corpora penetrare, mox consuetum materiæ æthereæ fluxum , quo fluxilitas antea servabatur penitus , aut magna ex parte intercipere , quâ autem ratione id fiat , paucis accipite. Cohærent invicem lanæque instar multipliciter intricantur pinguium corporum partes , oblongæ autem & acuminatæ sunt acidorum particulæ , unde necesse est ut si acida cavitatem pororum , corporum pinguium alterutro sui extremo subeant , vim faciant & agantur in poros, illosque secundum totam suam longitudinem ingrediantur , quoniam verò flexiles sunt corporum pinguium partes elasticæ , necesse est ut se-

mel disjunctæ ab invicem, vi acidi intromissi, ad pristinum subito redeant statum, & acidum fortius velut in vagina stringant, ita ut nullum omnino aut paucum admodum relinquant aditum, exitumve materiæ subtili, illuc antea libere transfluenti, & consequenter è fluiditatis statu ad consistentiæ statum commutentur.

Sunt interim nonnulla corpora pingua quæ ab acidis nullo modo coagulantur, cujus rei ratio cum pendeat à varia acidorum & sulphureorum contextura fusè ac dilucidè exponemus, dum de sulphure differemus.

Porro acida alia sunt volatilia, alia fixa; fixa illa dicimus quæ etiam per summam ignis violentiam, sursum efferri nequeunt, aut saltem ad certam quandam altitudinem cujusmodi est altitudo vasorum depressorum, quæ


à Chymicis retortæ dicuntur; talia sunt spiritus omnes acidi qui è nitro, sale communi, vitriolo, alumine, cæterisque hujusmodi proliciuntur acida verò volatilia illa dicuntur quæ leviori igne fursùm efferuntur, scanduntque ad superiorem partem vasorum altiorum cujusmodi sunt, cucurbitæ, vasaque sublimatoria, atque in hanc classẽ referemus plerosque spiritus acidos, qui tum ex animalibus, tum ex vegetabilibus eruntur, ut sunt spiritus acidi berberis, formicarum & favificorum omnium insectorum.

Quia verò acida volatilia minorem molem ac superficiem obtinent, ac minùs gustus organum feriunt quam acida fixiora, sequitur illa faciliùs in motum esse concitanda aptioraque inde ore suscepto motui conservando quam quæ fixa dicuntur, un-

de pender , seu in quo consistit illorum volatilitas.

Quod spectat ad usus quos acidum præstat in mixtis , sanè illi insignes sunt , ab acidis quippe fiunt omnes concreciones coagulationes & dissolutiones sic si concreescunt metalla , lapidumque omne genus in terræ visceribus , illud totum fit ab acido cujus ope discrepantes admodum partes fermentescunt , dividuntur , atteruntur , rursusque invicem conjunguntur donec emergant v. g. lapides pretiosi , vel salia aut saliniformia quæ ex ipso terræ sinu quotidie paucolabore eruuntur, pro vario enim subiecto cui occurrunt fluores acidi , mira lapidum salium aut saliniformium differentia excitatur ut fusè alibi ; conferunt insuper etiam acida ad plantarum animaliumque genesim & accretionem , succos idoneos ad illo-

rum enucleationem , nutritionem & accretionem producendo , præparando & disponendo ut ex supra dictis & ex dicendis insuper dum de fermentatione clariùs elucescet , quibus de sale acido præmissis ad alia propereamus , sit itaque.



PARAGRAPHUS II.


De Sale alkali.

QUA methodo salis acidæ naturam investigavimus, eadem salis alkalini vires inquiremus , quæ sit igitur ipsius natura , figura , quænam proprietates , differentiæ & quem usum in mixtis obtineat paucis more solito examinemus.

Est igitur sal alkali innumera-
bilibus poris pertusum, angulosæ

& inæqualis superficiei quod acidorum permixtione fermentescit & dissolvitur. 1°. igitur salis alkali contexturam summèraram ac porosam esse ex eo evincitur quod salia omnia alkalina ab aqua & aere facile dissolvantur & liquecant quod sanè minimè eveniret nisi pateret undique cuneolis aquæ vel aëris alkalium contextura. 2°. Salia alkalina angulosæ & inæqualis esse superficiei ex eo constat quod hujusmodi salia omnia acrimoniæ sensum ac erosionis cujusdam speciem seu divisionem multiplicem excitent, unde necessariò sequitur, non simpliciter tantum acutam ut acida quæ pungere tantummodò apta sunt, sed echinatham, asperam & multis horridam spiculis esse salium alkalium superficiem; deinde etiam alkalia salia deterfiva facultate pollent, quæ scilicet à nulla alia figura

commodius repeti potest quam à supra dicta echinata ut ex dicendis abundè patebit. 3°. Quod salia alkalina cum acidis fermentescant & dissolvantur ex eo constat, alkalinorum poros non solùm pervios, sed insuper illorum contexturam raram ac facile dissociabilem, quæ sanè omnia meliùs patebunt ex inspectione sequentis figuræ.



Sed ad proprietates alkalium

magis essentialia accedamus , ex quibus persuasum nobis omnino sit alia figura donari non posse; & sanè quia alkalia faciliùs avolant & evaporantur acidis , & illud non à subtilitate , sed à certa & determinata figura, cujus ratione faciliùs & diutiùs motum suscipiant & conservent quam acida, habeant , nulla potest excogitari figura aptior quam quæ superius tributa est alkalinis salibus, quæ nimirum multò pluribus in locis patet occurrentibus fluidorum particulis , à quibus motum suum mutuuntur , seu enim ignis motum, seu ætheræi fluidi cuncta permeantis experiantur, certè illa faciliùs motum ab utroque illo agente percipient , quam spicula salium acidorum, quia magis se se offerunt æthereo fluido transfluente , & ab illo magis afficiuntur & magnam motus quantitatem pro ratione

ratione molis admittunt.

Salia alkalia, alia fixa sunt, alia volatilia, seu quod idem est, alia levi igne sursum efferuntur, alia verò, nequidem per summam ignis torturam evehuntur, rursus alia sincera sunt, alia non sincera; sincera dicuntur illa quæ summè porosa sunt nullasque terreas sulphureasque particulas secum conjunctas habent; non sincera verò, quæ terreis sulphureisque particulis onusta sunt, ita ut alkalinas proprietates nullatenus vel imperfectè exercere valeant ex quibus patet, quod alkalia volatilia facilius, fixa verò difficilius resolvantur, hæc majorem obtineant molem, ista minorem, unde fit ut ex illorum mixtione cum acidis diversi suboriantur effectus, alia enim sincera cum acidis permixta fermentescunt, ista è contra acidi vices gerunt

pro diversitate partium quibus cum sociata & permixta reperiuntur. Rursus inter salia alkalina fixa, quædam aëri exposita facile liquescunt uti lixiviosa, alia susceptam stabilitatem magis conservant ac tuentur, ut sal absynthii v. g. quæ ultima salia ad falsum magis accedunt, minusque alkali proprietates exercent.

Ufus salium alkalium in mixtis est multiplex, sicut enim ut dum de acido loquebamur absque fermentatione nec vegetabilia, nec animalia, minus verò mineralia gigni & crescere posse dicebamus, nullusque fermentativus motus excitari posse absque acidi cum alkali occursum, ex quorum miscela liber fluidi ætherei fluxus inhibeatur, sequitur ea ratione alkalia omnia ad productionem & conservationem rerum omnium plurimum conferre.

2°. Quia salia omnia alkalia horrida sunt & echinata sequitur quod partes omnes sulphureas per quas feruntur, carpunt, & abradunt & à statu siccitatis ad volatilitatis statum reducunt, uti clarè patebit dum de sulphure.

3°. Quo plus erit alkali volatilis in mixtis, eo & citius ad interitum vergent, quo minùs eo & magis durabunt, cum enim sal volatile in motum velocissimum cieatur, partes sulphureas divellit & extenuat, quæ sic extenuatæ, salia à quibus divisionem passæ sunt secum abripiunt, sicque ut brevi tempore marcescant & tandem collabantur mixta necesse est: contra verò si sale alkalino fixo polleant quia ad motum sunt valde inertia nec nisi difficulter à conjugio terrarum particularum divelli possunt eâ ratione diutius durabunt.

Quæritur vulgò in scholis, utrum salia omnia alkalina suapte natura sint volatilia vel si ex ipsis quædam fixa existant, cui quæstioni sic respondemus, salia scilicet omnia alkalina ex sua natura volatilia esse, modo sint sincera & à consortio reliquorum principiorum libera, haud fecus ac mercurius quilibet acidorum conjunctione fixus videatur in sublimato corrosivo, in pristinam tamen volatilitatem facili negotio detrahitis acidis restituitur, quibus de sale alkalino præmissis sit.



PARAGRAPHUS II

De sale salso.

UT omne tollatur æquivo-
cum, statim hic præmit-

mus, nomine salis falsi nos intelligere illam salium speciem, quæ nec cum acidis, nec cum alkalibus fermentescit, & licet ex illorum solummodò connubio oriatur, longè diversas attamen obtinet proprietates; ideoque sal falsum non simplicem salem esse sed compositum ex acido & alkali strictè invicem unitis & colligatis, non autem destructis dicendum esse, remanent enim acidum & alkali quoad figuram & formam in sale falso, & licet natives exercere proprietates, non valeant ilud totum à mutuo complexu, non verò ex ipsorum destructione provenire existimandum; eodem ferè modo ac gladius in vagina inclusus, non potest pungere aut confodere, nec vagina impleta, corpus aliud excipere, licet alioquin nec gladius, nec vagina, formam amiserint; quod qui

E 3

dem ut clarius pateat, distilletur, v. g. Tartarus vitriolatus, & dabit protinus fluorem acidum relicto alkali in fundo retortæ, ad hoc opus adhibitæ, et si de-nuò extractum acidum alkali af-fundatur, emerget rursus sal idem quod antea fuerat, quia sal falsum constat tantummodò sale acido & alkali.

Nihil aliud est igitur sal fal-sum quam congeries salium aci-dorum & alkalinorum strictè in-vicem junctorum, jam verò alia sunt vera & legitima salia falsa, alia tantum impropria, vera di-cuntur illa quæ nullas acidi aut alkali proprietates quoquomo-dò tractentur exercere valent, impropria verò quæ aut alkali, aut acidi proprietates imperfec-rè saltem edere valent, & hæc rursus dividuntur in falsa acris seu alkalina, quando scilicet in illis dominium tenet alkali & ad

illius naturam magis vergit, & in falsa acida quando scilicet prædominatur acidum & illius proprietatibus gaudet; difficile enim est ut exactè adeò ac perfectè misceantur acidum & alkali quin unum ex iis excedat, & consequenter rara sunt vera falsa falsa.

Rursus falsa falsa sicut & reliqua, dividuntur in fixa & volatilia, fixa dicuntur illa quæ ex acido & alkali fixis coalescunt, alia volatilia quæ ex acido & alkali volatilibus, vel ex acido fixo, & alkali volatili combinatis emergunt; ad primam classem referuntur, nativa falsa omnia mineralium cujusmodi sunt sal marinum & nitrum, tum plantarum falsa essentialia permulta: ad secundam verò revoquantur falsa essentialia permultorum vermium, cantaridarum, &c. tum falsa permulta factitia,


ut sal armoniacum, aliaque quæ pro varia artificum intentione ex alkali volatili & acido, tum fixo, tum volatili invicem junctis componi solent.

Hic quæri potest quorsum acida fixa alkalibus volatilibus permixta falsum efficiant volatile, cui ut faciamus satis illud hic repetendum quod jam alibi diximus ignem scilicet aut materiam ætheream facilius impingere in moleculas alkalinas ut pote magis extensas quam in acidas; ideoque majorem motus quantitatem ratione molis communicare alkalibus quam acidis, ideoque mirum non esse debere si alkalia secum abripiant acida ipsis permixta ob motum scilicet ipsis inditum & impressum.

De usibus salis falsi in mixtis pauca hic habebimus quandoquidem iidem fermè sunt pro scilicet acidi vel alkali dominio ac prædictorum salium de quibus

jam fatis , ni fallor , locuti sumus , illudque tantum inter ipsa discrimen intercedere debet , quod scilicet mitius vel fortius agunt , prout magis vel minus implicata sunt terreis aut sulphureis particulis , quibus actio ac motus notabiliter immutatur quod sanè melius innotescet ex figuris salis falsi acidi & salis falsi acris quas hìc adjicimus.


Sal falsum acre seu alKalinum.



Sal falsum acidum.

Si igitur dominium teneat acidum, acidi proprietates, si a kali ipsius vires exeret sal falsum cum eo tamen discrimine ut fortius semper aget, diutiusque perseverabit ipsius actio, qui majorem obtinet molem, ma

jorem motus quantitatem, potest suscipere ipsamque diutius conservare; his de sale stabilitis sit nunc.



SECTIO QUARTA

De Sulphure.


SULPHUR, seu oleum, sicut terra, sale, & aqua coalescat, principium tamen apud os habetur, eo quo exposuius modo, & apud nos definitur, congeries crisporum filamentorum multipliciter implitorum: illud peculiare habet quod scilicet fluiditatem semper tueatur, unde sequitur dissolutas esse ejusdem partes, nec si paucis in locis se se continere, & multis hinc atque illic eatibus perviam, ideòque

magnam in suis vacuolis materiæ subtilis quantitatem admittere, unde deducitur ratio cur olea pleraque vegetabilium latè sui odorem etiam non calefacta diffundant, cum enim odorem spargere non possint corpora, quin plerasque sui partes dimittant à quibus olfactus organum titilletur, nec continuam partium suarum jacturam facere quin intestino motu cieantur nec latè spargere suas particulas quin vividus ac vegetus sit illorum motus, exinde sequitur in intestino eoque vivido gaudere motu, sulphur seu oleum ol magnam scilicet subtilis materiæ quantitatem poros suos replentem & ob figuram crispam, quibus donantur ipsius partes illam veluti detinentes & incarcerantes.

Unde etiam aliud oleo peculiare, explicatur quod scilicet pann

pannis affusum, ea facile penetraret, iisdemque sic adhæreat, ut vix inde excuti possit, illud enim commodè repeti potest ex tenuitate & figura particularum olei, quò fit ut cæteris corporibus implicentur & adhæreant, quod sane intelligi non posset, si rotundæ, ovales, aut alterius figuræ essent, olei particulæ, ex sola enim figura crispata & laniformi ut ita dicam, lentor, flexibilitas, fluiditas & facilis adhæsiō, cæteræve omnes olei proprietates repeti queunt & consequenter sequenti, aut non ab simili figurâ donari debet.

Stamina Sulphuris.



*Plures Sulphuris particulae
simul unitæ.*

Olea insuper cum aquis misceri nequeunt, ex quo intelligitur strictiorem esse illorum texturam quam ut aquæ partes admittere valeant, & variæ ac diversæ figuræ esse poros olei & aquæ, ita ut unum alteri non respondeat, sicque fluidum æthereum unum ingressum solidam alterius substantiam ipsi obviam repellat & rejiciat; ac demum


inter omnia corpora olea quælibet inflammantur quia partes illorum valdè implicatæ sunt, nullaque corpora facilius inflammari & fermentescere cernimus quam illa quæ implicatis, ramosis, & elasticis partibus donantur ut ex dicendis dum de inflammatione corporum abundè elucescet.

Sulphura seu olea, alia sunt crassa & solida, alia fluida, alia acida, acerba, dulcia, amara, austera, &c. quorum omnium discrimen à permixtione heterogenearum cum ipsis particularum repeti debet, ut ex distillatione fit patulum. Rursus alia sunt fixa, alia volatilia; è fixis verò alia concreta, & resinae aut bitumen appellantur; alia fluida, & balsamum dicuntur, cum summè viscosum est, aut oleum fixum dum fluidum existit, hæc omnia summam ignis vim ex-

postulant ut exeant è mixtis & sursum nunquam ascendunt, ac insuper in aquis demersa fundum petunt; è volatilibus verò aliud olei formam retinet, & oleum essentiale dicitur; aliud spiritus formâ se prodit, & spiritus ardentis nomine donatur, utrumque verò levi igne è mixtis excutitur, facilèque petit summa vaforum, quæ sanè omnes differentiæ ex vario connubio staminum sulphureorum cum terreis & salinis particulis deducendæ sunt.

Ufus olei seu sulphuris in mixtis est multiplex. 1° Quidem dissociabiles mixtorum partes, præsertim terreas invicem colligit, & plicatilibus ac ramosis suis partibus obvolvitur. 2° Salinas mixti partes involvit, earumque actiones retundit, hinc fit ut plantæ, quæ hujusmodi particulis destituuntur ut lactu-

ca, portulaca, &c. citò deli-
quescant : contra verò mixta
quæ multò majorem sulphuris
copiam obtinent diutius confis-
tant ut v.g. resinosa omnes ar-
bores quæ sæcula perennant. 3°. Impedit sulphur violentam ni-
mis aëris in mixta actionem,
& ea ratione etiam illorum con-
servationi multum prodest ut
consideranti, cuilibet patebit,



SECTIO QUINTA

De Spiritibus.

L I C E T jam spiritum ex ele-
mentorum numero expun-
gendum esse dixerimus, eò
quòd sulphuris tantum aut sa-
lis sit progenies, sive sulphuris
ut salis status alter, quia ta-
men dum semel spiritus formam

& naturam adeptæ sunt hujusce-
modi particulæ, longè alias exer-
cent in mixtis proprietates, de
illo hîc pauca dicere necessarium
esse putavimus.

Per spiritum igitur intelli-
mus tenuiorem & volatiliorem
mixtorum partem, illumque sta-
tim in sulphureum & salinum
dividimus; primus sic dicitur,
eo quod omnes sulphuris pro-
prietates redoleat; secundus ve-
rò eo quod in sal & phlegma re-
solvatur: primus adhuc ardens
nuncupatur, eo quod facile in-
flammetur ut v. g. spiritus vini:
secundus aqueus eo quod accen-
sioni sit prorsus ineptus ut spiri-
tus urinæ, sed sive sulphurei sive
salini sint spiritus à sulphure tan-
tùm & sale differunt ratione ma-
joris volatilitatis & motus velo-
cissimi quo donantur, ratione cu-
jus diversos usus in mixtis obti-
nent, ad quorum intelligen-

tiam ; rursus spiritus in sulphureos ardentēs & salinos sunt dividendi, & salini insuper in acidos alkalinos & falsos, pro diversa enim eorum natura, diversas pariter obtinebunt proprietates ; si enim v. g. spiritus ardens in mixto, luxuriet oleosas partes crassiores liquabit eodem ferè modo quo videmus resinas & bitumina ab affuso spiritu vini resolui, & ad fluiditatem perducì ; neque enim alia est actio spiritus sive in mixto delitescat, sive mixti compagem dimiserit, si contra in mixto illo prædominentur salia seu acida, seu falsa, seu alkalina, permixtione hujus spiritus protinus intemperabitur haud dispari ratione ac spiritus nitri, qui spiritus vini conjugio statim mitigatur.

Si autem spiritus salini in mixto abundant sive acidi sint sive

alkalini sive falsi, fluiditatem & motus, ut ita dicam, perennitatem humoribus aut succis animalium, vel vegetabilium tribuent, partes crassas dividendo & dissolvendo, & motum fermentativum in illis conservando.

Qui sanè usus spirituum in mixtis licet magni sint momenti ac ponderis, indeque animalium vita & plantarum vegetatio quodammodo pendeant, nec fructus maturescere possint, nisi spirituosarum partium extricatione & actione, nihilominus tamen faciunt spiritus, ut tum animalia, tum plantæ tandem intereant, rapido quippe suo motu sic turbant singulas partes, sic exagitant, ut viam sibi ipsæ parent, per conspicua animalium & plantarum spiracula & confugientes comitentur spiritus, unde arcescere animalium aut plantarum partes necesse est;

ubi enim tum spiritus , tum
tenüiora principia ablata sunt ,
intestinus omnis motus , ac pro-
inde vita & vegetatio omnis
aufertur.



SECTIO SEXTA.

*An principia Chymicorum supradicta
re verâ & actu sint in mixtis.*

ACTENUS de quinque
illis partibus , quas Chymi-
corum elementa nominasse pla-
uit , è mixtis ignis ope , elici,
tis ni fallor actum esse puta-
us , nunc demonstrandum no-
s incumbit quintuplex illud
rticularum genus ante om-
m etiam ignis in mixta actio-
m , in iisdem præexistere, ignis
te minime sobolem esse ut
nniarunt non nulli, corrueret

enim penitus totum hoc nostrum sistema medicum, si mixta omnia arbitrariis elementis quæ nunquam extitere componi statueremus, probemus igitur terram, aquam, salem, sulphur imò & spiritum formaliter inesse in mixtis, contra quosdam qui hæc omnes partes fatentur quidem adhibito, igne comparari, præfuisse vero in mixtis negant qui potius ignis dicunt, omnia destruentis aut pervertentis opus esse.

Et quidem. 1^o Quoad aquam quoniam è mixtis innumeri absque ignis opera plerumque fluit & è singulis eadem forma elicitur, in terræ visceribus infra, super, fluviis, fontibus, maribus ac ubique reperitur, ignis opus dici non potest, si enim millies v.g. distilletur mixtum igne etiam intensissimo illibatam semper tuebitur formam aqua ex il-

isdemque semper gaudebit
proprietatibus quod certe mini-
me eveniret si ignis opus esset,
pro gradu enim violento magis
aut minus diversam produceret
quam ut consideranti cuivis
 patebit.

2°. Verò quis terram ignis
obolem statuet? præterquam
nim omnium retro sæculorum
experientia constat omnia in ter-
ram verti, è mixtis omnibus ex-
trahitur terra, quæ per sæculum
ignis vim passa semper eadem
emanet & quæ à terra quam
pedibus calcamus tantum differt
quod scilicet illa soluta sit cor-
poribus cæteris ipsi permixtis,
terra vero nostra salibus cæteris
e particulis turgeat quæ ita le-
viter ipsi commiscentur ut sola
quæ affusione auferantur, quo-
iam vero dici non potest ter-
ram illam quam calcamus ignis
obolem esse, ita nec illam quæ
mixtis reperitur.

Nunc verò quod ad sal spectat quoniam ubique terra sale imprægnata reperitur, occurruntque passim maria fontesque salinis imprægnata particulis, salque insuper quodcumque inest terræ visceribus liquatur accessu partium aquearum, liquatumve exugì faciliè potest à plantarum radicibus, non est quod advocemus ignis operam ad salium quæ in plantis occurrunt generationem, deinde vero quia salia essentialia simplici succorum è plantis expressione, & lenta solaribus radiis vel sponte facta superflui humoris evaporatione concrecant in formam salinam, dici non poterit, hæc salia ab igne producta fuisse, rursus quoniam eadem plantæ diversam salis quantitatem suppeditant, si viridæ, majorem puta, minorem autem si siccæ, & immersa nullum fere sal, plurimum

rimum verò dum siccum & aquis non immersum distillatur, licet pari gradu ignis adhibeatur, inde sequitur nullâ ratione salis existentiam in mixtis ignis actioni tribui posse.

Facili negotio pariter sulphuris in mixtis existentiam demonstrare poterimus, præter quam enim tota ferè terra foeta est communi sulphure aut bitumine, ac occurrant variis in locis præsertim in Belgio & Anglia fontes oleum eructantes ac terreae pingues & sulphureae quæ lendo igni peræque ac ligna comparatae sunt, ac insuper è plerisque arboribus sponte aut actâ incisione corticibus fundente pingues succos specie olei crassioris cujusmodi sunt Therebinthis, Abies, Pinus, &c. singulis annis primo vere videamus, & animalia ferè omnia ubivis exodeant pinguedinem : nemo

est qui dicere audeat , sulphur commune , Bitumen , Resinas, quæ ex plantis & arboribus sponte fluunt ; ac demum adipem in animalibus ignis effectum esse , ad quorum omnium confirmationem adjiciemus , quod si mediante spiritu vini ex una portione ligni resinosi auferatur, totum oleum in ipsa contentum ; & deinde distillationi subjiciantur duæ portiones æquales prædicti ligni , illa scilicet ex qua extractum jam fuit oleum à spiritu vini & alia intacta , ignis quicumque gradus adhibeatur, non exurget amplius sulphur seu oleum in portione prima , & ex altera verò elicietur sufficiens quantitas. Ergo ignis producere non valet sulphur seu oleum.

Spirituosarum partium existentiam in mixtis independentem ab igne tot tantæque rationes stabiliunt , ut cuius abundè

pateat , si enim congerantur flores cujuscumque generis in vesica aptato capitello paucorum dierum digestionem , spirituosas partes reddunt , quorum motus rapidus si admotâ glacie capitello , retundatur , fluunt specie liquoris flagrantissimi ; præterea odor ipse corporum argumentum est sufficiens statuendi spirituosas partes in mixtis , nisi enim pleræque forent in mixtis partes tenuissimæ , & à reliquarum compedibus expeditæ perfici nunquam posset vaporatio illa continuaque jactura quam corpora patiuntur , nec nisi perpetua dimitterent effluvia , odorem ullum referre possent , ex quibus omnibus constat re verâ , actu , & formaliter supradicta Chymicorum elementa ante omnem ignis actionem in mixtis præexistere , & si aliquam ab igne mutationem patiantur , il-

iam esse tantum quoad accidentales proprietates, nullatenus quoad essentielles; terra enim remanet semper friabilis, aqua fluxilis, sal acutum & rigidum sulphur lentum & ramosum & spiritus agitativissimo motu donatus, unde non producta nova sed elementorum varius status, quidquid ipsis accidit dici debet & consequenter à primo ad ultimum re verâ prædicta quinque elementa in mixtis formaliter existunt, quod quidem è mixtis omnibus elici possunt, & si à quibusdam non extrahantur, illud totum à defectu idoneorum instrumentorum, non verò à parte mixti, in quo re verâ insunt provenire existimandum quibus sic stabilitis ad caput secundum hujus tractatus properemus sit itaque.



CAPUT II.

DE TEMPERAMENTIS.

SECTIO PRIMA

*Quid & quotuplex sit
Temperamentum.*

EX elementis invicem coëuntibus emergunt corpora mixta : mixtum verò dicitur quod ex diversæ naturæ partibus conflatur, sic pro diversa proportionē elementarium partium invicem coëuntium, diversa mixta excitari, & diversarum proprietatum necesse est. Modus autem proportionis quo elementa concurrunt & attemperantur in mixto quolibet cujus ratione diversas ac determinatas obtinet proprietates, dicitur temperamentum mixti.

Unde temperamentum defini-
niri potest modus proportionis
coëuntium partium elementa-
rium qui functionibus corporis
humani naturaliter obeundis
comparatus est, five elemento-
rum conveniens inter se propor-
tio & in corpora sensibilia con-
textus, & quoniam mixtio illa
elementorum fieri nequit, quin
inde corpus quoddam exurgat
ab ipsis elementis penitus alie-
num, & diversas omnino habens
proprietas, ac mixtio illa in-
super infinitis ferè modis fieri
potest, hinc varia quoque &
diversa occurrunt temperamen-
ta, variæque ac diversæ qualita-
tes quæ nempe pendent ex præ-
dominio unius, alteriusve ele-
menti in mixto, ut sequentibus
clariùs elucescet.

Sic v.g. si elementa æquali pro-
portionē concurrant in mixto,
ita ut unum aliud non excedat

pondere, mixtum illud dicitur gaudere temperamento ad pondus; si verò partes elementares inæqualiter concurrant, ita tamen ut ex ea inæquali mixtione liceat cuilibet individuo functiones suas naturaliter exercere in sua specie, tunc dicitur temperamentum ad justitiam quod temperamentum varium est ac multiplex, ita ut v. g. temperamentum ad justitiam Joannis non esset tale respectu Petri, & temperamentum illud tali modo consideratum, est vera illa & aurea mediocritas quam homini Medicus intendit conservare, vel restituere, & cujus cognitioni totis viribus incumbere debet.

Quia verò non unum, sed quatuor elementa statuimus ac non solum unum, sed duo etiam in mixto quopiam dominari possunt elementa: ideò non unum, imò nec simplex modo.

sed compositum erit temperamentum, id est non unum tantum prædominari poterit elementum; sal v.g. sed eodem tempore sal & phlegma, ideòque necessariò variæ debent statui temperamentorum species, quatuor scilicet simplicia temperamenta, in quo unicum tantum dominatur principium & nomen principii prædominantis retinebunt, sic aqueum seu phlegmaticum dicitur temperamentum illud in quo aqua seu phlegma dominabitur, terreum in quo terra, sulphureum, seu pingue, in quo sulphur, salinum in quo sal.


Quoniam verò non unum sed duo & plura elementa dominari possunt in mixto à dominio duorum elementorum quatuor statuemus temperamenta composita, phlegmatico salinum, nempe in quo phlegma & sal; phlegmatico sulphureum in quo

fulphur & phlegma ; terreo sulphureum , in quo terra & sulphur dominabuntur. Rursus quoniam diversi sunt status salis & sulphuris in mixtis diversasque obtinent proprietates pro vario scilicet illo ac diverso statu , cum ista elementa , vel unum ex ipsis in mixtis prædominabitur , diversas adhuc temperamenti species producere poterit , sic v. g. pro ratione volatilitatis aut fixitatis temperamentum dicetur sulphureum volatile vel fixum , salinum volatile vel fixum , & quia insuper variae sunt salis species in mixtis , rursus temperamentum salino volatile vel fixum , aliud erit acidum , si sal acidum sit , aliud alkalinum , aliud falsum ; si alkalinum aut falsum sal prædominentur , uno verbo temperamentum mixti semper deducetur ex principio vel ex princi-

piis prædominantibus in mixtis

Quia verò illud dominium cognosci tantum potest ob qualitates, sive affectiones propriae & peculiare ipsi principiis prædominantibus, ideò quidam habitâ ratione hujuscemodi sensibilibus qualitatibus, quæ ex connubio elementorum resultant in mixtis, temperamenta varia stabilierunt eaque simplicia, vel composita, pro variis scilicet unica, aut multiplici qualitate in mixtis prædominante, sic quatuor temperamenta simplicia, calida scilicet, frigida, humida & sicca stabilierunt. Quatuor verò composita, calidum scilicet & humidum, calidum & siccum, frigidum & humidum, frigidum & siccum, quas sanè divisiones nostris ferè similes sunt nos enim propriè elementa ipsi verò qualitates seu proprietates ex ipsis emanantibus inspicunt.

Antequam autem ulterius procedamus, & de cæteris temperamentorum differentiis differamus, ne confusæ in nobis oriantur & producantur ideæ quid sint qualitates & quotuplices videamus sit itaque.



SECTIO SECUNDA

*De qualitatibus seu affectionibus
variis corporum.*

QUALITAS igitur seu affectio, nihil est aliud quam modus rei cujuslibet, cujus ratione certo modo agit aut patitur. Modus autem est res ipsa prout talis & cum illo vel alio respectu, sic figura circularis p. g. nihil est aliud quam extensio quatenus scilicet partes æqualiter ab uno puncto medio dis-

tant , manifestum autem est extensionem illam circularem eandem semper esse materiam seu fingatur triangularis seu circularis , nec aliud in ea mutari nisi posituram & situm partium.

Qualitates autem seu affectiones elementorum & corporum , aliæ sunt primariæ , aliæ secundariæ quæ ex primis scilicet oriuntur ; primæ sunt quinque , motus , quies , quantitas , figura , & situs. Motus est applicatio activa & successiva corporis superficiei ambientium corporum.

Quies verò est applicatio passiva , successiva , vel permanens corporis superficiei ambientium.

Quantitas est extensio determinata corporis respectu ad mensuram aliquam , sic quantitas bipedalis dicitur respectu ad quantitatem pedalem.

Figura est determinatus terminus extensionis.

Situs

Situs est respectus corporum in ordine ad loca quæ occupant.

Affectiones autem seu qualitates ejusmodi materiæ ideò dicuntur primæ, quia ex illis variè contemperatis reliquæ oriuntur ejusdem proprietates, sic ex motu vorticofo & vehementi partium oritur calor, & ex quiete respectivâ partium alicujus corporis ad contactum intimum positarum oritur soliditas, durties, &c.

Illæ verò omnes qualitates, tam primariæ quam secundariæ, quæ scilicet ex varia primarum commoderatione, clarioris doctrinæ causâ, habitâ ratione sensuum quos afficiunt, & per quos nobis innotescunt, in quinque classes commodè distribui possunt, in tactiles nimirum, gustatiles, olfactiles, visibiles, & audibiles.

Tactiles sunt illæ quæ sensum

tactus potissimum afficiunt , nec aliorum sensuum ministerio percipi possunt , & sexdecim numerantur , calor scilicet & frigus , humiditas & siccitas , raritas & densitas , gravitas & levitas , durities & mollities , subtilitas & crassities , friabilitas & lentor , ariditas & lubricitas.

Calor nihil aliud est quàm motus vorticosus , perturbatus , & vehemens particularum alicujus corporis , quod calor consistat in motu , probatur ex eo quod calore solvantur corpora ; solutio verò corporum , nihil aliud est quam motio seu remotio partium à mutuo contactu , quod sine motu indito à corpore calido fieri non posset : quòd verò calor consistat in motu vehementi , perturbato , & vorticoso , patet ex eo quod solidissima etiam corpora dissolvat , ac in omnem sensum moveantur corpora calida.

Frigus est motus rectus, particularum corporis frigidi emissionem quâdam productus, coagulationi fluidorum præsertim accomodatus.

Quod particulae corporum frigidorum quæ frigoris sensum excitant sint in motu, probatur ex eo quod corpora frigida quæ in motu posita sunt intensiorem frigoris sensum inducant; ita aër hyberno tempore vento agitato acutiorem frigoris sensum inducit, quod sit motus rectus, probatur ex eo quod frigus qualitas sit adversa calori, nullus verò alius sit adversus vorticoso & circulari quàm rectus.

Fluiditas corporum est motus intestinus, paccatus & levis discretarum partium elementarium cujus ratione se se diffundere apæ natæ sunt: quod fluida sint in motu probatur ex eo quod

fluida, corpora solida dissolvant, sic aqua solvit salem; solutio autem fieri non potest absque motu ut superius dictum fuit.

Humiditas est effectus fluiditatis, ac nihil aliud est quàm adhæ-
sio fluidorum, poris & scrobulis
superficie corporum solidorum.

Soliditas corporum est inti-
mus contactus & quies respec-
tiva partium componentium
alicujus corporis, fluidorum ex-
ternorum compressione exorta
cujus ratione susceptum frigo-
rem constanter tuentur; quod
quies illa pendeat à compres-
sione fluidorum externorum,
patet ex eo quod si quiescentes
partes non cogerentur ad mu-
tuum contactum vi aliquâ ex-
ternâ levissimo motu disturbare-
tur aggeries illa solidorum, cor-
pora componentium.

Soliditatis proprietas est sicci-
tas, ex eo quod partes solido-

rum respectivè quiescant & propriam figuram servant, siccitatis enim nomine nihil aliud intelligitur quàm affectio corporis, cujus ratione propriis terminis facilè continetur & difficulter alienis.

Soliditatis proprietas altera est durities ex eo quod enim solidorum corporum partes in mutuo contactu & quiete respectiva à fluidis circumquaque prementibus, continentur, sequitur difficulter motibus impressis obsequi; durities enim nihil aliud est quàm affectio corporis, cujus ratione tactui difficulter cedit.

Densum dicitur corpus quod sub parva mole continet magnam copiam materiæ homogeneæ, aut potius cujus partes magis intimè se se contingunt, & pauciora intervalla relinquunt in suo contactu fluidis ambientibus hæterogeneis.

Rarum contra dicitur quod scilicet magna mole continet, magnam copiam materiæ homogeneæ, vel potius cujus partes magis à mutuo contactu remouentur, & dilucidiora relinquunt intervalla occupanda fluidis hæterogeneis ambientibus.

Quare densitas definiri potest affectio corporis cujus ratione corporum partes magis intimè se se contingunt paucioribus relictis poris, unde difficulter cedunt impressis & difficulter dissipantur: raritas verò juxta hoc definiri poterit affectio corporum, cujus ratione partes laxius inter se cohærent, & dilucidiora spatia relinquunt, unde facilius obsequuntur impressis motibus & facilius resolvuntur.

Ex solido, & fluido invicem mixtis molle corpus emergit, quod medium tenet inter fluidum & solidum; corpus igitur

molle est illud cujus partes aliæ se se intimè tangunt, aliæ discretæ sunt & in motu positæ, cujus ratione impressis motibus cedunt quo quo modo resistendo, unde mollities est mixtio solidarum fluidarumque partium cujus ratione motibus quodammodo resistendo, cedunt.

Crassum dicitur corpus cujus essentielles particulæ densius compactæ abeunt in moleculas integrantes majoris molis, cujus ratione difficulter moventur & corporum meatus pervadunt.

Crassities verò nihil aliud est quàm densitas particularum corpora componentium cum mole majori molecularum integranium, unde difficulter impressis motibus cedunt & corporum meatus pervadunt.

Subtile dicitur corpus cujus partes componentes discretæ & minùs ad contactum positæ mi-

nimam habent molem , unde impressis motibus faciliè cedunt , resolvuntur & corporum poros faciliè pervadunt.

Friabile dicitur corpus cujus partes integrantes solidæ ad minimum contactum positæ sunt , unde levi motu impresso & attritu separantur ab invicem.

Friabilitas igitur consistit in minori contactu & cohæsione solidarum partium integrantium corporis , cujus ratione levi motu attritionis à se invicem separantur.

Attritio est dissolutio corporis in partes integrantes & insensibiles à corpore compacto solido excitata. Dissolutio verò est divisio corporis in partes insensibiles.

Lentum corpus dicitur quod medium tenet inter molle & fluidum , illud verò constat partim ex partibus ad mutuum con-

contactum positis & quiescentibus, partim ex discretis & motu intestino agitatibus, ita tamen ut discretæ prædominentur, quorum ratione fit ut licet se se effundant veluti fluida; difficilius tamen integrantium suarum partium separationem patiuntur, unde repetitur facilis adhæsiō lentorum corporum.

Lentor igitur nihil aliud est quàm mixtio molecularum solidarum continuarum discretarum & fluidarum, unde difficulter fluunt & solidis corporibus adhærent facile.

Ariditas est mutatio corporis à statu mollitiei & humiditatis ad statum soliditatis.

Lubricitas est complanatio inæqualitatis superficiei corporum solidorum ab effusis fluidis.

Asperitas est affectio corporum solidorum in inæqualitate superficiei posita, cujus ratione

corpora affricta remorantur & retardant, ob superficiem scilicet inæqualem multis moleculis assurgentem multisque foliis depressam quibus donantur aspera corpora.

Lævitas contra nihil aliud est quàm æqualitas superfici ei corporum solidorum cujus ratione affrictorum corporum motum minimè retardant.

Gravitas corporum est affectio corporum à densitate orta, cujus ratione corpora densa à centro terræ facile feruntur & ab illo difficulter recedunt.

Levitas verò est affectio corporum à subtilitate & raritate exorta cujus ratione corpora facile à centro terræ removentur & difficulter ad illud determinantur.

Gustabiles qualitates dicuntur sapes ; sapor autem nihil aliud est quàm affectio corporum cu

ius ratione certo modo punge-
re & afficere, corpus papillare
linguæ apta est; sapores verò
sunt multiplices, simplices alii,
alii compositi.

Simplices sunt acidus & acer,
ex quibus variè commoderatis
emergunt innumeri & varii
sapores.

Acidus sapor est punctionis
quidam sensus à spiculis salino
acidis excitatus.

Acer verò est punctionis &
abrasionis cujusdam sensus à
articulis angulosis excitatus;
ex acido variè terræ & sulphuri
combinato emergunt sapores
austerus, acerbus, stipticus &
amarus,

Ex acri verò variè sulphuri vel
terræ combinato emergit salus
& amarus multiplex.

Visibiles qualitates sunt colores;
colores verò consistunt in certa
dispositione superficiei corporum

cujus ratione certo modo lumen reflectunt in organum visûs.

Colores alii primarii sunt, alii secundarii; primarii, albus & niger.

Albus ponitur in æqualitate & lævitate superficierum corporis multis monticulis donatum, cujus ratione copiosum lumen remittunt in organum visûs ac undique reflectunt.

Niger verò ponitur in inæqualitate & porosa dispositione corporum superficiei, cujus ratione luminis radios absorbent, paucioribus reflexis in organum visûs.

Ex albo autem colore & nigro variè commoderatis, emergunt colores secundarii, flavus, ruber, viridis, &c.

Audibiles qualitates sunt soni. Sonus consistit in motu tremulo & undulato aëris, cujus ratione concussum auris tympanum


num , soni sensum excitar.

Soni alii sunt acuti , alii graves ; acuti in vivido motu tremulo aëris positi sunt ; graves verò in motu ejus remisso.

Olfactiles qualitates sunt odores ; odores autem in motu subtiliorum partium positi sunt, cujus ratione olfactûs organum impetunt & odoratûs sensum inducunt.

Odores alii simplices sunt , alii compositi pro ratione scilicet diversarum partium terrearum farinarum & sulphurearum quæ diversimodè combinatæ & uniæ sensum olfactûs petunt , quibus sic de qualitatibus & corporum affectionibus expositis , & præmissis semel definitionibus illorum omnium qualitatum, sub quarum affectione innotescunt nobis varia mixtorum temperamenta, quod nobis de hoc tractu superest , inquiremus sit aque.

I



SECTIO TERTIA

*De temperamentorum differentiis minis
essentialibus & particularibus.*

TEMPERAMENTA quæ pro dominio elementorum variorum diversa existunt ut ex superioribus satis superque constat pro mutatione ætatum, mutantur pariter.

Ætas autem est spatium vitæ quâ vi motus fermentativi sanguinis, corporis constitutio manifestè mutatur, illius præcipuæ differentię quatuor existunt, pueritia, juvenus, ætas constans, seu virilis, & senectus.

Pueritia à primo ortu ad vigesimum quintum annum extenditur, estque calida & humida & in quatuor partes rursus distribuitur, quarum

prima dicitur infantia à primo ortu ad annum quartum vel secundum nonnullos septimum; secunda pueritia, à septimo ad quatuordecimum; tertia pubertas à quatuordecimo ad octodecimum, & quarta adolescentia, ab octodecimo ad vigesimum quintum.

Juventus, à vigesimo quinto ad quadragesimum extenditur, estque calida & sicca.

Ætas virilis, seu constans à quadragesimo ad quinquagesimum, estque frigida & sicca.

Senectus, ad extremum vitæ extenditur, estque frigida & humida, & rursus in tres partes subdividitur; prima ab anno quinquagesimo ad sexagesimum, & dicitur virida senectus; secunda, ab anno sexagesimo ad septuagesimum, estque senectus ingravescens; tertia demum, ab anno septuagesimo ad ultimum

vitæ terminum, in quo nihil aliud est quàm labor & dolor.

Temperamentum aliud est totale, aliud parziale; temperamentum parziale est illud quod unicuique parti datum est ut temperamentum cerebri, cordis, &c.

Temperamentum totale est illud quod ex particularibus conflatum toti mixto adscribitur, ut temperamennum v. g. totius Pauli, Jacobi, &c.

Rursus temperamentum, aliud est innatum, aliud acquisitum; primum est illud quod à naturâ sive primo ortu cuique obtigit; secundum verò est illud quod decursu ætatis per res non naturales vel præter naturam obtinemus.

Varia etiam stabiliuntur temperamenta sexuum; calidum enim dicitur masculinum; frigidum verò foemineum, sexus autem est modus ortus ex diversis

partium genitalium conforma-
tione & temperie , quæ sanè
omnes temperamentorum dif-
ferentiæ cum parvi admodum
sint momenti , & ex suppositis
facilè admodum intelligi possint
illis ulterius recensendis hìc su-
perfedimus , & antequam caput
istud finiamus coronidis loco
aliquid de calido , innato , & hu-
mido primigenio ab antiquis ,
adeò decantatis adjiciemus , sit
taque.



SECTIO QUARTA

de calido innato & humido primigenio.

IMPERFECTUS profec-
to à plurimis haberetur trac-
tus hic noster de temperamen-
s , nisi accederet aliquid de
calido innato & humido primi-
genio , de quibus tanta somnia-

runt, antiqui, dicebant enim omnes actiones corporis nostri ab illis tanquam à causis primariis emanare, ac tandiu nos vivere quandiu permanebat calidum illud innatum in humido primigenio, ideòque calidum innatum dixerunt ens quoddam nobis innatum & insitum cælestis, cujusdam naturæ & originis, à quo omnis motus & calor oriabantur, & quod humido primigenio seu radicali tanquam pabulo nutriebatur & sustentabatur, cujus sanè calidi innati idæa quam falsa sit ac veritati contraria apud omnes nunc est in confesso, manifestum enim est nullum aliud calidum in corpore nostro reperiri, præter illud quod à motu sanguinis & spirituum producitur, illo enim cessante, cessat calor, illo durante, durat, ideòque pari ratione quorundam recentiorum commen-

ta rejicere debemus , qui scilicet præter calorem illum à sanguine nostro productum alium avocare voluerunt , sobolem scilicet substantiæ cujusdam lucidæ & igneæ , vel spiritus vitalis , vel archæi , vel halitus cujusdam tenuissimi sanguini inhærenti & ab illo alieni ; hæc enim omnia crudi sunt & ambigui conceptus autopsiæ repugnantes , quæ scilicet patet in homine vivente , nullam aliam entitatem esse exceptâ animâ , quæ in eodem mortuo facile reperiri non possit præter motum , ac non magis differat corpus vivens à mortuo , quàm horologium actu motum à quiescente animâ semper exceptâ. Nihil igitur aliud erunt secundum nos calidum illud innatum & humidum primigenium, quàm sanguis duplici suo motu , intestino scilicet & circulari instructus , & ex eo operationes

omnes animales & involuntarias, tanquam à vero principio meritò repetemus; quod sanguis duplici illo motu gaudeat, demonstrabimus capite sequentidum de sanguine; quod verò duplex ille motus requiratur ad vitam patet, ex eo quòd uno ex illis cessante, cessat vita, & perturbato ægrotat homo, sic v. g. si motus circularis fieri nequeat, à quacumque causa illud procedat, mortem subsequi necesse est; si verò perturbetur motus intestinus seu fermentativus sanguinis, tunc perturbatur machina ac functiones omnes inordinantur, ac si tanta oriatur confusio, ut ad pristinum statum nullâ arte reduci possint principia confusa & inordinata, tunc pariter corruere machinam, mortemque subsequi necesse est, ut ex sequentibus magis adhuc clucescet, sit itaque-




CAPUT III.

DE HUMORIBUS.

PARUM aut nihil prodesset nobis, naturam & differentias elementorum ac temperamentorum, investigasse, nisi ulterius progrederetur hæc nostra Physiologica disquisitio, & quæ hætenus metaphysicè locuti fuimus physicè nunc & medicè traderemus, habet igitur commune corpus humanum, Medicinæ nostræ subiectum simul & objectum cum cæteris omnibus mixtis ut elementis scilicet coalescat, & componatur, ac insuper peculiari suo temperamento donetur, illud vero proprium ac singulare, ut scilicet machina sit hydraulica liquorum

beneficio subsistens ; in presenti capite liquores omnes quorum ope durat & movetur & functiones suas obit mirabilis hæc machina , inspiciamus , in sequenti vero partes omnes solidas per quas excurrunt liquores illi , ut sic accurratè examinato nostro corpore , morbis quibus obnoxius est citiùs ac securiùs occurramus , sit igitur.



SECTIO PRIMA.

Quid sit humor & quotuplex.

HUMOR in genere rectè à Medicis definitur, fluidum quodcumque vel corpori insitum , vel potu ciboque genitum , vel ex ipsarum partium corruptione productum , cujusmodi sunt , sanguis, urina, bilis, spiritus, pus, &c. Unde patet quam fuitiles

sint antiquorum quæstiones in quibus scilicet acriter differitur utrum chylus & pus, humorum nomine comprehendi debeant, plurimæque alia scitu prorsus indigna investigantur, quæ ex definitione nostra facile solvi possunt, ut patebit ex modo dicendis.


His positis quoniam in animalium sectione aut cadaverum inspectione varia apparent fluida, diversi coloris, odoris, & saporis in variis corporis colis secreta, variosque usus obtinentia, illorumque omnium cognitionem absolute necessariam esse suspicari liceat, ideò sigillatim & methodicè omnia exploranda; ac statim larioris doctrinæ causâ humores omnes dividendi sunt in alibiles seu nutritios qui scilicet in corporis nostri substantiam facessere poti sunt, in recrementitios qui ad varios usus corporis præstandos

à sanguine secernuntur & rursus sanguini permiscentur, & in excrementitios qui scilicet semel secreti tanquam inutiles foras amandantur.

Humores omnes illi in vasis quibusdam arteriis, venis, lymphaticis & nervis, nuncupatis continentur, simulque confusi ac permixti, rubro saturantur colore, massæque sanguinæ nomen audiunt, à qua scilicet non solum omnes derivantur & prodeunt, sed in illa insuper formaliter continentur, dum verò in peculiaribus quibusdam vasis, colis aut partibus secreti reperiuntur quidam humores, tunc peculiari nomine donantur, sic fluidum quoddam in glandulis corticalibus cerebri filtratum, vocatur spiritus, humor quidam flavus in hepate secretus, bilis, &c. Ut autem nullus ex humoribus in corpore nostro genitus, illi-

batus

batus remaneat tribus sequenti-
bus sectionibus illorum omnium
naturam investigemus, in qua-
rum prima de humoribus alibili-
bus; in secunda de recrementiis,
in tertia verò de excrementi-
tis differamus, sit itaque.




SECTIO SECUNDA

De Humoribus alibilibus.

HUMORUM alibilium no-
mine, liquores illos nostri
corporis intelligimus aptos in
substantiam nostram converti,
c eo sensu innumeri ferè sunt;
partes enim omnes cum sint di-
versæ figuræ, varios etiam hu-
nores admittere possunt, & sic
anguis v.g. qui idoneus repe-
tur ad nutritionem muscu-
lorum, nervos nutrire inep-
tus erit quia requisitam non

habet figuram ut assimilari & introduci possit in substantiam & corpus nervorum . & sic de cæteris ; quoniam verò humorum omnium fons & origo est chylus , ideò antequam ulteriùs progrediamur , quo modo peragatur , quibus instrumentis , quibus usibus inserviat , & quâ viâ deferatur ad sanguinem & cum illo permisceatur , inquirendum quapropter sit.



PARAGRAPHUS I.

De chylo.

CHYLUS est massa quædam liquida ex cibo vel potu , in ventriculo & intestinis genita , ut plurimum salsa subacida , interdum subdulcis , & non nihil viscida , ferè semper albicantis , rarò alterius coloris , pro assump-

torum nempe varietate fermentique conditione , quandiù in ventriculo continetur instar pulvis dilutioris vel lactis paulò crassioris se habet, in quo licet quoad sensum , homogeneæ videantur omnes ipsius particulæ , in illo tamen resident adhuc partes heterogeneæ excrementitiæ in intestinis separandæ , ne ab illis corporis œconomia lædatur; quomodo autem chylus , depuretur , & quâ viâ ad sanguinem perveniat , & in ipsum transmutetur paucis accipite.

Alimenta quæ cibi & potûs nomine vulgò donantur necessaria esse ad substantiæ nostræ , quæ quotidie deperditur , reparationem , eaque talia quæ à visceribus subigi possint , & ad nutritionem idonea reddi nemini ignotum est , hæc antequam in chylum mutantur , varias patiuntur alterationes , quarum

prîma statim fit in ore , ubi scilicet dentibus comminuuntur, franguntur , inciduntur ac teruntur , donec crebriùs repetitâ trituratione & salivæ commiscelâ , à linguâ varlè & diversimodè commota & agitata , dissolvantur , & in crassam quamdam pulvem redigantur & tandem in ventriculum per æsophagum detrudantur , ibi ulteriùs perficienda & elaboranda.

Quod in ventriculo alimenta verè in chylum abeant , & immutentur ex eo deducitur quod ibi diutiùs morentur , sensibilibiter deliquescant & qualitates suas omnimodè deponant.

Quo pacto autem abstrusum illud peragatur negotium, ommissis Antiquorum ac Neotericorum quorundam sententiis , sic breviter expedimus; constat ventriculus seu sthomasus triplicetunicâ, quarum interior innume-

ris glandulis intertexta, media nerveis filamentis contexta, altera verò fibris musculosis & carneis conflata se se oculis exhibent in glandulis illis interioris tunicae ventriculi succus quidam filtratur à sanguine, quem fermentum sthomacale vocant Medici, cui totum ferè meritò chyloficationis negotium tribuitur; alimenta enim in ore primùm præparata & in ventriculum detrusa, ibi à contractionibus variis in fibris carneis excitatis alimentorum massa quasi pisturâ nova subigitur, succus in glandulis contentus exprimitur & alimentis miscetur & alimenta sic sensim dissoluta exeunt ex uno extremo ventriculi pylorus dicto, qui ob hanc rem in modum hiat ut fluidori chylo exitum concedat donec crassior sedetentim sequatur; fermentum autem illud actuatur & in


motum adducitur ab insigni quantitate spirituum animalium in tunica nervea ventriculi perpetuo affluentium & insuper à calore vicinarum partium quibus, subjacet sthomacus, quod sanè verum esse ex eo patet, quod si aliundè avocentur spiritus vel deficiat ex parte calor partium, imperfectè omnino fit digestio; uti euenit in diuturnis ac violentis animi pathematis nimis exercitiis; cæterisque omnibus in quibus insignis fit spirituum jactura & deperditio.

Fermentum autem illud nec merè acidum, nec merè alkali esse ex eo unico evincitur, quòd scilicet cum æquè sulphurea terrestria, ac salina comedamus, requiruntur necessariò in fermento sthomacali, particulæ quædam alkalinae ad dissolutionem sulphurum, acidæ verò ad digestionem terreorum aut salino-

rum alimentorum , quod nihilominus interim non eveniret si merè acidum aut alkali esset fermentum ventriculi.

Statuemus igitur sale androgeno turgere fermentum de quo nunc agimus , & ex ipsius commiscelâ cum alimentis , concurrentibus insuper spiritibus animalibus & vicinarum partium calore , fieri digestionem , seu alimentorum transmutationem in chylum in ventriculo , è quo simul ac exit chylus in principio duodeni , occurrens bili & succo pancreatico , in eodem ferè loco à poro coledochæ & canali Virsungi supeditatis , tumultuarium cum illis init motum , fermentativum dictum ex quo chylus ulterius elaboratur ac perficitur partesque crassiores & excrementitiæ à subtilioribus secretæ præcipitantur in crassa intestina , donec ad evacuationem dispo-

fitæ excludantur , dum interim subtiliores chyli particulæ , ostiola vasorum lacteorum subingressæ , ad pancreas asellianum , indeque ad receptaculum pequetianum & canalem torachicum delatæ , massam sanguineam in medio venæ subclaviæ subingrediantur , ac tandem iteratis circulationibus in sanguinem transmutentur , purpureumque induant colorem quem scilicet dum semel induerunt , tunc chyli nomen deperdunt & sanguinis vocabulo insigniuntur sit ergo.



PARAGRAPHUS II.

De sanguine propriè dicto

SANGUIS propriè dictus comprehenditur vulgò in venis & arteriis in quibus scilicet hu-

mor purpureus & rubicundus
reperitur; vna cum reliquis cor-
poris nostri partibus in ovo con-
tineri sanguinem conjicere licet,
à chylo vero quotidie reparari
certissimum est, quoniam verò
omnium ferè generum particu-
lis constare chylum ex modo
dictis patulum fit, totidem
etiam coalescere sanguinem, con-
sideranti cuilibet patebit, incon-
cussæ enim veritatis est, princi-
piata redolere semper principio-
rum naturam, nihil igitur aliud
erit sanguis quàm chylus magis
elaboratus & coctus, cujus præci-
pua differentia in colore, & pecu-
liaribus quibusdam proprietati-
bus positæ erunt, ut ipsius ergo
natura perfectè nobis innotescat.
Sanguinis instituamus analysim.

Unde autem cruentus ipsius
color, cæteræque ipsius proprie-
tates oriantur, accuratè quan-
tùm in nobis erit perpendamus;

& quidem primò quoad partes sanguinem constituentes, edocet nos quotidiana experientia in serum & globulos quosdam rubicundos per fluidum illud ferofum delatos, & in illo innatantes, sponte suâ secedere sanguinem, quæ duæ partes respondent, duabus etiam variis substantiis quibus coalescit chylus, in quo scilicet præter serum, butyrosam quamdam & pinguem substantiam conspiciamus; globuli illi à quibusdam pro fibris sanguinis habentur, illarumque secundùm ipsos funguntur officio, sanguinisque bonam constituunt diathesim, dum in debita quantitate, in debito motu, debitèque constituti reperiuntur, dum verò alterutrum ex supradictis in ipsis deficit, tunc sanguinem pravâ donari diathesi pronunciant quam sanè opinionem non parùm roborat mo-

us quo sanguis in nobis perficitur, chylus enim uti mox dicebamus, per ductum chylicum seu thoracicum in axillarem venam delatus, ibique sanguini permixtus ab eo sensim resolvitur & subigitur successive cum eo permiscetur & alteratur, verumque perpetuò est, quod in principio sectionis hujus præmiimus, chylum esse humorum omnium fontem & originem, & sanguine tantummodò differre vario coctionis & perfectionis gradu.

Undè autem fiat sanguificatio utrum peculiari quodam instrumento seu medio opus sit, subigitur apud authores etiam robustissimos, quorum quidam corde, fermentum quoddam peculiare sanguificandi facultate præditum constituunt, alii aëri pulmones continuò adveniēti, illud committunt nego-

tinum, quidam demùm ipsimet sanguini ipsiusque motui fermentativo à quo fit scilicet ut chylosæ particulæ sub ipso fermentationis motu sensim attenuatæ & subactæ, intimè particulis sanguinis permisceantur, salinæ scilicet salinis, pingues pinguibus, aqueæ aqueis, simulque in texturâ suâ ita alterentur, ut & ipsæ tandem successivè sanguini perfectè assimilentur, & in verum abeant sanguinem, cui sanè ultimæ opinioni meritò plaudimus & tanquam verisimiliorem tuemur, præmissis solummodò, non parùm conuocare aërem ac cordis motum ad transmutationem illam perficiendam, ut inter explicandum fusè demonstrare conabimur.

Unde autem mutatio illa coloris albi in rubrum proveniat, qui Physicæ Cartesianæ limina salutarunt, deducunt facillimè
sola

sola enim dispositio, variaque combinatio particularum & molecularum ad hoc sufficit; fieri enim nequit diversa partium dispositio, quin variè reflectatur lumen, indeque varius oriatur color: sat erit in presentiartum indicare mutationem illam in sanguine ferè totam peragi à nitro aëreo ipsi permixto in pulmonibus communicato ut experimentis clarissimi Louveri abundè demonstratum fuit.

Porro sanguinem diversæ naturæ ac indolis à chylo, varias etiam ab ipso obtinere proprietates, easque nobiliores ac insigniores æquum est; præcipui illius usus eo incidunt, ut scilicet quâ ratione chylus reparat sanguinem non absimili sanguis reficit partes quæ sanguinis particulas admittunt, & chylosas respuunt ob defectum debitæ coctionis ac sufficientis præparationis, in chy-

lo , præterea cum particulæ salinæ , sulphuræ , &c. quæ in chylo intricatæ , confusæ , & indigestæ adhuc erant , nunc extricatæ , unitæ , & debitè elaboratæ existunt , facile deponuntur & separantur in variis colatoriis per corpus nostrum disseminatis , ad varios usus præstandos , uti dicemus inferiùs , quæ omnia meliùs adhuc intelliguntur , dum scilicet in fine sectionis hujus , de cæteris humoribus nutritiis paucis traditis , nutritionis modum exponemus , sit itaque.



PARAGRAPHUS III.

De lymphæ & succo nerveo.

CEREBRUM duabus substantiis , corticali scilicet seu glandulosa , & medullari seu in-

internâ aut alba constare autopsia patulum fit, in prima tenuiorem & subtiliorem sanguinis portionem sub nomine spirituum animalium filtrari, indeque ministerio nervorum, per totum corpus distribui in confesso est apud omnes, utrum verò unâ cum præfatis spiritibus, liquor quidam etiam separetur, qui instar vehiculi se habeat, canales nerveos perpetuò irroret, & spiritus contineat, illorumque impediat evaporationem, ambigitur apud auctores etiam expertissimos, inter quos succi nervei deffensores ita strenui & acres reperiuntur, ut non solum præfatos usus, sed nutritionem, morbosque ferè omnes ipsi tribuere ausi sunt, quæ sanè opinio quantum à veritate recedat inter explicandum abundè declarabimus, alii contra re verâ dari succum nerveum, plurimis

experimentis, probarunt, & 1.^o quidem ligaturâ quâ constare dicunt intumescere nervos superius, detumescere vero inferius, uti in arteriis evenire solet. 2.^o Quia difficile admodum motum suum circularem perficere possent spiritus ob summam ipsorum volatilitatem, nisi fluido quodam irretiti cum ipso simul excurrerent & raperentur. 3.^o Quia impossibile est ut in glandulis corticalibus cerebri, pars quædam serosa una cum tenuioribus admittatur, quæ particulae simul unitæ in cerebro, simul etiam viam suam peragere verisimile censetur, quandoquidem nervi, nil aliud sunt, præter ipsam nervorum substantiam continuatam & per singulas corporis partes productam, sive ipsius cerebri substantiæ exiles quædam propagines, ut ritè Vuilsius cæteri que post ipsum non pauci

demonstrarunt, quibus omnibus accedit ultimò, quod cum in glandulis conglobatis reperiatur liquor quidam de quo modo differemus & in supradictis glandulis innumeræ nervorum propages disseminentur, succi tantummodo nervei soboles, seu productum esse potest succus ille qui insuper similibus fere donatur proprietatibus; ergo ex his omnibus ritè concluditur, revera dari succum nerveum, qui in cerebro unâ cum spiritibus secretus per nervos unâ cum ipsis fertur & circulatur, ipsorum avocationem impedit aliquid ad nutritionem conducit, lympham ex parte producit, cæterosque minus effatu dignos præstat effectus de quibus fusè, Vuilsius, & quos ex parte etiam declarabit quod nunc de lymphâ trademus.

Lympha igitur humor est serous totus lymphidus, vasis pro-

priis, contentus in glandulis conglobatis præcipuè filtratus & collectus, indeque per universum corpus delatus unde magnam cum succo nerveo analogiam intercedere statuimus, ex eo quod in prædictis glandulis diffundantur & diffeminantur innumeri nervorum furculi, partefque illæ omni fere sensu destituantur, ideo in illas tantam nervorum quantitatem ferri conjiciendum ut scilicet in ipsis superficies succus nerveus deponatur, ibi que cum illa subtili feri portione à sanguine suppeditatâ, permixtus, lympham tandem constituat. Porro licet in quibusdam tantum partibus videantur vasa lymphatica in singulis corporis nostri partibus reperiri conjecturæ locus est, ac si ubique non conspiciantur illud totum ipsorum exilitati tribuendum & instrumentorum idoneorum defec-

tui; in hepate facile conspiciuntur in quo venam portam instar hederæ coronant item in vasis & glandulis chyliiferis, in receptaculo pequetiano in ductu thoracico pluribusque aliis partibus in quibus exonerant se se vasa lymphatica ut chylum vel sanguinem fluidiorem reddant ipsorumque motum fermentativum adaugeant sic v. g. lymphæ in ductibus chyliiferis chylum diluit, in vena jugulari sanguinem fluxiorem reddit ut facilius in corde rareseat, in pericardio humorem ejus restaurat & sic de cæteris.

Ex quibus omnibus conjiciendum lympham partibus salino sulphureis volatilibus constare ut supra recensitos omnes effectus producere valeat quod ulterius insuper confirmatur ex eo quod igni exposita facile concreseat & gelatinam æmuletur, & ab aci-

dis insuper etiam facile coaguletur, ac consequenter si quis lympham acidam esse contendat, & ad illud probandum Silvii experimentum afferat huic respondendum, vel experientiam illam esse falsam, vel ex prejudiciis enatam vel in subjectis morbosis tantum annotatam, idèoque apud nos parvi ponderis.

Vasa autem lymphatica, canales sunt splendentes & pellucidi, interdum rutilantes ubi scilicet immediatè cum vena communicant, & candidi magis quintâ vel sextâ à pastu horâ, tenuissimi insuper, & aranearum tela crassitie vix superantes ad levissimum contactum rumpuntur, unicâ tantum gaudent tunica sed pluribus valvulis semilunaribus, unde pariter ac venæ lacteæ nodosi exteriùs ac genticulati apparent, ut scilicet lymphæ motum suum circularem

valvulis illis adjuta faciliùs peragat, perennet, ac producat.

Ufus lymphæ in nostro corpore multiplices sunt iique insignes, chylo enim permixta ipsum diluit sanguinis massam penetrans, ipsam actuat ac vivificat, sanguinisque propriè dicti partem constituit, in primis viis existit menstruum, in ore mace- rat, in ventriculo dissolvit, uno verbo humores omnes quodam volatilitatis caractere impræ- gat, solidisque partibus ex parte alimoniam præbet; quibus sic de chylo, sanguine, succo ner- veo & lymphâ præmissis; nunc quomodò fiat nutritio breviter expediamus, quare sit.



PARAGRAPHUS IV.

De nutritione.

[I C E T sanguis quotidianâ
Lac continuâ restauratione in-

indigere superiori capite demonstraverimus, non absimili tamen ratione, partes solidæ quotidiano indigent alimento, ad hoc ut jacturam quam patiuntur, reparent, ac in eo semper statu permaneant, ut functiones sibi demandatas ritè obire possint. quid sit igitur nutritio, quomodo quibus mediis peragatur, breviter nunc ac perspicuè more nostro indagemus.

Nutritio ritè definiri potest, conversio alimenti in substantiam viventis, qua vivens secundum omnes suas partes integrantes proportionem servatâ eandem servat quantitatem, unde sequitur quod in nutritione tanta debet esse partium restauratio, quantus est defluxus earum, in accretione vero major particularum appositio quam earum defluxus in decretione verò minori

appositio major vero defluxus seu deperditio.

Materia nutritionis est sanguis lymphæ & succus nerveus, forma verò nutritionis consistit in unione seu assimilatione alimenti cum partibus alendis ut harum restaurentur jacturæ.

In nutritione autem tres actus sunt prestandi. 1° Nutrimenti appositio. 2° Appositi in substantiam partis conversio & assimilatio. 3° Nutrimenti ita assimilati firma cum parte unio seu agglutinatio, nutrimenti appositio fit simpliciter per secretionem mechanicam fundatam in proportionem pororum partis nutriendæ, cum figuris particulæ substantiæ nutrientis ita ut v. g. cum sanguis singulas corporis nostri partes permeat quædam ipsius particulæ se se insinuant in illas partes quarum pori ita figurati sunt ut certas sanguinis moleculas in se recipiant, reliquas

vero respuant easque præterlabi
sinant, ita ut unaquæque pars
non nisi sui similibus alatur, assi-
milatio verò & agglutinatio fi-
unt ab ipsamet parte quæ scili-
cet alimenta deposita, sibi que ut
ita dicam demandata & credita;
sensim immutat ac in sui subst-
tantiam transformat ad hoc spi-
ritus caloreque partium non pa-
rum concurrentibus.

Quod lymphæ & succus ner-
veus inter humores nutritios re-
ponantur ex eo evincitur quod
scilicet pluribus in locis sanguini
infundantur ac permisceantur,
quod in partibus plurimis roris
instar adhærentia conspiciantur,
quod cum pori variarum corpo-
ris nostri partium diversæ sint fi-
guræ & magnitudinis, variarum
etiam figurarum particulas re-
quirunt ad hoc ut non solum
nervorum ipsorum cavitates in-
grediantur, sed semel ingressæ
particulæ


particulæ foveantur, amplectantur, ac sensim immutentur; quoniam verò variæ partes, illæque diversæ figuræ sunt nutriendæ, non unicus sed multiplex humor ad nutritionem requiritur, inter quos cum nulli magis idonei reperiantur in nostro corpore quàm sanguis, lymphæ & succus nerveus, meritò tribus istis humoribus totum illud nutritionis opus refundimus cum eo tamen discrimine, ut omnium magis sanguis, deindè lymphæ, ultimò succus nerveus conducant.

Porrò non solas partes musculosas, vel sola viscera nutrimentum ex prædictis tribus humoribus suscipiunt ipsa etiam vasa, omnesque insuper vel minimæ etiam particulæ pcculiaribus suis vasis instructæ cernuntur ut sibi congruens alimentum suscipiant, mechanicâ enim nunquam satis admirandâ, vasis suis propriis

coronantur & circumdantur, quæ suis porulis, quod ipsis congruum est præterlabi sinunt, ita ut eodem, eoque uniformi illo semper modo quâ natura agere solet, in singulis tam sensibilibus quàm insensibilibus corporis nostri partibus peragatur nutritio.

Quod sanè ut meliùs adhuc intelligatur, hìc supponendum sanguinem duplici motu gaudere & instrui, circulari scilicet & intestino, motu circulari à corde ipsi communicato & indito per singulas corporis partes, à centro ad extimam usque superficiem, ut verbis utar Hypocratis per arterias defertur, ac in ipsis mechanicâ supra exposita nutritionem deponit & suppeditat, ita ut quod superfluum est per venas ad cor redeat, ut ibi alterius perficiatur & elaboretur, motu verò intestino sibi proprio & sin-

gulari , varia principia ipsum
constituentia exaltantur , uniun-
tur, extricantur , atteruntur , vel
intimiùs pemiſcentur pro varia
ipſorum natura & indole , qui
ſanè ultimus ſanguinis motus ,
non minùs quàm primus , ne-
ceſſarius eſt uti fuſiùs dum in fi-
ne capitis iſtius de fermentatio-
ne ; his igitur prælibatis ad ſec-
tionem tertiam nunc accedamus
in qua de humoribus recremen-
tiis agendum venit.



SECTIO TERTIA

De humoribus recrementiis.

QU A methodo humores ali-
biles exploravimus , eadem
nunc recrementitios inveſtige-
mus , qui ſanè humores dicun-
tur illi qui ſemel à ſanguine ſe-
creti poſtquam varios uſus in cor-

pore nostro præstarunt, rursus sanguini permiscuntur, quod sanè ut melius intelligatur, hic præmitendum in corpore nostro varia colatoria reperiri in quibus sanguis transeundo humores quosdam deponit ac relinquit pro variâ pororum dispositione & figura qui humores sanguini magna ex parte rursus permiscuntur ex toto vel ex parte ac in eo vel fermentationem suscitant, vel incæptam jam producunt & promovent, vel aliis usibus inserviunt quos figillatim attingemus, dum de humoribus à quibus proficiscuntur, sermonem habebimus; variis nunc paragraphis diversos illos humores perscrutemur.

PARAGRAPHUS I.

De Bile.

QUIA difficile admodum est, ne dicam impossibile

de bile appositè differere ignoratâ hepatis structurâ ac compositione, ideò de illa sequentia accipite. Hepatis substantiam non parenchymatosam sive ex sanguine circa vasa congrumescente, congesto ut pronunciarunt antiqui, sed unâ cum Malpighio glandularum conglomeratarum congeriem esse in confesso nunc est apud omnes; præter glandulas autem adsunt in hepate vasa quàm plurima in variis ejus lobulis propriâ membranâ involutis disseminata ad acinos illos glandulosos pertingentia, ac in illis bilem deponentia; reperiuntur insuper vasa lymphatica quàm plurima, & in extremitatum altera glandularum, vasa excretoria, quorum plurima simul juncta & unita canales conspicuos constituunt per quos excurrit bilis & ad intestina vel cystim felleam deferitur.

Vasa ad hepar sanguinem advehentia sunt vena porta, & arteriæ celiacæ ramus dexter quibus adjungenda sunt quædam lymphatica & nervi, abducentia verò venæ cavæ plures furculi biliaria & lymphatica.

Humor qui defertur ad hepar, est sanguis in quo scilicet cum bilis sicut cæteri omnes humores formaliter contineatur mirum non est, ut in acinis istis glandulosis ob pororum dispositionem, secernatur & separetur, utrum verò peculiari quodam fermento in glandulis hospitato & delitescente, quo mediante materiâ bilis à sanguine suppedi-
tâ in sui per glandulas transitu, bilis formam suscipiat, & in ipsam verè transmutetur per modum præcipitationis vel fermentativæ ejusdam alterationis, utrum insuper transpropriam arteriarum tunicam exudet hu-

mor, vel in receptaculis quibusdam propriis & peculiaribus in arteriarum extremitatibus existentibus, in quibus deponit arteria, suscipit vas excretorium & resorbet vena, quia hodie acriter in scholis contenditur, ideò de illis paulò fusiùs differendum, ut quæ de reliquis etiam humoribus dicturi sumus clariùs elucescant.

Missis igitur hac de re variis sententiis de quibus alibi fusiùs, sic nostram breviter expediemus juxta mentem clarissimi Borelli, nuperrimè experimento celeberrimi D. Chirac confirmatam; publicè enim in Monspeliensi Academia demonstravit eruditus Professor, in hepate porcino, vesiculas quasdam membranosas, per totam superficiem disseminatas, ad quas arteria, vena, & vasa excretoria pertingebant, & ad quas non solum sanguis,

sed aer etiam in venam portam
introducitur & inspiratus perve-
niebat facillimè, unde conjicien-
dum esse putavit in hujuscemo-
di vesiculis seu receptaculis san-
guinem immorari & stagnare
paululùm ad hoc ut partes ho-
mogeneæ simul unitæ faciliùs fil-
trentur & separentur, & per po-
ros glandularum sibi accomoda-
tos, transeant, dum quod su-
perfluum existit, per venam re-
sorbetur, & ad massam sangui-
neam redux, suum iter pergit
modo jam sæpissimè exposito:
sola igitur mechanica pororum
dispositio cum figura accomoda-
ta particularum secernendarum
ad secretionem humorum suffi-
ciet, adjungendo solummodò
mechanicam illam vesicularum
dispositionem, quæ prædictam
secretionem multùm juvare &
promovere absque ullo peculiari
fermento ipsis glandulis implan-

tato & inhærente quod sanè sicut de hepate, ita de cæteris omnibus colatõriis est statuendum. His in genere præmissis ad bilem nunc accedamus.

Bilis igitur humor est flavus & amarus ex massa sanguinea modo superius exposito in vesicâ fellis, poro biliario vel hepate secretus; ipsius materia proxima sanguis est, remota chylus & ex particulis seu principiis sanguinem vel chylum constituentibus, copiosum oleum occulto acido, debito tamen alkali volatili saturatum continet, quod ex ipsius distillatione planè evincitur; non ineptè igitur saponarius seu oleosus falsus liquor erit bilis; quandòquidem constat ex partibus sanguinis salino sulphureis serò arctissime sociatis ulteriore coctione acrioribus redditis & in bilem versis unde pingua bilem augment, dulciaque facilè bilescunt.

Præcipuus bilis usus est coctionem alimentorum in ventriculo inceptam in intestinis perficere ob ipsius scilicet permixtionem cum succo pancreatico qui unâ cum bile in intestino duodeno effunditur, ibique chylum ex ventriculo delapsum fermentat, ut quod in ventriculo deficit in intestinis perficiatur motum insuper peristalticum fovere, cruditates in intestinis abstergere, ipsa ad excretionem promovere, vermes enecare, putredinem in hac corporis cloaca arcere &c. qui sanè usus bilis tanti sunt ut sine ipsa languidum omninò & ægrum evadat corpus. Confusa enim in sanguine remanente ita dissolvitur & immutatur ipsius contextura ut cachectici hydropici, aliisve innumeris morbis obnoxii fiant illi in quibus abundè & liberè bilis non separatur, ac in colatoriis pro-

priis non deponitur ut videre est apud Glissonium tractat de anatomia hepatis cap. 39. apud Moëbium & plurimos alios.


Hic quæri solet ab authoribus, utrum bilis in vesicâ fellea contenta ejusdem sit naturæ; ac illa quæ in acinis glandulosis hepatis continetur, cui quæstioni ut faciamus satis, missis circa illam variis authorum sententiis, dicimus, verisimile omninò esse bilem in cystide fellea contentam ejusdem esse naturæ, & ab hepate in ipsam derivari, ac totum discrimen quod inter ipsas intercedit, ex eo peti debere quod scilicet cum moram quandam contrahat bilis in vesicâ fellea crassior & spissior esse debet, cum è contra ea quæ hepatis glandulas præterlabitur tenuis magis ac volatilis appareat, eò quòd nullibi stagnet & continuò per poros colidochos intestina

subingrediatur, ibique usus supra recensitos præstet & obtineat.

Bilis confectionem hîc attingere sat erit quandòquidem ex supradictis clarè intelligi potest; absque igitur fermenti cujusdam ope, vel transmutativâ quâdam facultate ipsis glandulis hepatis implantatâ, sed solâ mechanicâ pororum structurâ bilis in sanguine contenta in hepar deponitur & separatur modo superius exposito dum de secretionem, partimque deinde ad vesiculam felleam, partim ad intestina deferatur, ut experimentis clarissimorum anatomicorum demonstratum fuit.

Inutile porrò hîc esset apud nos divisionem bilis, antiquorum, retinere quandòquidem unius tantùm generis in corpore reperitur, & si interdum viridi, atro, vel alio quovis colore inficiatur, illud tantum est permixtione cæterorum

terorum humorum hæterogeneorum, vel ex morâ nimia, quàm extra propria receptacula contraxit, repetendum esset & consequenter non variam aut diversam bilem, sed tantummodo vitiatam & alteratam accidentales illæ differentiæ constituunt, quod ad pathologiam, non verò ad physiologiam de qua nunc agitur, attinet, quare sit.



PARAGRAPHUS II.

De succo pancreatico.

SUCCUS pancreaticus est humor serosus ad acidum vergens, qui ex pancreate in intestinum effunditur.

Pancreas autem aggeries est glandularum conglomeratarum communi membranâ, vasorum

& nervorum ramis, inter se colligatarum ; transversim sub ventriculo situm est, & una ex suis extremitatibus ad lienem extenditur, alterâ verò intestino duodeno obligatum non nihil cum illo descendit unaquæque glandula peculiare suum habet vas excretorium, quæ omnia simul coeunt in unum canale commune à Virsungio repertum, & ob id canale Virsungii nuncupatum inseritur obliquè in eodem ferè loco ac porus coledochus in intestino duodeno, ibique humorem deponit acidum, succum pancreaticum dictum.

Uusus succi pancrearici est chyli dissolutionem integram seu perfectam coctionem procurare & promovere ; effrenos sanguinis motus sedare & compescere, qui sanè usus & consimiles non sunt tanti momenti, ut ad vitam absoluté necessarij existant,

quin imò absque pancreate, vitam commodè traduci posse observavit Brunnerus, quare talem succum in corpore existere, dixisse sufficiat, sit nunc.



PARAGRAPHUS III.

*De fermento ventriculi, saliva,
& lachrimis.*

L I C E T plurima jam de saliva & fermento ventriculi dixerimus dum de chylicatione agebamus, ut nihil à nobis intactum relinquatur, sequentia sunt adjicienda.

Saliva humor est serofus insipidus, ex ductibus salivalibus extillans, ductus salivam in os deferentes sunt quatuor notabiliores, quorum duo superiores à parotidibus originem trahunt & manifesto orificio in os decur-

runt, duo verò inferiores à glandulis maxillaribus oriuntur, & sub apice linguæ propè dentes incisores maxillæ inferioris inter quasdam ibi sitas papillas terminantur.

Saliva nec ad acidum, nec ad acre vergit, sed de utroque participat, à sanguine suppeditatur, & via circulationis in supradictas glandulas deponitur, ac in illis secernitur ac separatur, solâ mechanicâ pororum, & ipsius particularum structurâ & conformatione uti de bile modò dicebamus.

Ufus salivæ sunt ferè innumeri, inter quos præcipui sunt alimentorum dissolutionem & digestionem incipere & inchoare, masticationem promovere & adjuvare, voci non parùm conducere, sanguinem à sero superfluo expedire &c. de quibus fusè admodum omnes Anatomici dis-

ferüere. Fermentum ventriculi humor est serosus ex glandulis tunicæ interioris ventriculi undique & continuò stillans.

De hujus humoris naturâ magna est apud authores controversia, alii enim hunc merè acidum quidam merè alkalinum existimant, variaque utrique adducunt experimenta, quæ ni fallor dum de chylicatione agebamus, attigimus, quod ad nos talem humorem sale androgeno id est de utroque participantem pollere existimamus; aliter enim digestionem omnis generis alimentorum fieri posse impossibile censemus; à sanguine sicut saliva mediantibus arteriis suppeditatur hujuscemodi fermentum, cui meritò tota digestionis vis tribuitur; aliquandò ad acidum, vel ad acre vergit, sed tunc temporis vitatur, & de natura sanguinis à quo subministratur, participat,

ideòque attendenda est tunc temporis prava sanguinis diathesis ut corrigatur & ad pristinum, naturalemque suum statum restituatur.

Lacrymæ sunt humor serosus in glandulis lacrimalibus secretus ex flentium oculis emanans vel ad nares peculiari ductu depluens.

Materia lacrymarum ejusdem fere est naturæ, ac salivæ cum eo tantum discrimine ut minori quantitate salium abundant & luxurient.

Naturaliter per glandulas lacrymales. circa oculi angulos sitas, admodum laxas & spongiosas, filtrantur & deindè per quædam foraminula ossi narium insculpta ductum quemdam qui ad nares terminatur, subintrant, vel ad palatum deferuntur, ibique cum salivâ permixtæ iisdem inserviunt usibus ac sa-

liva, vel ad nares definentes ibi eundem ac mucus narium de quo inferius, obtinent effectum.

Quare non Continuo, sed accidentaliter tantum in tristitiâ nimirum, gaudio vel à corpore aliquo rudè oculos impingente, manant lacrymæ, hic vulgo quæri solet, cui petitioni ut faciamus satis, dicimus, à festuca v. g. cæpa, allio, fumo, &c. lacrymari, eo quod per illa corpora dolore & irritatione quadam in oculis excitata, solito magis sanguinis ad illos affluxus, & consequenter proportionata feri sanguinis sequestratio fiat, unde lacrymarum proventus.

In tristitia verò, nimio gaudio cæterisque animi pathematis ideò manare lacrymas quia tunc à minore influxu spirituum animalium concidunt glandulæ & oculi & sanguis spiritibus orbatus, largius serum suum dimit-

tit in ductus lacrymales, ut apud physiologicos omnes qui amænas has quæstiones fufe & eruditè tractarunt quispiam videre poterit.



PARAGRAPHUS IV.

De Humore pericardii mucō intestinali & mucō narium.

HUMOR pericardii, liquor Hest serosus & lymphidus pericardio contentus cor perpetuo exterius alluens, aliquando tenuissimæ sanguinis portioni admixtus & ob id loturæ carniū similis, sed ut plurimum instar lymphæ facilè concrefcens.

Utrum perpetuo renovetur, qua via intra pericardium perveniat cui usui inserviat controversitur apud authores qui hâc de re verisimilius locuti sunt, pro-

babiliter stabilierunt humorem hunc perpetuo renovari & extra pericardium in pulmones, venas thoracis, vel thymi glandulas evaporari, aliter enim stagnando & moram contrahendo, corrumperetur & noceret potius quàm prodesset,

Quâ viâ autem ad pericardium veniat, non consentiunt auctores, alii enim instar vaporis cujusdam qui ex corde exhalatur, & in pericardio condensatur; alii ex glandulis thymi, alii tandem per vasa lymphatica, intra pericardium derivari contendunt, cui ultimæ opinioni immoramur, addendo solummodò impossibile non esse, quin in violento & indefinente cordis motu tenuissimus quisdam exudet humor, qui huic lymphæ permixtus, ipsi volatilitatem illam quæ in vulgari limpha non cernitur, tribuat.

Hujuscemodi humoris usus est

cor refrigerare, motum suum adjuvare ne perenni scilicet, validoque suo motu arescentibus fibris fatiscat, & ipsius motus; falsum est in vivis animalibus non reperiri, & in cadaveribus tantum ex concidentia partium & glandularum produci; autopsia enim in hoc casu cum ratione mirè congruit, ut curiosus quisque explorare poterit, vivum scilicet aperiendo canem, & statim cor explorando, ipsum enim suo pericardio involutum, ac humore in ipso contento, madefactum reperiet.

Mucus intestinalis viscida est & glutinosa materia, quâ intestina interiùs obducuntur, in glandulis per intestina disseminatis separatur, ibique remanet, ne scilicet assumptus, bilis succus pancreaticus, cæterive humores acrimoniâ vel aciditate suâ, intestina irritent & abradant, vel

dilacerent, ac insuper ut si quod adhuc utile remansit in fœcibus mediante levi fermentatione ipsis communicata venas lacteas per totam intestinorum substantiam disseminatas ingrediatur; in dysenteria cæterisque affectibus in quibus bilis acrior existit, aliquando ita liquefcit & abraditur humor iste, ut dolores inde lancinantes, acutissimi, sanguinifque effluxus superveniant, quod in praxi valde est annotandum.

Mucus narium humor est serosus, viscidusque naribus inhærens; ejus materia ab arteriis internis narium subministratur, & in glandulas membranæ pituitariæ quâ tota narium cavitas induitur, deponitur, & separatur.

Ipsius usus præcipuus est nares & olfactus organum ab externorum corporum injuriis præcavere, reliqui parvi admodum sunt momenti, rigorosè loquendo,

duo isti humores mucus scilicet narium & intestinalis inter excrementitios potius quam recrementitios humores debent recenserī, quia tamen rursus cum sanguine possunt permisceri & de facto interdum permiscentur, illis in isto capite locum tribuimus.



PARAGRAPHUS V.

De Lacte & Semine.

LAc est portio chyli per glandulas mammarias in tubulis lacteis sequestrata ad prolis nutrimentum, tubuli autem lactei canales quidam sunt ex pluribus vasis glandularum excretoriis coalescentes, in quos lac in singulis mammarum glandulis secretus deponitur ibique asservatur

tur donec per suctionem ad papillam attractus foras eliminetur.

Lactis materiam chylum esse non sanguinem innumeris comprobatur rationibus, nutrices enim singulis diebus duas saltem lactis libras præbent infantibus, quam deperditionem ferre non possent, si lac ex sanguine fieret, preterea lac ingestorum refert odorem, lac à pastu copiosè affluit ad mammas, purgans medicamentum nutrici exhibitum, nutricem purgat & infantem, quibus omnibus illud inconcusæ veritatis axioma physicum addendum est, naturam scilicet in operibus suis nunquam esse retrogradam, quod nihilominus interim eveniret, si lac fieret ex sanguine, quandòquidem sanguis humor est magis elaboratus chylo & lacte ut consideranti cuilibet abundè patebit, ex quibus omnibus inferre licet, chylum

folam , veram , ac genuinam
esse lactis materiam.

Non igitur per ductus quosdam peculiares è vasis lacteis vel ductu thoracico immediatè ad mammas chylus defertur, ad lactis generationem , ut quidam Neoterici voluerunt, saltem nondùm innotuere peculiares illi ductus , sed per arterias viâ scilicet circulationis , chylus iisdem vasis ac sanguis inclusus , ob solam pororum dispositionem & particularum chylosarum peculiarem certamque configurationem glandulas mammares ingrediendo , ibi deponit lactis materiam modo superius exposito , dum de secretionem agebamus.

Lac in gravidis tantùm conspicitur sub fine graviditatis , non verò in virginibus , quia scilicet foetu grandescente , & utero mirabiliter expanso & incrassato vasa sanguifera ipsæque glandulæ

infimi ventris & uteri premuntur, sicque sanguis, humorque foetus nutritius sursum regurgitant, poroque sibi accomodatos ac proportionatos in mammis reperiens, ibi filtratur & separatur adveniente imprimis foetus exclusione, quæ mutationem insignem affert glandulosæ uteri substantiæ, à qua chylus viam suam liberam amplius non reperiens ad alias partes determinatur, ut inspectione anatomicâ, patulum cuique fieri poterit, ac inter explicandum fusiùs exponemus.

Ufus lactis est foetum recens natum nutrire donec grandior foetus alimenta sumere, ipsaque digerere possit & valeat.

Semen humor est albicans, spiritu turgens in testibus genitum, in vasis deferentibus & vesiculis seminalibus asservatum, ibique

alteriùs ad generationem elaboratum.

Materia seminis sanguis est , non succus nerveus , per arterias defertur ad testes ibique per minimas glandulas microscopio spectabiles in tubulosam testium substantiam disseminatas, sequestratur , quæ sanè separatio ut faciliùs peragatur , mirè conducit artificiosa testium contextura , innumera enim arteriarum dispersione & contorsione ubivis sunt conspicui , ut scilicet sanguis diutiùs in ipsis remanens & tardiùs circulans faciliùs elaborat spirituosam illam substantiam quæ in semen debet facere , unde fit ut ad testes celerius sanguis impellatur & ex illis difficiliùs redeat.

Seminis autem materiam non esse succum nerveum , ex eo evincitur , quod scilicet , licet multos nervos testes obstinue-

rint, & insignis sanguinis deperditio, non tam debilitet quam tantilla feminis, quod libidinosi fluxionibus in spinalem medullam sint obnoxii, ac demum testes albi sint non rubri, ex eo tamen inferri nequit sanguinem veram non esse feminis materiam, ideò enim innumeris nervorum propaginibus testes scaturiunt, ut scilicet semen à spiritibus actuetur in motum velocissimum adigatur & promptius peragatur refluxus spirituum à parte, ad cerebrum in coitu ad voluptatem producendam, quod ad quantitatem illam nervorum qui disseminantur in testibus, non ut deferant succum nerveum, sed ut spirituum motu & permixtione prolificum evadat semen, de debilitate verò feminis deperditionem subsequente illud ab insigni spirituum animalium jactura fieri statuen-

dum, non verò à succi nervei majori dissipatione ut consideranti abundè patebit.

Quibus omnibus insuper obijci potest ad propositionis nostræ ulteriorem probationem, quod qui effreno utuntur coïtu post semen effundunt sanguinem, minùsque apti ad generationem evadunt, semen enim eorum non sufficienter elaboratum ineptum ut plurimùm existit ac inutile ad generationem.

Generatur semen à pubertate, ad extremum usque senium, in infantia verò non producitur, quia tunc defectu caloris sufficientis nimis angusti reperiuntur pori glandularum testium, & tubuli ipsorum sanguis nimis serosus, illius motus nimis debilis, spiritusque minùs vividi ad seminis generationem.

Semen in testibus genitum per vasa deferentia tortuoso & exi-

quo valdè ductu fertur ad vesiculas seminales, in quibus asser-
vatur ac ulteriùs perficitur do-
nec per titillationem aut animi
pathemata excludatur.

Humor autem ille qui in pro-
stratis reperitur, ibique separatur,
licet semini omninò similis, ab
illo tamen valdè distat, & licet
titillare valeat & ad coitum ap-
tum reddere ad generationem
semper ineptus omninò existit.

Ufus feminis omnibus notus
est, omniumque magis necessa-
rius existit, speciei enim conser-
vationem post primam genesim
generationis negotio superim-
posuit rerum conditor, quam ge-
nerationem à solo semine virili
ovos muliebres foecundante fieri
hodiernâ die inconcussâ est veri-
tatis; præter speciei verò propaga-
tionem, alios non spernendos ob-
tinet; corpus enim roborat, san-
guinique volatilitatem tribuit,

dum ipsi permiscetur, pingues reddit illos in quorum sanguine confusus remanet, uti videmus in illis qui castè vivunt & ventri non indulgent, in quibus scilicet paulatim angustantur viæ & materia seminis facilem in ipsis ingressum non reperiens in sanguine, confusa remanet, & in partium nutrimentum aut pinguedinem faceffit.

Mulieres semine carere prolifico & ova tantùm & locum idoneum ad seminis susceptionem præbere in fine hujusce tractatûs Deo juvante demonstrabimus, quare ad alia nunc accedamus; sit itaque.



PARAGRAPHUS VI.

*De sanguine puerperii & aqua
parturitionis.*

AQUA parturitionis humor est serosus qui tempore par-


tus vel paulò antea fluit ex utero. Ut ipsius perfectam quantum in nobis est situm habeamus ideam sciendum triplici membranâ involvi foetus in utero, chorio scilicet amnionem & atlantoïdem, & intra amnionem & atlantoïdem contineri & asservari toto gestationis tempore foetus, sudorem, urinam, & chylum ipsi superfluum, qui tres humores simul permixti, tertium quemdam constituunt ipsis, sed urinæ in primis valdè analogum qui scilicet tempore parturitionis ruptis membranis à variis foetus calcitationibus per muliebria effluit ante foetus egressum ipsique ut ita dicam, viam parat ductus lubricando, & hæc est hujusce humoris naturæ ipsiusque usus præcipuus.

Sanguis puerperii est humor ille cruentus, à quo mulier à puerperio expurgatur; puerperium

autem tempus est illud durans à partu usque ad puerperæ purificationem quod vulgò usque ad duodecimum quatuordecimum, imò interdum vigesimum diem & ultrà extenditur.

Hujus ce vero humoris materia sanguis est qui graviditatis tempore spongiositates uteri replebat & venarum ac arteriarum cavitates valde distentas occupabat, quæ scilicet cum angustentur post foetus egressum necesse est ut humores in ipsis contenti exeant ex parte donec ad pristinum statum reducta vasa illa in ipsis contineantur & circulationem more solito perficiant uti meliùs adhuc elucescet ex dicendis de sanguine menstruo.





SECTIO QUARTA

De humoribus excrementitiis.

QUÆ nobis supersunt dicenda de humoribus sectione ista absolvemus in qua scilicet de illis dicemus qui semel à sanguine secreti cum illis amplius non permiscentur, aut si fortè cum sanguine redeant statim eorum regressum innumeri denotant cum ipsis supervenientes affectus; more igitur nostro diversis paragraphis varios exploremus humores.



PARAGRAPHUS I.

De sanguine menstruo.

SANGUIS menstruus est humor ille cruentus qui singulis

menſibus in corpore redundans , per uterum expurgatur ; dico humor cruentus , non enim ſanguis ſincerus , ſed unà cum ipſo fermentum quoddam alkalinum ſali armoniaco valdè analogum , in ſanguine latitans , & per poros glandularum uterinarum ſecretum, ut è corpore mulierum foras eliminetur.

Fermentum quoddam exiſtere & accumulari in maſſa ſanguinea quod in ſufficienti exiſtens quantitate ipſam in fermentationem adigit , ac demùm glandulas uterinas ingrediendo vaſa ipſas circundantia premit & dilacerat , ac demùm unà cum ſanguine ex ipſis vaſis ſtillante permiscetur & egreditur ſequentia demonſtrant argumenta , & primò quidem paulò ante menſtrua , dolores anxietates , laſſitudines , calores , tenſiones imò interdum febriculam patiuntur mulieres ,

mulieres quod fieri nullatenus posset absque præviâ fermentatione in sanguine à materia quam hæterogenea cum ipso permixta : secundò humorem illum ea semper quantitate in sanguine non reperiri , ad fermentationem illam suscitandam declarat cessatio menstruæ purgationis post dies aliquot : tertio humorem illum paulatim & sensim accumulari ex eo evincitur , quod singulis recurrat mensibus quoties scilicet in sufficienti reperitur quantitate ut effectum suum exerat & producat : quarto , in glandulis uterinis non aservari , probat experientia plurimarum , quæ scilicet si obstructions in glandulis uterinis patiantur , vel nullatenus , vel per alias vias menstruas patiuntur purgationes , per nares putà hemorrhoides , vomitum , &c. Quintò , sali armoniaco analo-

gum esse hujuscemodi fermentum demonstrant remedia menstrua promoventia & sistentia.

Menstruæ igitur purgationes fiunt à fermento quodam peculiari in massa sanguinea producto, & in ipsa per mensem aggesto quod cum in sufficienti sit quantitate, ut ipsum fermentet & insuper tali modo configuratum reperiatur ut in glandulis uterinis fecerni tantummodò possit, per ipsas potiùs quàm per alias filtratur, & unà cum sanguine modo superiùs exposito egreditur & foras amandatur.

Humor igitur superfluous, quantitate solummodò peccans non qualitate, minimè erit sanguis menstruus, ut antiqui voluerunt, nec lunæ motui vario periodica hæc evacuatio erit tribuenda quæ scilicet pro diversa ætate, modò vetus, modò nova mulieres expurgabit juxta de-

cantatum illud versiculum.

*Luna vetus vetulas juvenes nova
luna repurgat.*

Sed fermentum quodpiam peculiare in sanguine productum, & aggestum & demùm per uterinas glandulas filtratum quod singulis mensibus per muliebria effluit ad usus inferiùs dicendos.

Quorum primus ac præcipuus est mulieres ad generationem reddere idoneas absque enim menstrua purgatione ineptus, existit uterus ad fovendum virile semen, nec debitè præparatæ reperiuntur viæ ad hoc ut ovaria penetret aura feminalis, ibique ova foecundet, secundus usus magni etiam momenti, est mulieres ab humoribus impuris & superfluis liberare, qui nimirum si in ipsarum sanguine retineantur, quantas edant strages abundè declarat experientia.

Incipiunt fluere menstrua ab


anno circiter quatuordecimo ad quinquagesimum, quia ante & post prædictum tempus vel corpus suam adhuc debitam non assumpsit magnitudinem & sanguis omnis ad ipsius nutricatum inferuit, vel ob defectum caloris partes marcescere & exsiccare incipiunt, ac longè minor quantitas sanguinis tunc temporis in corpore producit & reperitur. in gravidis autem & lactantibus nequaquam cernitur periodica hæc evacuatio quia cum insignis chyli portio ad foetus vel infantis nutritionem quotidie absumatur, vix reparatur sanguis nihilque superfluum in isto producitur exceptis illis qui laudabili perfruentes sanitate, menstruas etiam patiuntur purgationes toto gestationis tempore quod rarum admodum existit.

Ex dictis facile colligitur sanguinem menstruum non inservi-

re ad foetus nutritionem qui humore dulci & benigno indiget, non verò impuro & noxio uti in fine hujus tractatus ostendemus, dum de prima hominis conformatione.

Abs re non erit hìc præmittere magnum interèsse discrimen inter menstrua, sanguinem puerperii propriè dictum & lochia; menstruus enim sanguis, fermentum quoddam est peculiare in sanguine latitans, & in uterinis glandulis modo superiùs exposito secretum; sanguis puerperii est propriè sanguis ille, qui statim post partum exit ab utero ob disruptionem seu apertionem vasorum uteri & placentaë invicem antea unitorum; lochia verò sunt humores illi sanguinolenti qui toto puerperii tempore fluunt ab utero, & quorum pars præcipua chylosa est substantia quæ ad foetus nutritio-

nem antea inferviebat, his positis ad alia nunc deveniamus.



PARAGRAPHUS II.

De Urina.

URINA quam hîc tanquam humorem corporis nostri compositionem ingredientem, simpliciter spectamus, humor est serosus in renibus transcolatus, cujus separatio eodem modo quo reliquæ eâdemque mechanicâ peragitur in glandulis scilicet renalibus, ad quas per renales arterias delatus in ipsorum porulos & cavitates deponitur, & demum per quosdam canaliculos, à vasis excretoriis singularum glandularum productos, ad pelvim in medio renum situm, unde per uretheres ad ve-


ficam descendit, donec excernatur.

Non solo autem sanguinis ferro constat urina, ut quidam dicere ausi sunt, sed insuper plurimis aliis partibus salinis sulphureis, & interdum etiam chylofis quas secum rapit, ita ut totius corporis lixivium merito nuncupetur, cujus beneficio singulis diebus depuratur sanguis, & liberatur ab innumeris hæterogeneis particulis ipsi admixtis, quæ si in nostro corpore retineantur quantas edant strages, & quam gravia ac periculosa inde emergant symptomata quotidiana eorum qui urinæ suppressionem patiuntur, declarat experientia.

Sal quod in urina tenet dominium est salsum volatile, ex alkali nimirum & acido ambobus volatilibus conflatum, temperatum quibusdam oleosis seu sul-

phureis particulis, ut ex distillatione patulum cuique fieri poterit, color ipsius naturalis citrinus esse debet, variat autem color pro majori vel minori quantitate salium & sulphurum, diversa illorum inter se cohæsione & cum sero permixtione unde diversa incidentis ad oculum luminis fit refraction, quantitas respondere debet assumptorum potentiorum quantitati, quod necessariò sic evenit, nisi à morbo aliquo animalis œconomia pervertatur.

Urinæ usus in nostro corpore, est sanguinem à superfluis salibus liberare, totamque massam ab impuris quam plurimis particulis immunem reddere, sed si retineatur à quacumque causa, id procedat innumera producet incommoda, ac tandem sanguinis dissolutionem humorum extravasationem ac interitum.



PARAGRAPHUS III.

De Insensibili transpiratione & sudore.

E Corpore nostro jugiter copiosissimas exire particulas insensibiliter per cutim, præter innumeras rationes evincunt experimenta à Sanctorio facta in Medicina sua statica, quia verò ex omnium Medicorum placitis magni admodum est momenti insensibilis illa transpiratio, ideò considerandum quænam sit ipsius materia, & quomodò peragatur.

Quòd ut methodicè procedat, supponendum statim cutim insensibilis transpirationis organum rete quoddam esse tendinosum ex triplici vasculorum capillarium seu fibrarum genere, tan-

quam innumeris filamentis artificiosè contextum, sub quo copiosæ constitutæ sunt glandulæ ob exilitatem miliares dictæ suis attamen excretoriis vasis ad cuticulam spectantibus instructæ, quorum orificia insigniores cutis poros constituunt secundùm Malpighium tractat de externo cutis organo pag. 32. & 39. & Bartholin Cent. 3. epistol. 67. & 97.

Supponendum præterea alios esse poros licet minùs conspicuos, per quos insensibilis exit transpiratio, oscula scilicet arteriarum capillarium, quæ in cute disseminantur & insuper minima & indivisibilia corporis perspirabilis puncta per quæ effluvia tantùm minutim divisa penetrant.

Quibus positis materiam insensibilis transpirationis duplicem constituimus primam, efficiunt partes quædam salino volatiles oleosæ, massæ sanguineæ,

quæ diuturniore circuitu , & fermentatione effætæ & quasi attritæ existunt, & latici aquoso conjunctæ , sociatæ , & dilutæ per supradicta cutis emunctoria continuò amandantur , alterum verò constituunt , residuum succi illius balzamici & nutritii , quæ in partium substantiam facessere non potuit quod scilicet successivè attenuatum , & à latice aquoso præterfluo abstersum per poros emittitur, ita ut quid quid hæterogeneum in solidis partibus generatur ad nutritionis materiam , illud totum evacuationis istius beneficio per corporis peripheriam transpirat.

Modus quo transpiratio peragitur facillimè concipi potest , posito circulari & fermentativo motu sanguinis, qui duplex motus , unâ cum aëre inspirato anquam causa remota , transpirationis erit statuendus ; proxi-

ma verò est peculiaris illa cutis nervea contextura , quæ scilicet materiam ad ipsam delatam per arterias exprimit & indefinenter pellit , quod sanè meliùs adhuc intelligetur ex modo dicendis de sudore.

Si enim augeatur motus ille sanguinis & intensiùs incalescat massa , ita ut attenuetur , ut in nimis corporis exercitiis nimio ambientis aëris calore , aut sub stragulis contingit , sudor oritur dum scilicet in ista sanguinis fusione , ita augetur transpiratio , ut sub guttularum minutissimarum forma erumpat , præsertim si patentes pori , fibræque relaxatæ existant , quò enim major vel minor adest in fibris tensio , & in poris hiatus & apertio , eò etiam major , minor , vel nullus existit sudor.

Materia sudoris eadem est ac insensibilis transpirationis, salina scilicet

ſcilicet volatilis oleoſa, cum eodem tamen discrimine ut præter ſupradictas partes, multæ etiam partes inutiles nutritiæ & ſpirituosæ erumpant, & foras educantur, quorum defectu vires deficiunt & corpus exſiccum & macilentum redditur, tum ob nutrimenti debiti ſubtractionem, tum ob ſalium exaltationem, ut quotidiana demonſtrat experientia. Eadem autem ratione, quâ in ſtatu naturali noxius eſt ſudor, in ſtatu morboſo & præternaturali proficiuus & ſalutaris exiſtit, partes enim hæterogeneæ tunc temporis ſanguini permixtæ per fermentationem præviam attenuatæ & attritæ ab aquoſis partibus imbibitæ, copioſiſſimè & auſpicatiſſimè cum ſudore excernuntur, ut in fine paroxiſmorum febrium intermittentium evenire ſolet.


Uſus inſenſibilis tranſpirationis.

Q

nis , est massam sanguineam singulasque partes à particulis effæctis & superfluis in sanguificatione , vel nutritione pronatis & residuis liberare , unde massa sanguinea à morbis universalibus febribus putà ; partes verò solidæ à morbis particularibus abscessibus nimirum , apostematibus , &c. præcaventur. Sudor etiam primariò est, ut ita dicam , sanguinis purificativus, partiumque solidarum abstersivus , per accidens verò est colliquativus , sanguinem scilicet attenuando , partesque subtiles exhauriendo , & dissipando.

Hic de foecibus , aurium sordibus , cæterisque humoribus excrementitiis parvi admodum momenti , & quorum cognitio nihil aut parum confert , tum ad œconomiam animalis absolutam notitiam , tum ad morborum curationem, locus esset differen-

di; quibus brevitatis ergò supersedimus, ut præmissis sequentibus duobus paragraphis, sectioni istæ de humoribus finem tandem imponamus.



PARAGRAPHUS IV.

Utrum supradiçti omnes humores sint actu & formaliter in sanguine.

EX quo Medicis innotuit sanguinis circulatio & humorum in variis per corpus nostrum disseminatis colis secretio acriter inter se disputarunt pluri utrum humores scilicet actu & formaliter in sanguine continerentur, utrum verò materialiter tantum, id est utrum terra vel aqua v.g. in sanguine contentæ in variis colatoriis formam suam accipiebant, cui quæstioni, ut faciamus satis hîc in

mem riam revocandum esset , quæ in principio hujus sectionis de secretionem statuimus , quo scilicet posito , sic thesim propositam resolvimus.


Humores omnes actu & formaliter existunt in sanguine. 1° Quia in sanguine per venæ sectionem extracto , limpha & bilis facile ab ipso separantur , ergò antea erant in sanguine. 2° Qui urinæ suppressionem patiuntur , urinam evomunt , ipsiusque gustum in ore perpetuò habent , sed urina illa nunquam ad renes , minùs verò ad vesicam pervenit ob obstructions prædictarum partium , ergò erat in sanguine actu & formaliter. 3° In ictero , in quo adsunt insignes in hepate obstructions , quæ bilis in ipsis filtrationem impediunt , bilis per totum corpus diffunditur , ergò in sanguine existerat. 4° Qui contrariam tuerentur opinionem.

Concipere nequeunt, quomodo-
dò urina v. g. quæ tenuior est
bile, per glandulas hepatis non
transeat, quandòquidem expe-
rientiâ constat minima corpora
transire semper per loca, per quæ
majora transierunt, quam ob-
jectionem sic retorquemus. Par-
tes sulphureæ, urinæ v. g. quæ
secundum adversarios nostros,
per certos quosdam poros glan-
dularum renalium separata tran-
sibunt potius per poros glandu-
larum hepaticarum, per quas
sulphureæ moleculæ bilis, quæ
secundum ipsos etiam majores
sunt urinæ moleculis, filtrantur
& secernuntur, sed contrarium
evenit, ergò nulla remanet ipso-
rum objectio.

Quam sanè ut funditus everta-
mus, sciendum adversarios nos-
tros supponere principia tantum
integrantia humorum contineri
in massa sanguinea, ita ut v. g.

Q 3

sal bilis, separetur in certis quibusdam glandulis hepatis, sulphur in aliis, terra & aqua in cæteris, & illa omnia principia simul uniri, & sic unita bilem constituere, quæ opinio diversam in glandulis hepatis & reliquorum colatoriorum configurationem supponit, & insuper quandam veluti destructionem sanguinis à separatione scilicet & dissociatione principiorum ipsius compositionem ingredientium, quod rationi æquè ac experientiæ adversatur, ergò ex his omnibus concludendum, humores omnes tam nutritios, quam recrementitios & excrementitios actu re verâ & formaliter in sanguine contineri, & in variis per corpus nostrum, disseminatis colatoriis, tantummodò secerni, filtrari & separari modo superius exposito, quibus sic stabilitis, quædam nunc de fermentatione habeamus, sit igitur.



PARAGRAPHUS ULTIMUS.

De Fermentatione.

T A N T I momenti hodiernâ die apud Physicos & Medicos, est fermentationis absoluta cognitio, ut absque illius ope singulis momentis ad qualitates & facultates antiquorum esset deveniendum, ita ut meritò novæ Philosophiæ experimentalis basis & fundamentum à plurimis nuncupetur, quantum igitur in nobis situm est, & finunt temporum angustia de ipsa hîc disseramus.

Fermentationis nomine intelligimus motum illum intestinum partium insensibilium aliqujus mixti, partes sensibiles constituentium, à quo mixtum illud vegetat, & functionibus

fuis obeundis , fit idoneum. Dari motum illum internum in mixtis singulis , mutationes quas in illis continuò cernimus , satis palàm faciunt , cùm enim nihil ipsis de novo exterius adveniat , necessariò ad motus internos recurrendum , nihil enim ex se ipso movetur.

Mutationes igitur omnes, quæ mixto cuiuspiam advenient, ortum ducent à fermentatione , quæ vel ex solo motu interno particularum intestinalium mixti , ortum ducit , vel à permixtione cuiusdam materiæ hæterogeneæ , quæ fermentativum & tumultuarium cum ipso inibit motum ob disproportionem scilicet , variamque particularum configurationem: primæ fermentationis exemplum nobis suppetat vinum , dum scilicet vindemiarum tempore recens in dolio positum fermentando depu-

ratur ; secundæ verò panificium, ubi scilicet modici fermenti permixtio , cùm farina totam massam elevat , rarefacit , & in panem convertit.

Quid quid igitur in rerum natura peragitur , vel arte perficitur id ferè totum fermentationi à qua scilicet varius exurgit partium situs varia positura ac figurâ : illud inquam totum fermentationi tribuendum ; sic germinatio, accretio, nutritio, & maturatio plantarum & fructuum , putredo, rancor , rubigo , caries, corruptio , incallescencia , præcipitatio , congelatio , crystallisatio , ceteræque innumera corporum tum essentialia , tum accidentalia proprietates , illud inquam totum fermentativo motui tribuendum ; sed quondam ex nostris , omniumque hodiernâ die Physicorum principis, quid quid movetur, ab alio

movetur. Videndum superest à quo motore primario ortum ducat intestinus ille partium insensibilium motus, & quibus mediis, ac quomodò peragatur, quo diligenter perpenso innotescet nobis, ni fallor, fermentationis natura.

Quòd sanè ut faciliùs prosequeremur hìc revocandum esset quæ in principio Physiologiæ, tum de materia subtili, tum de acido & alkali præmisimus, quo hìc supposito & non repetito, sic fermentationem fieri autumamus.

Dum duo corpora sibi contraria. & quodammodò opposita, qualia sunt v. g. acidum & alkali invicem occurrent, ita ut unum poros alterius penetret & ingrediatur. Impedietur necessario liber ætherei fluidi in ipsa transitus, undè à denegato libero ingressu & egressu, conatus

insignis vehemensque subtilis
materiæ, ipsius violenta actio,
ac tandem corporum in quæ agit
confractio & divisio, & ante di-
visionem & dissolutionem tu-
multuarius, quidam motus,
seu fermentatio, quod sanè ita
fieri cuivis patulum erit, si vires
& proprietates subtilis materiæ
perpendat, ubique enim pre-
sens motu perpetuo eoque agita-
tissimo donata, subtilitatis exi-
miæ omnia penetrat, obices
omnes superat & motuum om-
nium causa primaria & origo
censetur, uti in principio hujus
tractatûs dicebamus.

Fermentationem igitur fieri ex
permixtione duorum saltem vel
plurimorum corporum hætero-
geneorum, quæ scilicet à mate-
ria subtili variè agitata tumul-
tuariè & confusè moventur, do-
nec alterentur, vel mutatio-
nem aliquam suscipiant, ex dic-

tis manifestè patet, quod sanè ut meliùs intelligatur, sequentia sigillatim sunt advertenda.

Et 1^o quidem quodcumque fermentatur hæterogeneum esse, corpora enim homogenea à materia subtili, de loco in locum moveri quidem possunt, sed in se invicem non agere ut quotidiana testatur experientia.

2^o Ad fermentationem sufficiens semper debet adesse liquoris quantitas & spatium satis amplum ut liquores de loco in locum moveantur & expandi possint, & materia subtilis liberè ingredi & agere in fermentationi subjectam materiam.

3^o Aëris etiam liber accessus esse debet, particulæ enim aëreæ, & movendo & promovendo, & liquoris substantiam ingrediendo agunt, undè insuper in fermentativa liquoris quiete requiritur ut sat sufficienter penetrentur

netret in eas aer & materia subtilis quæ aliòquin fermentationem tantùm inchoare nunquam perficere poterunt.

Ultimò demùm fermentationis vocem sumi. 1° Pro omni alteratione quæ corporibus spontè contingit. 2° Pro alteratione in vegetabilibus. 3° Pro alteratione etiam in succis nostri corporis, & hoc sensu potissimum de illa hìc loquimur, & sub duplici respectu illam inspicimus, pro fermentatione scilicet illa naturali, quâ humores nostri quotidie depurantur & perficiuntur, & fermentatione illâ præternaturali & insolitâ, quæ à permixtione corporis cujusdam hæterogenei provenire solet, ut in febribus. 4° Denùm sumi etiam pro cæteris illis alterationibus & mutationibus, quæ sub rarefactione, putrefactione, dissolutione, crysallisatione, & similibus nomi-

nibus exprimi solent , de quibus omnibus fusè Physici tractarunt.

Quandò igitur dicitur sanguinem duplici gaudere & instrui motu , circulari scilicet & fermentativo, illud evincitur quoad ultimum , ex eo quod sanguis constet particulis hæterogeneis diversæ nimirum figuræ & naturæ , unde totum illud massa scilicet sanguinea ex diversis illis & variis conflata particulis, fermentativo inter se gaudere motu, ob interclusum ætherei fluidi liberum aditum , quod tumultuarium in illa debet fovere motum ob supradictas rationes , qui sanè motus augeri debet pro ratione majoris vel minoris quantitatis partium hæterogenezarum ipsi de novo advenientium & permixtarum , vel ratione majoris vel minoris variarum illarum particularum inter se proportionis

vel disproportionis ut attendenti cuilibet facile patebit, ex quibus omnibus concludere licet fermentationis necessitatem, naturam, modum, media quibus peragitur, bonos & pravos ipsius effectus & perfectæ demùm ipsius cognitionis absolutam necessitatem, quibus sic positis sectioni huic finem tandem imponamus, sit itaque.



CAPUT IV.

DE PARTIBUS.


SEDULÒ exploratis fluidis: machinæ nostræ partibus, in præcedenti capite, incumbit nobis in isto de solidis differere: quod ut methodicè more nostro procedat quibusdam clarioris doctrinæ causâ præmissis, sec-

tione unicâ quæ de partibus dicturi sumus , absolvemus.

Præmittendum igitur. 1° Partes rectè dividi in fluidas & solidas , & consequenter quidquid corporis nostri compositionem ingreditur partis nomîne donari posse , ut potè humores omnes de quibus jam locuti fuimus , partes solidæ & spiritus de quibus modò successivè dicemus.

2° Sententiam antiquorum circa divisionem & naturam partium meritò esse explodendam , crines enim ungues , humores , & spiritus quæ ex humorum numero debebant , veræ partes dici merentur , & non minùs corporis compositionem ingrediuntur , & ad vitam conducunt quàm ossa v. g. & muscoli , quibus potius , sit.





SECTIO UNICA

De Partibus.

PA R S est corpus toti cohærens ad illius functionem, usumve comparatum addi potest etiam communi vitâ conjunctum si de vita vegetativa loquatur tantum; partes enim omnes nostri corporis communi vitâ frui inconcussæ est veritatis.

Partes dividuntur. 1° In continentes, contentas, & impetum facientes seu spirituosas, continentes dicuntur illæ quæ firmæ solidæque sunt, & aliquid continent, contentæ, quæ in aliqua cavitate inclusæ de loco in locum moveri possunt, impetum verò facientes, quæ propter subtilitatem suam in celeriori sunt.

motu , hinc impetum facere dicuntur.

2^o Pars dividitur in organicam & inorganicam : organica dicitur illa quæ ad completam & peculiariter demandatam actionem , specialem requirit conformationem , ut oculus v. g. auris , nasus , &c. Inorganica verò est illa quæ ad actionem suam edendam peculiarem non requirit conformationem ut ossa v. g. nervi , &c.

3^o Pars dividitur in similem & dissimilem : similis illa est cujus omnes partes primo intuitu ejusdem apparent substantiæ ejusdemque re verâ sunt , si anatomicè dividantur , duplicisque rursus sunt generis exactè similes , quæ anatomicè in partes sibi contrarias dividi nequeunt , ut fibræ v. g. & non exactè similes , quæ scilicet primo intuitu tales apparent , ut potè vena ,

nervus , cartilago , &c. Sed diversæ re verâ sunt figuræ , si anatomicè dividantur ; pars verò dissimularis , dicitur illa cujus omnes partes primo intuitu ejusdem non apparent substantiæ tales sunt cor , pulmones , & viscera omnia.

4° Pars dividitur in sanguineam , spermaticam , & mixtam , & hæc divisio meritò à Neotericeis exploditur : supponit enim primas ex solo sanguine , secundas ex semine , tertias ex utroque simul componi , quod anatomix penitus adversatur & repugnat.


5° Partes dividuntur in animales , vitales , & naturales , ratione scilicet usus cui inserviunt , sic quæ in capite inclusæ reperiuntur , animales , quæ in pectore ; vitales , quæ in abdomine naturales nuncupantur.

6° Partes dividuntur in princi-

pes & ministras ; principes illæ sunt quæ toti aliquid ad vitam absolutè necessarium largiuntur, ut cor *v.g.* & cerebrum ; ministræ verò illæ censentur quæ toti corpori aliquid ad vitam absolutè necessarium non largiuntur, ad vitam autem aliquid absolutè necessarium dicitur, quo per quoddam tempus carere non possumus.

Quæ sanè omnes & consimiles aliæ quàm plurimæ partium divisiones ab auctoribus afferri solitæ, quàm parùm admodùm ad corporis nostri cognitionem conducant, nemo est qui non videat. Quis enim dubitare potest ? partes solidas corporis nostri ingredi compositionem, illasque magis vel minus esse compositas, & pro variis quibus inserviunt usibus, variis nominibus donari, in quibus tribus aut quatuor consistit fermè totum

quod de partibus solidis ad corporis nostri cognitionem necessarium existit, quibus præmissis & fusiùs inter explicandum expositis, sit nunc.



CAPUT V.

DE SPIRITIBUS.

PER PENSAM in præcedentibus capitibus partium fluidarum & solidarum naturâ superest nobis, ut de illis quædam habeamus, quorum ope tantùm moventur, & suas agunt functiones, & quorum insuper ministerio partes adeò inter se diffusæ & oppositæ, corpus putà & anima in se se mutuò agunt, sic enim probè cognitis iis omnibus quæ corporis nostri compositionem ingrediuntur, quod totum

illud , corpus nostrum scilicet capax est agere , quæ illius facultates & functiones , & quomodò similem suum edere possit , faciliùs nobis innotescat : spirituum igitur naturam , genesim , divisionem , proprietates & existentiam breviter duabus sectionibus demonstramus.



SECTION PRIMA.

*De Spirituum natura , genesi ,
& existentia.*

LICET spirituum nomine , rigorosè loquendo , tantum modò donari possint res incorporeæ & immateriales , usus tamen invaluit , ut illo etiam nomine donarentur corpora omnia , quæ ob tenuitatem suam maximamque activitatem , nor

solum oculorum aciem fugiebant, sed spirituum naturam, quodammodo æmulari videbantur, eo sensu partes illæ tenuissimæ & agitativissimæ sanguinis, spiritus meritò appellantur; nihil enim ex iis omnibus quæ ex materia educuntur, in rerum natura excogitari potest subtilius, nihil tenuius, nihil velociori motu donatum, ut ex sequentibus patebit.


Spiritus igitur est pars corporis tenuissima & agitativissima in celeriori motu, quàm cæteræ omnes corporis partes; posita, cujus genesis seu secretio fit in glandulis cerebri corticalibus, eodem modo ac cæteræ omnes filtrationes; qui semel secretus in parte cerebri medullari, emporium dicta, asservatur, indeque per nervos totius corporis partes irradiat & movet, humorum motum & fermentationem adjuvat

& promovet, uno verbo vitam producit & sustinet.

Illorum existentia ex plurimis deduci potest. 1^o Ligato vel absciso nervo alicujus partis, ita ut spiritus non possint amplius ad illam pervenire, perit statim illius motus & sensus, quod ex spirituum defectu, solummodò evenire potest. 2^o Motuum, tum involuntariorum, tum spontaneorum velocitas spiritibus tantùm tribui potest. 3^o Totius corporis subsidentia in affectibus soporosis, in quibus obstructa & compressa reperiuntur spirituum colatoria manifestè indicant, illorum tum in nostro corpore existentiam, tum ad functiones omnes obeundas absolutam necessitatem

Spiritus ex solo sanguine generari, non verò ex aëre simul cuncto evincitur, quod scilicet nulla reperiantur viæ, per quas ac
glandulae

glandulas cerebri corticales, unâ cum sanguine aer deferatur, quod nihilominus absolutè necessarium esset, si aer spirituum compositionem ingrederetur, undè à primo ad ultimum concludendum venit spiritûs substantiam esse agitativissimam, admodùm tenuem, & velocissimo motu donatam illorum secretionem in glandulis cerebri corticalibus fieri, ex solo sanguine generari, & re verâ in corpore nostro existere, quibus sic positis, quod nobis de ipsis dicendum superest sequenti sectione expediamus.



SECTIO SECUNDA

de Spirituum divisione & proprietatibus seu usibus.

— I C E T ex supradictis, unicum tantùm dari in nostro

corpore spiritum , concludi possit auctoribus , tamen & præsertim antiquis placuit spirituum multas afferre divisiones , & 1^o Quidem spiritus in insitum & influentem dividunt , spiritum insitum dicunt illum qui unà cum partibus creatus & genitus ipsis ad extremum usque vitæ terminum constanter adhæret , influentem verò illum nuncupant , qui in corpore nostro modo superius exposito genitus corpus nostrum fovet , movet , & per totum vitæ curriculum irradiat.

2^o Spiritus in animales, vitales, & naturales dividere solent , animales dicuntur illi qui in cerebro , vitales qui in corde , naturales qui in hepate generantur.

3^o Spiritus in sensitivos & motores secundùm quosdam dividuntur ; primi sensum , secundi motum producant , quæ sanè omnes & consimiles aliæ divisi-

nes cum plurima autopsiæ & inconcussis hodiernâ die physices principiis repugnantia supponant, illis recensendis aut refutandis amplius non immoramur.

Usus spirituum in nostro corpore plurimi iique insignes admodum existunt, à spiritibus enim movemur & vivimus, à spiritibus sentimus, & functiones omnes nostras obire possumus, ipsis verò deficientibus, cessat vita, & ideò paralitici sensu & motu privantur, licet nutriantur quia in ipsis sanguis, non verò spiritus circulantur, fermentationes omnes insuper nullatenus aut imperfectè admodum perficerentur absque spiritibus, qui humoribus motum, partibus soliditatem & tonum conservant & conciliant, quibus sic præmissis plurimisque aliis ad anatonem potius quàm Physiologiam de spiri-

tuum natura prælibatis ad caput sextum properemus ; sit itaque.



CAPUT VI.

DE FACULTATIBUS

ET FUNCTIONIBUS.

CORPUS nostrum hæc-
tenuè tanquam machinam ex
partibus solidis , fluidis , & spi-
rituosis , conflata consideravi-
mus ; nunc de facultatibus , seu
de iis proprietatibus quas edere
potest talis machina & functio-
nibus , seu de iis quas re verâ ,
& de facto edit quædam nobis
dicenda incumbunt.

Est igitur facultas in genere
principium nobis internum , ac-
tiones formaliter eliciens , tres
vulgò statuuntur facultates ab
auctoribus , animalis scilicet, vi-

alis & naturalis, quæ facultas animalis rursus subdividitur in sensitivam, appetitivam, & motivam; & sensitiva iterum in internam & externam, verum ut ingenuè loquamur inutiles prorsus sunt omnes illæ facultatum divisiones & in nobis idæas tantum inutiles & confusas gignere possunt, ideòque duæ tantum admittendæ, animalis scilicet & naturalis. Facultas animalis, nihil aliud est quàm ipsamet anima considerata ut produciens talem vel talem operationem; facultas verò naturalis, nihil aliud est, quàm ipsemet sanguis & spiritus, aliæque corporis nostri partes, quæ scilicet pro diversa sua positura figura, situ & magnitudine diversas edende aptæ sunt operationes seu actiones, quod duplex detur facultas, non unica tantum ani-

malis scilicet, patet ex eo quod actiones & operationes plurimæ sint in nostro corpore, quæ fiunt independenter ab anima, utpotè pulsus, respiratio, alimentorum digestio, &c. quæ consequenter à diverso principio, seu à facultate varia ab anima realiter distincta pendere & oriri debent ut attendenti cuilibet abundè patebit.


Sub animali facultate comprehenduntur illæ omnes operationes, quæ ab anima pendere dicuntur, duplicisque sunt generis, internæ scilicet & externæ; internæ vocantur illæ, quæ licet à sensibus ortum traxerint, ab illis tamen minus pendere videntur, ut potè imaginatio, memoria, ratiocinatio, sensus communis, &c. externæ verò sunt quinque corporis nostri sensus, visus scilicet, auditus, tactus, odoratus, & gustus quæ

scilicet omnes facultates nihil sunt realiter distinctum ab ipsa anima tali vel tali modo operante, pro diverso scilicet spirituum animalium motu in variis cerebri partibus, vel varia organorum dispositione, objecta diversimodè animæ offerente, ut fusè docet *Anatomes-Physica*.

Sub naturali verò facultate, comprehenduntur cæteræ omnes quælibet corporis nostri operationes, quæ à sola mechanica pendere debent, sic, v. g. pulsus, respiratio, generatio, digestio, appetitus, accretio, &c. Effectus censentur naturalis facultatis, id est à sola partium nostri corporis mechanica pendent: structura, quibus sic præmissis ad functiones seu actiones nunc deveniamus.

Functio seu actio in genere est operatio quædam ab anima vel corpore in nobis elicitæ, & ra-

tione facultatum à quibus pendet : dividitur in animalem & naturalem, ita ut functio nihil aliud sit, quàm facultatis exercitium, & consequenter non magis differant, v. g. functiones animales ab ipsa anima, quàm facultates, & pari ratione ut facultas sit tantum habitus seu potentia; functio verò sit actûs seu facultatis exercitium : his in genere clarioris doctrinæ causa prælibatis quæ nobis de functionibus dicenda supersunt duabus sectionibus absolvamus, sit igitur.



SECTIO PRIMA

De Functionibus animalibus.

FUNCTIONES animales uti jam præmisimus, sunt operationes animæ in nobis elicite, & ad quatuor summa capita re-

vocari possunt ad sensus scilicet internos, ad sensus externos, ad motus animi & ad motus corporis; sensus interni tres vulgò numerantur, imaginatio, judicium & memoria.

Imaginatio est perceptio quædam in anima nostra à diversis apprehensionibus formata, ut dum, v. g. representat sibi asinum & alas, & deinde conceptum asini alati format, judicium est animæ functio, quæ in rerum rationibus & causis inveniendis ac de illarum soliditate judicando versatur: memoria verò est sensuum quoddam veluti promptuarium, cujus ope sensuum & idearum vestigia. 1° Accipimus, 2° Firmiter retinemus, 3° Fideliter & promptè ubi opus est, exponimus. Seu brevius memoria est repetita cogitatio eorum, quæ ex prioribus vestigiis per sensus cerebro infixæ fuerant, undè sequitur

Deo , qui uno intuitu omnia intelligit, memoriam adscribi non posse, ne illam quidem quæ merè intellectualis nuncupatur.

Sensus externi uti jam diximus , quinque numerantur , visus nimirum , auditus , gustus , odoratus , & tactus , & in eo tantum inter se differunt , quod scilicet ad visum, v. g. diversa ab auditu requiratur partium configuratio , variusque spirituum refluxus , undè varia oriatur in anima idea & sensatio , licet enim visus , auditus , & cæteri omnes sensus sint propriè animæ functiones seu operationes ac sola anima videat , & audiat , & c. nihilominus interim quandiu corpori nostro conjuncta est illud tantum ope sensuum perficere potest & consequenter prout nervi in variis corporis partibus locati reperiuntur sensationes & operationes , indè prove-

nientes variæ debent existere, variaque fortiri nomina, sic cum oculorum nervi afficiuntur, vocatur hæc affectio visus, cum aurium auditus, cum narium odoratus, cum linguæ gustus, cum corporis nostri superficiiei tactus.

In singulis autem sensibus, sequentia animadvertuntur & requiruntur, ut perfectè exercean-
tur, & 1° Quidem objecti, motus perductus, ad nervos usque;
2° Perceptio istius motûs ab anima; 3° Demùm, judicium quod ita immediatè perceptionem sequitur sicut perceptio motum, sic, v. g. dum sonum tonitru me audire dico. Tria indico, 1° Aures affici à sono tonitru qui ope nervorum ad cerebrum usque transit; 2° Mentem meam percipere hanc tonitru affectionem; 3° Demùm de ea judicare: requiruntur insuper tria alia, ut sensationes ritè fiant, debita sci-

licet organi constitutio, objectum à nobis nec nimis diffusum, nec nimis exiguum, & medium ita dispositum ut objectum ad sensus usque organum pervenire possit. Hic locus esset de sensibus externis in specie differere, sed quia ad anatomen potius spectat hæc tractatio quam ad Physiologiam, de ipsis hinc generalia quædam quæ facultates vel functiones de quibus nunc agimus, respiciunt dixisse sufficiat.

Motus animi qui & animi pathemata seu passiones dicuntur uno sensu, licet improprie functiones animales dici possint ab anima enim ortum ducunt, & motum supponunt insuper in spiritibus varium qui pro sua natura, varias excitat passiones, sed quandoquidem de ipsis fusè in patologia de illis in præsentiarum nihil hinc adjiciemus.

Motus corporis, functione
animale

animales dici possunt absque anima fieri nequeunt, duplicisque sunt generis, voluntarii scilicet & involuntarii; voluntarii dicuntur illi qui ad nutum animæ fiunt; involuntarii verò illi qui etiam invitâ animâ peraguntur, secundi generis sunt pulsus, respiratio, sanguinis circulatio, &c. Primi verò motus musculorum scilicet ad nutum tantum & imperium animæ perficiuntur, ad functiones etiam animales quodammodo revocari possunt somnus & vigilia, in exercitio enim sensuum externorum, vel defectu talis exercitii, posita videntur ut alibi fusius, quibus sic de functionibus animalibus stabilitis, ad naturales nunc accedamus.



SECTIO SECUNDA

De Functionibus naturalibus.

UT functiones omnes naturales perfectè nobis innotescerent hic de iis omnibus quæ in nostro corpore peraguntur, sermo esset instituendus; quidquid enim in nobis machinaliter agitur, illud totum functionis naturalis nomine donari potest, cordis igitur motus, pulsus, respiratio, fames, sitis, alimentorum digestio, sanguificatio, spirituum generatio, nutritio, accretio, generatio, & functiones naturales meritò noncupantur.

Quia verò nimirum produceretur hæc sectio, si eâ quâ par est diligentia de singulis in specie diceremus, ideò illas tantum percurrere licet, præmisso prius

clarioris doctrinæ causâ, in duas classes ritè dividi posse functiones naturales: prima respicit eas quæ inserviunt individuo conservando, & de illis impræsentiarum; secunda verò de iis tractat, quæ ad speciei propagationem inserviunt, & de iis in sequenti capite.

Inter eas quæ individuo conservando inserviunt, se se statim offerunt fames & sitis alimentorum digestio, eorundem in sanguinem mutatio, sanguinis circulatio, ejusdem depuratio spirituum, generatio, &c. de quibus jam omnibus suo loco fusè disseruimus, quas tantum breviter percurramus, ut semel scilicet pro semper, certi fieri valeamus, functiones seu operationes illas, effectus tantum essentiali situs, variæque dispositionis partium, non verò entis cujusquam corporei in nobis existentis à

partibus nostri corporis distincti ut somniantur antiqui; sitis igitur *¶* g. est potulentorum appetitus, qui oritur partim ex humiditatis in sanguine defectu, partim vero ex coarctatione osculorum vasorum salivalium quàm sequitur oris ariditas & motus quidam seu sensus in cerebro ex quo oritur illa cogitatio quæ vocatur sitis.

Fames quæ in esculentorum appetitu consistit, provenit à vellicatione orificiæ interni ventriculi quàm excitant halitus acidi, tum à reliquiis in ventriculi rugis stagnantibus, tum à succo pancreatico, in tenui intestino effervescente, & in ventriculo assurgente, tum à fermento stomachali exaltato, unde motus peculiaris spirituum à parte vellicata ad cerebrum, & consequenter peculiaris animæ cogitatio quæ vocatur fames.

Esculenta ac potulenta in ventriculo simul permixta ibidem mediante succo quodam in illo hospitato & partium circumjacentium calore, attenuantur, dividuntur, alterantur, digeruntur, digesta cum sanguine permiscentur, cum ipso circulantur, & tandem in ipsum transmutantur modo à nobis exposito dum de humoribus; ex illo circulari motu dependent, tum ea quæ inserviunt reparationi continuæ jacturæ, tum ea quæ ad ipsius incrementum faciunt, tum variorum insuper succorum separationes, uno verbo motus singularum partium, sensuumque omnium exercitium, motus cordis pariter & pulsus, tum ab illo circulari sanguinis motu, tum à materia quadam peculiari à sanguine suppeditata. & cum spiritibus permixta, cordis fibras distendente, ut apud Anatomici-

cos quisque videre poterit, ortum ducunt.

Ex quibus omnibus manifestè patet operationes, actiones, seu functiones omnes supra recensitas & consimiles alias quæ naturales nuncupantur, mechanice tantum peragi in nostro corpore, & ex principiis à nobis stabilitis, commodè ac ritè explicari, in quorum omnium insuper confirmationem non parum conducent ea quæ de prima hominis conformatione in sequenti capite proferemus.



CAPUT VII.


ET ULTIMUM.

De Prima hominis conformatione.

HACTENUS de iis omnibus quæ ad naturalem cor-

poris nostri constitutionem conducunt de principiis scilicet tam remotis quam proximis corpus nostrum constituentibus de temperamentis, variis quibus tum corpus integrum, tum singulae partes donabantur, de partibus tum fluidis, tum solidis, tum spirituosis quibus constabat, ac demum de facultatibus & functionibus, quibus tum in genere, tum in specie gaudebat satis, ni fallor disseruimus, sufficienterque nunc nobis innotescere debent ea omnia, quæ naturalem hominis compositionem ingrediuntur, quia verò inter functiones corporis, præcipua magisque necessaria speciei propagatio meritò censetur, ideò de illa in isto capite uti polliciti fuimus quædam loco coronidis erunt adjicienda, quod ut methodicè, analiticèque procedat caput istud in quatuor sec-

tiones dividemus ; prima erit de generatione & conceptione ; secunda de vita & nutritione foetus ; tertia de partu ; quarta de principio vitali, seu forma materiali corporis nostri animalis , quas antequam incipiamus hic præmittere necesse duximus, nos partium generationi inservientium tam ex parte viri, quam mulieris cognitionem hic supponere non tradere , alioquin in infinitum produceretur caput istud quod aliorum more breviter tantum percurremus quantum materia & temporum sinent angustiae , his igitur præmissis , sit nunc.



SECTIO PRIMA.

De Generatione & Conceptione.

SPECIE I. conservationem
Post primam genesim genera-

tionis negotio superimpofuit rerum conditor: huic operam navant mas & foemina; quomodo autem id fiat, licet valde dubium intricatumque appareat, explicare totum aggredimur, quia verò ex ovis omnia fieri cum peritiffimis hodie anatomicis, propugnare nobis est animus, ante omnia, ne confusæ in nobis oriantur ideæ, diffinctionem illam antiquorum, viviparas inter & oviparas exponere placet. Vivipara animalia dicuntur illa, quæ licet ex ovo ortum ducant, & in ovis foetus fuos generent, nihilominus illos extra ova, feu ovis exuta, educunt, ovipara verò ova tantummodo protrudunt & post debitum tempus ex ipsis fufficienter excubatis, foetus educunt, ita ut rigorosè loquendo, omnia animalia ovipara dici poffunt, cum ex ovo cuncta ortum ducant & fumpferint originem.

quo sic præmisso & supposito, videndum quid vir, quid mulier in generatione præbeant.

Et quidem primò quoad virum apud omnes est in confesso semen præbere duplici conflatum materia crassa scilicet & spirituoſa ultimam tantum ad generationem conducere, & ad ovarium pervenire, primam verò ipsius tantum eſſe involucrum, ne ſcilicet evaporetur, hinc fit, ut animalia quædam uti gallus gallinaceus, v. g. plurima fæcundat ova abſque ulla ſenſibili ſeminis emiſſione ob quosdam ſcilicet tantummodò ſpirtus allapſos, & apud mulieres etiam plures concepisse produnt hiſtoriæ abſque communicata crassa ſeminis materia.

Utrum in teſticulis ſemen humanum perficiatur litem non moveo certum eſt interim cujuſque generis, mares teſticulis

instructos esse , ita ut iis avulsis
fiant ad generationem inhabiles,
licet quidam referant castratos
quosdam ex vesiculis seminariis
semen emisisse generationis ca-
pacem , quod ante castrationem
scilicet in testiculis fuerat prępa-
ratum , & in vesiculis asserva-
tum , quod enim emittitur se-
men in coitu non immediatè tes-
tibus per vasa ejaculatoria , sed
tantum portio quędam , quę
in vesiculis seminalibus per ali-
quot dies , vel menses asserva-
ta fuerat , evibratur.

Quantę verò sit activitatis se-
men à posteriori facیلè deducetur
ad ovaria enim per vias arctas &
aufractuosas in momento per-
venit , membranas densissimas
penetrat partes singulas foetus
in ovo implicitas & confusas
mirè explicat , & suo quoque
loco disponit , mutationem toti
corpori affert & humores suo

caracthere inficit & imprægnat talem insuper activitatem declarat summus, testiculos inter & cerebrum, semen & succum nervosum consensus: videre enim est, quantum unius dispendium, alterius efficaciam enervet, ita ut semen si non cerebri fluido in omnibus simile sit certè ratione activitatis admodum inter se convenire augurandum.

Semen igitur præbet vir in generatione velocissimo motu donatum & partibus spirituosius turgidum, quod ad ovarium perductum, ibi generationis opus absolvit, quod quidem antequam exponamus, videndum prius, quid mulier pariter præbeat ad generationem.

Mulieres semine destitutas, & liquorem illum quem in congressu emittunt non esse verum semen, sed serum quoddam lymphaticum. Inconcussum est hoc
di

dic apud omnes, serumque illud à glandulis uteri, hujusque cervicis ac vaginae filtratum, non verò ex fictitiis ipsarum testiculis prolapsum doctè admodum ac ingeniosè demonstrarunt Graaf, Bartholinus, & Malpighius, aliquid igitur à viro penitus diversum & alienum præbebit mulier in generatione.

Quoniam verò singulae femellae ovariis instructae sunt, & post foecundum coitum. 1° Mutationem quamdam inductam fuisse ovario, deindè unum aut plurima ova ex ovario ad uterum prolabi & descendere. 2° Ova ad uterum prolapsa ipsi adhærere utero, sensimque ampliari, & incrementum assumere constanter & perpetuò videamus; ideò meritò indè concludimus foeminas ovum tantum præbere & locum, uterum nempe ad illud

fufcipiendum , fovendumque idoneum.

!Quâ autem viâ fpiritus feminalis ad ovarium perveniat & deferatur , ut ovum fœcundare poffit non convenit apud omnes alii enim per tubas fallopianas , alii per porofam uteri fubftantiam , alii verò viâ circulationis per arterias deferri contendunt , cui fanè ultimæ opinioni uti verifimiliori adhærere placet , licet enim multas involvat difficultates , melius tamen per ipfam explicantur mutationes omnes , quas patiuntur gravidæ ex permixtione fcilicet auræ feminalis cum fanguine ut attendenti cuilibet patebit ; præterea adest infignis valvula in medio ferè tubarum fallopii , quæ feminis afcenfum ad ovarium impedit , & fi porofam uteri fubftantiam permearet , quare ad ovaria potius quàm ad cæteras partes vi-

ciniores & uteri propinquiore
deferretur, per arterias igitur
semen suscipi in generatione, in-
deque viâ circulationis ad ova-
rium pervenire, ibique separari
ac secerni, eo planè modo quo
cæteri omnes humores in variis
per corpus nostrum, dissemina-
tis colatoriis, autumandum.

Quia verò semen motu velo-
cissimo donari, spirituumque
insigni quantitate turgescere jam
jam ostendimus, ideò semel ad
ovarium perductum ibi phlogo-
sim quandam, quandamve fer-
mentationem inducit, undè sub-
sequitur ovi separatio è suo ova-
rio divulsio, ipsiusque in ute-
rum prolapsus; porrò illud so-
lum non efficit seminalis spiri-
tus, sed insuper ovi totius sub-
stantiam penetrans atomis sci-
licet suis spirituosis rapidissimè
in ovulum irruentibus, rotam
ejus humiditatem in spumescen-

nam movet, ipsique quasi hætenus fatuo femini germen primigenium inducit, illudque non tantum reddit prolificum, sed conceptum insuper vitalem producit, ac demum partes foetus in ipso contentas & abbreviatas extendit, explicatque donec nutrimento à matre superveniente, sensim augeat, debitumque incrementum suscipiat foetus.

Non igitur ex permixtione utriusque seminis, virilis scilicet & foeminei fieri generationem & conceptionem uti voluerunt antiqui; sed ex foecundatione ovi à spiritu seminali, cum omnibus hodiernâ die Anatomicis & Medicis post Harvæum firmiter statuendum, quidquid inde garriant Pseudo-Philosophi, qui innumera autopsiæ repugnantia petulanter asserere non desinunt, veritatemque se se sibi met ipsis offerentem respuunt.

Sed inquiet aliquis, undè ergò procedet sterilitas, quandoquidem gaudent omnes homines semine, singulaeque foeminae ovis instructae cernuntur, cui quaestioni ut respondeamus, supponendum pluribus de causis, mulieres evadere steriles, sic, v.g. nimis obesae, fermè semper sunt steriles, eò quòd ipsarum ovaria nimia pinguedine involuta infringunt actionem & motum seminalis spiritûs, & consequenter difficulter admodum generatio, seu ovi facundatio, quæ in semine velocissimum motum supponit, subsequi potest: si impuris viscidisque materiis, sanguis luxuriat; difficile etiam concipiet mulier, spiritus enim seminalis in viscidis illis humoribus involutus & implicatus vix ad ovarium pervenire poterit, & sic de cæteris ex quibus inferre licet, non sola ova, non seminalem

spiritum , sed insuper rectam corporis dispositionem requiri ad hoc ut generatio subsequatur, quibus sic positis, nunc quomodo vivat & nutriatur foetus eadem quâ suprâ methodo inspiciamus.



SECTIO SECUNDA

De Vita & nutritione foetus.

FOE T U S. peracta in ovo prima delineatione , quas agat radices , & qualiter augeantur ejus partes, nunc investigandum, quod ut clariùs elucescat , ipsum primò in ovo delineatum, ad uterum prolabentem, deindè verò utero adhærentem inspiciamus.

Ovum foecundatum duplici donatur membranâ duplicique humore instruitur, duplex illa membrana chorion vocatur, &

amnios, duplex ille humor, alius est albuginosus & lympham seu gelatinam æmulans, alius ad rubedinem vergit, & in ultimi istius medio circatricula quædam seu punctum saliens observatur, singulis autem post conceptionem diebus augetur, illa cicatricula, ita ut cor statim, deinde carina seu vertebræ, postea caput ac demum cæteræ omnes corporis partes sensim & successivè appareant & explicentur, paucisque à conceptione diebus, nihil amplius præter corpus fœtus delineatum humore albuginoso innatans reperiatur, quia verò parvula illa machina nutritione indiget, ut vivere, & incrementum sumere possit, videndum undè illi supervenire possit humor nutritius, sed quoniam utero adhuc non adhæret, & vel in ovario, vel in tubis fallopianis, vel in utero fluctuans

existit, alimentum in se ipso reperiat necesse est, & humore illo albuginoso in quo innatat, nutriatur necessario concludendum.

Quo pacto autem humor ille tenellulum foetus corpusculum ingrediatur facile quispiam intelliget, si vim & mobilitatem spiritus seminalis hic repetat; cum enim actione suâ indefinenter colliquamentum illud variè subigat, attenuetque, & insuper arteriæ uteri materni vel tubularum fallopii ovulum arctè complectentes, reciprocis pulsibus fluoris illius nutritii particulas subtiliores, in ostiola seu porulos corpusculo foetus accommodatos intrudunt, & circulationem in embryone inchoant; humor ille ad cordis rudimenta, ut ita dicam, ductus illud irritat, aliquo modo distendit, & robore sibi à spiritibus genitali;

bus impreflo aliquallyter refiftit ,
mox contrahitur fuffufum de-
nuò per arteriolas projicit , re-
petitifque motibus reciprocis, va-
fa in majorem molem fucceffivè
explicat, & ex iis itibus & redi-
tibus quædam peragitur circula-
tio , humor rubedinem nancif-
citur , & foetus nutritur , donec
fcilicet mutatione fufficienti in-
ductâ utero materno & placentâ
grandiori & ampliori facta ovum
tandem utero adhæreat nutri-
mentumque à matre modo à
nobis nunc exponendo fufcipiat.


Foetus igitur grandior factus ,
jamque adhærens utero colli-
quamento in ovo contento nu-
triri ampliùs non poterit, præter
quàm quòd enim majori ex parte
confumptum eft foetui nutrien-
do infuper impar evaderet ob ip-
fius incrementum, quia verò na-
tura in operibus fuis eodem fem-
per modo agere conftat hafte-

nus, ideò humore quodam prior analogo verisimiliter foetus in utero nutrietur ; cum autem inter humores omnes qui per placentam excurrunt , ipsiusque irrorant substantiam , nullus aptior magisque analogus colligamento in ovo contento reperitur , quàm chylosus ille humor in glandulis uterinis secretus , ideò tali humore foetum in utero adhærentem , deinceps nutriri statuemus.

Quâ autem viâ , & quomodo paucis nunc accipite ; foetus utero adhæret mediante placenta ex fibrosa simul & glandulosa substantia coagmentata & conflata , arteriæ spermaticæ & hypogastricæ matris , sanguinem perpetuò ad uterum & placentam devehunt , unâ cum humore chyloso cum sanguine perpetuò permixto : humor autem ille chylosus & dulcis , lacteumque succum

æmulans asperioribus particulis liberatus & expeditus in uterinis glandulis secretus per venas umbilicales, intra foetum devehitur, in quo via circulationis ad singulas partes delatus, ipsius nutritioni inservit; præter humorem illum chilosum, reperitur insuper intra cavitatem amnii, humor quidam, quem foetus urinam & sudorem asserebant antiqui; sed quem sorbile foetus alimentum ex multis evincitur, nam præter Hippocratis auctoritatem, qui libr. de carnibus foetum ore suggere alimentum edocet. Liquor in viviparorum stomachis contentus, humori amnii persimilis, intestinorum insuper excrementa, hanc sententiam verissimam esse confirmant igitur non per sola vasa umbilicalia, sed per os etiam foetus alimoniam suscipiet, neque mero sanguine, sed è contra, ut ita

dicam chylo , ulteriùs solummodò elaborato in utero nimirum & placenta, in quibus præter depurationem ipsiusque à crassis terrestribusque particulis, sejunctionem aëri insuper permiscetur, nutritionique fit aptior magisque idoneus, unde placenta à plurimis pulmo uterinus nuncupatur , & ab aliis colatorium alimenti foetus præparatorium, quibus sic de nutritione foetus expositis , nunc de ipsius ab utero exitu differamus.



SECTIO TERTIA

De Partu.

ELAPSI ab imprægnatione novem mensibus solaribus, tenebras uterinas relinquit foetus liberiores auram
petiturus

petiturus, talisque exclusio partus solet nuncupari.

Undè verò talis foetus exitus post præfixum terminum à quâ causa pendeat, quid mater, quid foetus ad illum conducant accurate, nunc licet breviter exploremus, antiqui ferè omnes alimenti penuriâ vel aquarum mole, vasorum umbilicalium exsiccatione foetusque maturitate intrinsecâ partum fieri existimabant, inter recentiores quidam aquarum, quibus includitur foetus, acrimoniæ & irritationi & mutationi figuræ, partum tribuerunt, quæ omnes consimilesque opiniones quantas involvant difficultates inter explicandum abundè patebit; omissis igitur iis omnibus statuimus foetum ob aëris defectum, uterum tantummodò relinquere, ipsiusque calcitrationis, causam esse sanguinem defectu aëris difficile

circulantem , & morâ suâ partes vellicantem & irritantem , unde calcitratio , seu foëtus mutatio subsequi debet , cum mutatio illa naturalis existit, foëtus convolvendo se se & invertendo capite 1° Egreditur , cum verò non naturalis existit, foëtus aliâ parte, se se profert , tali motu membranæ jam morâ diuturniore , tenuiores factæ facilè dehiscunt , & rumpuntur, unde partum antecedit aquarum fluxus : foëtui insuper conatibus , accedit matris labor , quæ tum inspiratione, tum musculorum diaphragmatis & abdominis contractione uterum contrahit , qui simul quoque fibris suis foëtum comprimit & excludit indèque partus.

Matrem igitur & foëtum ad partum simul concurrere necesse esse existimamus , & altero fatigante laboriosum semper , ac ut plurimum fatalem partum


hic cum omnibus practicis pronunciamus.

Post foetus egressum subsequi debent statim membranæ quibus involvebatur cum placenta quæ scilicet per funiculum umbilicalem adhærent foetui, ideòque secundinæ vocantur; si enim moram trahant in utero, coarctato interno ipsius orificio ipsarum egressus impedi potest, unde putredo lethalis vel hæmorrhagia etiam contumax si vel minima tantum ipsius pars relinquatur, illud enim sufficit ad irritationem sufficientem producendam, ex qua hæmorrhagia subsequatur.

His omnibus succedere debet ultimò Lochiorum fluxus, id est humores illi quibus imbibita & turgida erat uteri substantia mediante fibrarum ipsius post partum contractione, & pororum angustia exprimi & excludi de-

bent : donec uterus pristinam formam indutus , & ad formam pyri contractus & exsiccatuſ ad novam imprægnationem denuò disponatur : humor autem ille effluit vulgò per octo quindecim , viginti vel etiam triginta dies in majori vel minori quantitate pro varia puerperarum constitutione & sanguinis diathesi, effque statim cruentus humor , seu sanguis copioso aquoso & lacteifero dilutus , & demum materia alba mucosa, quam succi foetus nutritii , reliquias esse autumamus , talis effluxus contingit ex conatu partûs , quo sanguis propellitur , tum è vasis hypogastricis collo uteri insertis, tum ex ipso utero , donec ipsi superveniat supradicta mutatio : foetus semel in lucem editus respiratione , & alimentis indiget ut vivere possit & ne momento quidem ipsis destitutus potest subsistere

ut apud Anatomicos demonstratur, quæ cum nostri nunc non sint instituti ad ea quæ nobis dicenda supersunt, accedamus.



SECTIO QUARTA

De Principio vitali, seu formâ materiali corporis nostri animalis.

IN præcedenti capite, duplicem in nobis admisimus functionem animalem scilicet & naturalem, primam ab anima, secundam à corpore pendere demonstravimus, quæ ab anima oriuntur ut potè cogitatio, motusque omnes spontanei realiter adeo à naturalibus ipsoque corpore distinguuntur ut ipsarum animæque à quo pendent existentia secundum nos post Cartesium; certior sit ipsius etiam corporis

quod videmus & palpamus existentiâ ; idcircoque cum hic quaerimus quid sit principium vitale seu forma corporis nostri animalis loqui tantum intendimus, de principio illo à quo functiones naturales procedunt, semel hic pro semper præmissis, nos non tantum ut Catholicos, sed insuper ut Philosophos, animam in nobis agnoscere immaterialem, immortalem, Dei imaginem, Christi sanguine redemptam, corpus nostrum primario informantem, omniumque præcipuarum ejus operationum directricem.

Sed quandoquidem duplici homo constat substantiâ, animâ scilicet & corpore, his de anima tanquam inconcussis suppositis, corpus investigare placet tamquam machinam variis scilicet organis tanquam totidem rotulis, vectibus, funiculis, elateriis &c. con-

statam, quæ scilicet tandiù vivere dicitur, quandiù cum anima conjuncta, functiones suas mechanicas exercet, mortua verò appellatur quando functionum prædictarum cessat exercitium. evolat anima, partesque omnes absque motu prostrata conspiciuntur: principium igitur vitale corporis definiri poterit, intrinsecum quoddam principium quo entia creata quævis agunt quod agere jussa sunt.

Principium illud differre ab anima & re vera dari, sequentibus evinci potest: & quidem. 1.^o Ut alibi jam diximus, animam naturalium actionum directricem credi non potest, illâ enim invitâ fiunt, & ad illas peragendas, si quidpiam conferat illud tantum mediatè & occasionaliter efficere certò certius esse dicendum, actionibus igitur tantum immaterialibus quales sunt,

v. g. intellectus & voluntas, animam præesse statuimus, indeque eodem tempore concludimus aliud dari principium actionum naturalium seu materialium dirigens, a quo immediate & propriè tales oriuntur actiones.

Tale principium alii animæ sensitivæ nomine designabant, cæteri calidum innatum, seu substantiam quandam à materia avulsam existimabant; quidam verò sub igneæ & lucidæ substantiæ, spiritus vitalis, archæi, halitus tenuissimi sanguini inspersi, activæ atomi, aut alkali, & crudis aliis ac ambiguis conceptibus, designabant, quæ sanè omnes & consimiles denominationes cum nihil significant & obscurum per obscurius exponant, ideò illas omnes rejicere placet.

Cum verò nullum aliud discrimen sensibile intercedat inter

corpus vitâ donatum & mortuum, quàm motus quo primum donatur; secundum verò destituitur, ideo suspicari licet principium illud vitale, nihil aliud esse præter duplicem illum motum, quo sanguis viventium donatur & instruitur intestinus scilicet & circularis, illo enim durante durat, illo verò cessante cessat vita ut alibi fuit à nobis demonstratum.

Undè autem producatetur duplex ille motus, & à quo immediate procedat curioso nunc indagemus examine, ut scilicet perfectè in posterum nobis innotescat amborum istorum motuum natura & differentia, ex ipsis, motus ille quem circula-rem nuncupamus, autopsiâ patet facilèque demonstrari potest, alter verò quem intestinum dicimus, licet non ita sensibilis, æque certum esse nihilominus

modò demonstrabimus, præmis-
so priùs nos ultimum illum mo-
tum tanquam primum & radi-
cativum vitæ principium, circu-
larem verò tanquam communi-
cativum tantum admittere in-
testinum sanguini proprium esse
& naturalem; circularem verò
ipsi tantummodò accidentalem,
& à corde dependentem.

Ut autem circa motus istius
naturam nil nos fugiat, foetum
in ovo inspiciamus, motusque
istius causam primariam si fieri
potest enucleemus & evolva-
mus. Sicut in adultis, triplex
partium genus observari omnes
uno ore fatentur hætenus post
Hippocratem continentes scili-
cet contentæ, & impetum facien-
tes ita in ovulo triplicem existe-
re substantiam, quarum altera
crassior, partes solidiores altera
sanguinem & reliquos indè ema-
nantes fluores constituit. Tertia

verò istis omnibus motum communicat nemo hactenus dubitavit; adsunt in ovo insuper multæ aëreæ particulæ in genitali substantia involutæ, ut ex ipsius spumositate evincitur, quæ nimirum motum vitalem intestinum de quo agimus, licet non sensibilem, in conceptu incohant & perpetuant, donec singulis quasi momentis cum succo nutritio à matre deciduo, plures earum recipiat, foetus quandiu uterum inhabitat, moli in dies crescenti, hujusque intestino motui producendo sufficientes; cum verò post partum in lucem editus est foetus, huic novæ accedunt per respirationem ambientis aëris particulæ, quæ sanguinem variè exagitando ac in ipso motum jam susceptum continuando, motori illi primò succenturiantur, ipsiusque volatilem reparant substantiam,

Quod sanè ita esse ex eo ulterius evincitur, quòd scilicet qualiscumque sit in sanguine spirituum impetus, vix tamen ponderosiorum corporis partium renitentiae & motui adeò perenni resistere poterit, cum tantumdem motus sui perdat, hic spiritus, quantum sanguini concedit & in primis, nisi ab extrinseco suppetias singulis momentis recipiat; nec obstabit quod à quibusdam hic dicitur spiritum scilicet hunc sanguinis rectorem à Deo sic creatum fuisse pro vitalitate exercenda, motuque illo intestino producendo, licet enim Dei omnipotentiae illud non denegem in animalibus, eorumque habitudinibus, prout existunt aliter se rem habere constat, etsi enim verum sit præter Deum dari materiam subtilissimam, reliquas omnes creaturas moventem tanquam motorem

tozem creatum universalem, concludere tamen mihi licet, nullum animal impetum motûs vitalis ab intus, sed ab extrâ habere, cum sine fluido ambiente sibi congruo subsistere nequeat.

Fluidum autem illud duplex observatur, aqua scilicet quam pisces, aer quem reliqua animalia habitaculum agnoscunt, ita tamen ut pisces aliquandiù extrâ aquam vivi permanere possint, sine aëre verò nullum animalium genus possit subsistere, undê concluditur aërem motorem eorum sanguinis esse immediatum & unicum, quod sequentibus evincitur argumentis.

Et quidem. 1° Animalia nonnulla & insecta mortem anniverfariam patiuntur pro diversa scilicet aëris temperie, crassitie, & tenuitate reciproca. 2° Si oleo vel tenaci aliquâ materiâ obli-

tuta, moriuntur brevi ex eo, quod aëris ipsis ad interiora appulsus denegetur. 3° Pisces maximam vitalitatis partem captant ex aëre, ut patet ex eo quod in stagnis glaciatis moriantur, & si foramine facto aëri præbeatur aditus, statim omnes agmine facto huc properant. 4° Quod animalia penè mortua aëre per ductum thoracicum aut venam cavam insuflato statim reviviscunt, ita ut cum plurimis dici possit vitam sub præsentia & usu aëris integram manere, primumque & adæquatum sanguinis motorem aërem esse ambientem.

Quomodo autem aer agat in sanguinem motumque ipsius perrennet, sic explicari potest triplici aërem constare substantiâ crassiori scilicet, subtilissimâ & ad utramque mediâ ratione f habente, experimentalis Philoso

phia edocet, partes aëris insuper elasticitate donari, innumeris evinci potest experimentis, hoc posito aëreae particulae corpus nostrum subingressae in sanguinem immediate per contactum agunt, cumque resistantia quadam inveniatur in moleculis sanguinem constituentibus, plures nusus & conatus aëris requiruntur ut particulas illas disjungere, viamque sibi facere queat; motus igitur intestinus sanguinis in quo ferè unico positum est principium illud vitale, de quo agimus consistit in lucta quadam duplicis hujus fluidi sanguinis puta & aëris quorum alterum fluidius ex aëre scilicet expressum & interiùs illapsum sanguinis moleculas, quibus intermisceri & divellere annititur, alterum verò ita resistit, ut ambo sibi aequae ponderantia reciprocas tendentias & impetus exerant, & sub

hac pugna motum illum sanguinis æquabilem, quam turgescen-
tiam non fermentationem voca-
mus in qua vita mechanica &
animalis præcipuè consistit, po-
situm præcipuè esse censemus; al-
ter enim motus est in sanguine
circularis scilicet à quo vitalitas
ut ita dicam, singulis partibus
communicatur & de quo nunc
quædam adjicienda veniunt.

Circulationis sanguinis motus
ad vitam adeò necessarius est ut
si spatium minorum Decem pe-
nitus tollatur actum de vita mo-
rique necessum sit, pendet ab-
soluè à cordis motu, & ab ip-
so per arterias ad singulas corpo-
ris partes deferitur, undè per ve-
nas rursus devehitur ad cor, ta-
lem viam sanguinem peragere,
omnibus hodie notum est alibi-
que demonstravimus dum de
sanguine agebamus, inquiren-
dum nunc tantummodò superest

à quo pendeat cordis motus, sicque nobis penitus cognito duplici illo sanguinis motu in quo principium vitale materiale consistere statuimus, finem tandem isti capiti & universæ Physiologiæ imponemus.

Cor, præcipua corporis nostri machina, primusque mechanorum omnium motuum, qui in eo perficiuntur auctor, merito ab Aristotele primum vivens & ultimum moriens, sed malè ab ipso viscus seu parenchyma vocatur; musculus enim est validissimus, cavum constituens organum ex fibris carneis & tendineis mirè invicem convolutis constructum arteriis, venis, & nervis undique disseminatum; cum igitur cor musculus sit, eodem modo ac reliqui muscoli moveri debet, & consequenter fibræ suæ retrahi debent, ut motus suos exercere valeat, quia verò du-

plici motu donari videtur cor, uno scilicet quo retrahuntur & abbreviantur carneæ ipsius fibræ, undè cruoris in propriis thalamis contentis sequitur expressio, altero verò quo eadem fibræ dilatantur, pristinamque formam recuperant, undè novus in ipsius thalamos sanguinis proventus, inquirendum venit à qua causa fibræ cordis carneæ retrahantur; retrahi enim non possunt, quod moveri est, absque causa aliqua movente & incitante, & demum quomodo contractionem subsequatur dilatatio, his enim perpensis innotescet nobis omnino cordis motus; ut autem in disquisitione ista extraneis non utamur terminis, retractionem fibrarum seu ipsarum contractionem systolem, ipsarum verò dilatationem, seu in pristinam formam & figuram restitutionem diastolem nuncupabimus.

Systoles igitur cordis motus præcipuus consistit in fibrarum ipsius contractione facta à materia aliqua in fibrarum substantiam propulsam, ipsarum longitudinem minuente latitudinem verò ampliante; diastoles verò in prædictarum fibrarum in pristinum statum restitutione posita est, ut ex modo dicendis patebit, dum scilicet de materia illa cordis fibras distendente sufficienter loquuti fuerimus.

Quod sanè ut felicius prosequamur fluida omnia cor irrorantia inspiciamus, vimque singulorum pensitemus: cor igitur. 1° Aqua quadam in membrana pericardium dicta innatat. 2° Sanguis per venam cavam & pulmonarem in auriculas, subiectosque inde profunditur ventriculos. 3° Spiritus per plexum cardiacum dictum ab octava pari & intestinali formatum, accipit.

4° Lymphaticis alluitur. 5° Demum per arteriam quandam peculiarem, coronariam dictam, eò quòd totam ipsius substantiam coronæ instar perrepet & alluat, sanguinem in fibris suis admittit hætenus ad ipsius tantum nutritionem inservientem, sigillatim igitur examinemus à quo ex istis fluidis potissimum motus ipsius dependeat & fieri possit.

Et quidem. 1° Quoad humorem pericardii causa motus contractivi cordis dici nequit. 1° Subtilis adeò non est humor ille, ac in minori motu positus ut perennem validumque illum motum producere possit. 2° Ex Anatomicorum observationibus in plerisque deficit humor ille in quibus ita arctè pericardium cordi adhærere repertum est, ut ne unguibus quidem divelli possit. 3° Extractum cor quorundam ani-

malium, & per vulnus pericardio inflitum humore ejus effuso cor moveri non desinit. 4°. Demum si aqua pericardii cor moveret, illud tantum efficeret ratione fluiditatis, seu motus fluidi quo gaudet pari ferè modo quo aqua funem retrahit, sed actio illa in funis fibras ut ita dicam, est lenta admodum & insensibilis, motus verò cordis contra momentaneus & validissimus ergò ex humore pericardii fieri non potest motus cordis contractivus seu systoles, ergò alia causa quærenda.

Quoniam verò inter ipsas quas attulimus, nulla statim aptior magisque idonea apparet quam sanguis per venas scilicet cavam & pulmonarem in cordis ventriculos continuo propulsus, hujusmodi causam pensitemus; sanguis, inquiunt, hujus opinionis fautores cordis cavitates

ingressus cum impetu expanditur atque rarefcit, indèque plus æquo distentæ, atque distractæ secundum longitudinem cordis fibræ fit sistoles, demum verò nisu elastico restitutæ, & ad naturalem contractionis statum reductæ diastoles, quæ sanè hypothesis licet probabilis ab omnibus ferè habeatur cum frequentibus tamen rationibus & experimentis subsistere nequit: supponit enim rarefactionem seu expansionem quandam sanguinis in corde quæ sine fundamento & gratis omninò supponitur, nec enim à fermento quodam in corde hospitato oriri potest illa expansio; nulla enim istius scaturigo, nullumque colum à quo à sanguine separetur, minus adhuc à residuis sanguinis partibus, quæ vi contractionis cordis, ab ipso non ejectæ fermenti naturam induunt & incendiculi

loco futuræ ad novam & subita-
neam advenientis sanguinis rare-
factionem concitandam super-
sunt; tantilla enim est mora quæ
interponitur inter ingressum san-
guinis ipsiusque egressum, ut
momento illo in fermenti natu-
ram degenerare non possit, ergò
nulla fit in corde sanguinis rare-
factio & effervescentia, & conse-
quenter tali causæ tribui nequit,
cordis motus minùs adhuc vio-
lento tantùm ingressui sangui-
nis in cordis ventriculos, ipsius-
que violentæ impulsioni, si enim
ligaturâ factâ in venas, cavam &
pulmonarem sanguinis ingressus
in cor omninò impediatur nihil
hominus non desinet cordis mo-
tus, seseque contrahet & dila-
tabit exinanitis etiam omninò
cruore ipsius ventriculis, ergò
aliundè quærenda est miri adeò
motus causa.

Quia verò à quatuor tantùm

causis pendere potest, è quibus duas jam examinavimus, ambas quæ supersunt eâdem methodo consideremus; inter ipsas se se offerunt spiritus, qui hætenus unâ cum sanguinis quadam subtili portione non solum cor, verum omnes insuper musculos moveri, uno ore confessi sunt, quotquot ferè hætenus de hac re scripsere Anatomici.

Et primò quidem ante omnia ductus, seu nervos per quos feruntur ad cor spiritus enumeremus & inveniemus solummodò propagines quasdam nervorum recurrentium, plexumque insignem ex intercostali & octavo pari eâdem vaginâ inclusum, formatum, per quos tantum spiritus cor potest accipere, & ab ipsis moveri, posito quòd spiritibus ipsius motûs sit tribuendus; demum verò si vivo cani digito cautè sub plevram quam illæsam esse

esse oportet, immisso, retrac-
tum ganglion nervi intercosta-
lis ad radicem primarum costa-
rum, hinc inde secuëris, si unà
in cervice nervos recurrentes &
cum octavo pari truncum inter-
costalem pariter secuëris, ita ut
nullus amplius spiritus ad cor
pervenire possit non desinet su-
bitò cordis motus, quin ad du-
centies, quadragies, millies, &
ultrà dilatabitur cor & contrahe-
tur, & ad quinquagesies horas,
& in robustioribus ad sexagesies
usque perseverabit, undè con-
cludendum ad motum cordis
contractivum seu systolem, nihil
omninò conferre spiritus, cum
absque illorum ope absolutè per-
ficiatur, neque dicat hìc, aliquis
superstites spiritus animales in
truncis nervorum amputatis vel
cordis ipsius fibris sufficere ad
prædictum motum per supradic-
tum tempus fovendum & pro-

trahendum ; illud enim locum habere nequit in cordibus anguillarum quæ ex loco proprio extracta per diem ferè integrum moventur , ipsorumque motu deperdito aquæ tepidæ immersione rursus moveri incipiunt, ac experimentis plurimis geometricisque demonstrationibus ab Illustrissimo D. CHIRAC, factis & allatis constat spiritus , qui supersunt in omnibus nervis ad cor spectantibus in ipsius etiam fibris post præcisionem ipsorum vix unam aut alteram contractionem posse producere , ergò aliundè investiganda est causa cor movens & retrahens , sive ipsius contractionem & systolem efficiens.

Quoniam verò è causis à nobis allatis hætenusque perpensis solus nobis superest investigandus humor per arterias illas coronarias dictas , ad cor delatus

ferèque jam nobis constare videatur ipsi soli cordis systolem esse tribuendum, quo pacto illud faciat sedulo nunc inquirendum venit ut quo capimus pede disquisitionem hanc percuramus: constat autem auptosiâ, sanguinem per aortam in arteriam coronariam immissum ex parte à vena coronaria resorberi, ergo non totus sanguis in coronariâ contentus motum cordis contractivum efficit, sed portio tantum eaque subtilior, quæ scilicet tum per poros immediate subjectos, tum per quosdam canaliculos in cordis fibras deponitur, & in ipsarum loculis, tum motu trusionis, tum intestino quo gaudet turgescens fibrarum substantiam dilatando, ipsas in contractionem adigit, systolemque producit, contra hanc hyppothesim, quod vehementius objicitur, illud est scilicet, quod

fluidum illud ab arteria coronaria suppeditatum impar fit tanto validoque adeò motui producendo, cui objectioni satisfacimus asserendo quod scilicet geometrico examine factò à suprà laudato Viro D. CHIRAC, guttarum sanguinis quæ singulis cordis impulsionibus ab arteria coronaria fibris suppeditantur, habitâ ratione cordis & fibrarum singularum massæ, sufficientes reperiuntur ad talem motum producendum, undè meritò ex his omnibus concludendum venit, cordis motum contractivum seu systolem à materia quadam explosivâ à sanguine per arteriam coronariam singulis cordis impulsionibus, fibris ipsius communicatâ, ipsas secundum latitudinem ampliante, & secundum longitudinem minnente, fieri atque produci, motum vero dilatationis seu diastolem à

restitutione prædictarum fibrarum tendineorumque staminum quæ transversim lateralibus cordis fibris alligantur, pendere, patulum enim erit attendenti cuilibet, corpus elasticum, ut sunt fibræ & tendines, distendi & contrahi non posse, quin naturali sibi que indito nisu pristinum suum locum, pristinamque formam recuperare conentur, ergò diastoles à sola prædictarum partium in statu, suo naturali restitutione pendebit.

Sic exposito duplici illo, quo cor instruitur motu à quo circularem illum sanguinis motum pendere statuimus; audacter nunc pronunciamus principium illud vitale de quo agimus à duplici, quo sanguis donatur motu pendere, intestino scilicet & circulari, sine quo ne momento quidem subsistere potest machina, & quod se habet respectu

corporis, sicut anima respectu hominis, à quo functiones omnes naturales & mechanicæ procedunt, & quod meritò principium vitale, materiale seu formam corporis tantum & non hominis, nuncupamus.

Ad horum porrò omnium quæ de cordis motu hætenus attulimus, ulteriorem confirmationem, attendendum est insuper, ad situm, ordinem, connexionem, & peculiarem structuram partium, mirabilem cordis machinam constituentium, ex quorum consensu & conspiratione, tanta vis, tantum robur, tantaque insuper ad motum proclivitas & facilitas emergunt, ut ratione molis quam cor obtinet, nihil excogitari possit in rerum naturâ mobilius, nihil velocius, nihil in motu constantius, & ordinatum magis, & quod à leviori simul & minori causa moveri

possit; quod sanè non eveniret, nisi à peculiari illa & singulari cordis structurâ: mirâque ipsius partium ordinatione, vis causæ motricis cordis plurimum adjuvaretur; qui sanè motus mirè adeò adaugetur in cordis palpitatione, v.g. ut docente FERNELIO distinguantur, interdum costæ & loco proprio moveantur, & observante FORESTO, prodians indè sonus extrâ cubiculum audiatur, quod contingere non posset, habitâ ratione causæ, talem depravatum & auctum cordis motum producentis, nisi plurimum concurreret ipsius structura; cordis enim palpitatio, fieri potest à crassa & viscida, aut acri sanguinis constitutione, sicut à polypis tuberculis, vermibus, &c. ac consequenter à causâ quæ nullam violentis adeò motibus producendis, proportionem habere videtur, sed quæ sufficiens

nihilominus re verâ erit , si ad supradicta omnia attendatur ; *rectum enim ex Aristotele est index sui & obliqui.*

Quia verò exemplis melius quàm verbis probantur res , & confirmantur hic abs re non forè putavimus , observationem à nobis hoc anno factam adjungere , quæ ea omnia quæ ab auctoribus variis temporibus circa cordis palpitationem , annotata fuere , non parùm illustrabit.

Guillelmus Boyron loci Castrinori Carcenarii dicti, propè Aven. quadraginta circiter annos natus , Regii exercitus Flandriæ , Eques Catapultarius, noctu clàm aufugiens , è regione sinistrâ pectoris , ita fortiter occurrit arbori , ut subitò equo dejectus , per semihoræ spatium humi jacuerit, mox equum iterùm conscendens , & die nocteque iter suum peragens, circa vigesimum

diem mens. Octobr. Ann. 1711.
non sine labore arduo patriam
petiit, ubi ratione doloris inten-
sissimi quem in prædicta regione
à suprà memorato casu persen-
tiebat, de plebeiorum & mu-
liercularum consilio topica plu-
rima, modò noxia, modò pro-
ficua, parti dolenti adhibuit,
quibus non obstantibus, dolore
semper perseverante; primis die-
bus mens. Januarii 1712. Aven-
nosocomium petiit aliquod so-
latium probaturus: hunc cum
attentè examinasset eruditissimus
Doctor, & celeberrimus practicus
D. SPIRITUS-JOSEPHUS PARRE-
LY, cum quo ægrotantium no-
socomii, ab annis plurimis al-
ternis mensibus curam gerimus;
ipsumque difficilè admodùm tra-
hentem spiritum, cum cordis
palpitatione & incurvatione so-
litò majori tertiæ costæ, inci-
piendo à superiori quæ imme-

diatè claviculæ subjacet, observasset, variis tum internis, tum externis adhibitis remediis, è quibus non vulgare levamen accepit æger, insalutatis omnibus è nosocomio recessit, & piam peregrinationem pedibus instituit, ad locum vulgò dictum, *Sainte Reyne*, centum circiter leücis, ab hac Civitate distantem, ut hujus sanctæ intercessionè à Deo, à quo est omnis medela, curationem impetraret; tumor interim statim ferè apparuit inter secundam & tertiam costam fabæ magnitudinem adæquans, qui in dies magis ingravescens post longam plurimisque modis duram ipsi peregrinationem ad patriam rediit, & intensissimo dolore, difficili anhelitu, insomniis ferè perpetuis, insignique macie confectus, die 9. Julii ejusdem anni, semestre meum tunc ego incipiens, in ægrorum nosoco-

mii numerum , iterum adscriptus fuit ; erat autem tumor præfatus , tunc temporis , magnitudine capitis infantis recens nati , cum pulsatione non modò sensibili , sed visibili quoque ; pluries statim celebratâ V. S. & aliis non paucis adhibitis præfidiis , remiserunt symptomata , sed non remisit tumor , qui novum singulis diebus incrementum suscipiens , difficile adeò à die circiter 15. Augusti , trahebat æger anhelitum , ut stans tantummodò & erectus respirare posset , & agrypnia insuper perpetuâ laboraret , ac tandem die 5. Septembris , tumore livido , à decem circiter diebus omni ex parte factò , ut in aneurismatibus contingere solet ; absque ulla tumoris ruptione , nullâ precedente agonia , subito mundo valuit. Hac de re statim monitus eadem ipsâ die , unâ cum præfato D. PARRELY , cadaveris apertioni à D. MANE , uno

ex Chyrurgis nosocomii factæ præfuimus, subitoque tegumentis & musculis detractis, citrà spem nostram sese obtulere quatuor costæ superiores in parte sui cartilaginosâ disruptæ & confractæ, & inter illas tertia, in parte sui ossea pariter confracta, grandè adeò relinquentes spatium, ut sinistra cordis auricula more insolito dilatata, cor & vasa adhærentia, pectoris cavitatem ex parte derelictâ exteriùs prominerent, & præfatum tumorem constituerent, qui à costarum supradictarum ruptione, tegumentis tantùm & musculis obtegebatur.

Supradictis omnibus partibus ritè sedulòque perpensis in statu naturali cunctæ reperiæ fuere, exceptis, sinistrâ cordis auriculâ, quæ tantam dilatationem passa erat, ut facilè manum totam in ipsius cavitatem recipere-
ret ;

ret ; & sinistro cordis ventriculo aorta, quæ extensionem paulò solito, majorem pariter passa erant, à quorum omnium & auriculæ in primis protuberantiâ, supradictus tumor constituebatur.

Hic quæri potest, undè tanta prodierit auriculæ cordis dilatatio, undè costarum ruptio, an à supramemorato ictu, an à violento & depravato cordis motu, seu palpitatione, cui obnoxius erat æger, & quam majorem ab illo die persentiit, an costarum ruptio, ab illo ictu ; an à validis & repetitis cordis motibus, producta fuerit ; an costæ à tali ictu violenter succussæ & tenuissimâ fissurâ solutæ tantùm, an à violentis cordis motibus, paulisper sejunctæ fuerint ac divisæ, & locum sic præbuerint insolito illi tumori ; quibus omnibus sic breviter respondemus ; cordis scili-

cet palpitationem morbum fuisse
primarium costas à supradicto
ictu disruptas statim non fuisse,
cum ab illo die usque ad ulti-
mum ægrotantis ingressum in
Nosocomium, centum leucas &
ampliùs peregerit, solitaque mu-
nia obierit, sed tantùm succussæ
& tenuissimè solutæ, ac dein à
cordis motibus violentis paulif-
per, penitùs difractæ; & conse-
quenter ruptionem costarum lo-
cum non præbuisse tumori, sed
tumoris, seu potiùs cordis mo-
tum, costas è loco proprio cum
fractione dimovisse, quæ tan-
dem omnia mors subsequuta est,
dum scilicet immensam illam
molem naçtâ cordis auriculâ, præ
dilatatione nimîâ cruorem in
subjectum thalamum trudere
ampliùs & propellere nequiens
sanguis sensim motu suo orba-
tus & grumescens, necessariam
fbris cordis materiam ad ipsa-

rum motum contractivum subministrare non valens, defecit ac periit tandem machina cum motu cordis, quod meritò dicitur, & re verâ existit, primum vivens & ultimum moriens.

Huic non absimilem observationem videre est in anatomia hominis D. DYONIS, in quarta editione relata *pag. 672.* quam hîc brevitati studentes non referimus, sicut plurima alia quæ relata à nobis superiùs illustrare possent, & de quibus alibi fusiùs forsan loqui continget.

His sic stabilitis finem tandem Physiologiæ nostræ imponamus, quandòquidem nihil eorum quæ hominem in statu naturali positum constituunt nos ampliùs latere potest; in primo enim capite corpus nostrum tanquam mixtum ex elementis conflatum consideravimus; in secundo, ipsum peculiari temperamento do-

natum inspeximus, ac tum de elementis, tum de temperamentis in genere & in particulari fusè admodum disseruimus; in tertio, corpus nostrum triplici partium genere constans lustravimus, & triplici capite fluidas, solidas, & spirituosas partes curioso & accurato examine indagavimus; in ultimo tandem de prima ipsius conformatione disseruimus, & coronidis loco curiosa multa circa foetus nutritionem partum, nec non principium vitale seu formam materiale corporis nostri animalis adjecimus; quibus fanè diligenter traditis, ad ea nunc quæ Medicum propriè spectant Pathologiam scilicet, seu morbosum corporis statum, si per tempus licuerit, eâdem quâ suprà methodo Deo juvante accedemus.

FINIS.



INDEX

CAPITUM

ET PRÆCIPUARUM
rerum quæ in hocce volumine
continentur.

P roëmium.	pag. 1
P rolegomena in principia in ge- nere.	3
Divisio Medicinæ in 5. Partes	12
De Physiologia.	14
De Elementis.	15
Divisio elementorum.	16
De Terra.	19
De Aqua seu phlegmate.	24
De Sale in genere.	30
De Sale acido.	35
Figura salinum acidorum.	38

I N D E X.

De Sale alkalino seu acro.	45
Figura salis alkalini seu acris.	47
De Sale falso.	52
Figura salis falsi.	57 & 58
De Sulphure.	59
Figura sulphuris.	61 & 62
De Spiritibus.	65
An supradicta principia re verâ & ac- tu sint in mixtis.	69
De Temperamentis, quid & quotuplex sit temperamentum.	77
De Qualitatibus, seu variis affectioni- bus corporum.	83
De Temperamentorum differentiis mi- nüs essentialibus.	98
De Calido innato & humido primige- nio.	101
De Humoribus, quid sit humor & quotuplex.	105
De Humoribus alibilibus.	109
De Chylo.	110
De Sanguine propriè dicto.	116
De Lympha & succo nerveo.	122
De Nutritione.	129
De Humoribus recrementitiis.	135

I N D E X.

De Bile.	136
De Bilis secretionē.	139
De Succo pancreatico.	143
De Fermento ventriculi, salivâ, & lacrymis.	147
De Humore pericardii, muco intestinali, & muco narium.	152
De Lacte & semine.	156
De Sanguine puerperii, & aquâ parturitionis.	164
De Humoribus excrementitiis, & 1 ^o De sanguine menstruo.	167
De Urina.	174
De Insensibili transpiratione & sudore.	177
An supradicti omnes humores sint formali- ter in sanguine.	183
De Fermentatione.	187
De Partibus.	195
De Spiritibus.	101
De Spirituum naturâ, genesi, & existentia.	202
De Spirituum divisione, & proprietatibus, seu usibus.	205
De Facultatibus & functionibus.	208

I N D E X.

<i>De Functionibus animalibus.</i>	212
<i>De Functionibus naturalibus.</i>	218
<i>De Prima hominis conformatione.</i>	222
<i>De Generatione & conceptione.</i>	224
<i>De Vita & nutritione fœtus.</i>	234
<i>De Partu.</i>	240
<i>De Principio vitali, seu formâ materiali corporis nostri animalis.</i>	245
<i>De Motu cordis.</i>	249
<i>Observatio circâ insignem sinistræ cordis auriculæ dilatationem.</i>	272
<i>Conclusio Physiologiæ.</i>	279

Multa in singulis capitibus tractantur, de quibus in brevi hoc indice nulla fit mentio, & quæ facilè quisque invenire poterit.

FINIS INDICIS.


INDEX

De Functionibus animalibus.	217
De Functionibus naturalibus.	218
De Primæ hominis conformatione.	222
De Generatione & conceptione.	224
De Vita & nutritione lacus.	234
De Tenu.	240
De Principio vitali, seu forma vitali.	242
Vitali corporis nostri animalis.	242
D. Motu cordis.	244
Observatio circa motum.	244
De motu vitali.	244
De motu vitali.	244

Magna in sanguine capitis
 tractantur & quibus in
 hoc iudicio non est
 quæ recte dicitur invenire
 rem.

FINIS INDICIS

CC Proc DC
124777



11 AUG 1841
ET REVERENDISSIMO DOMINO
D. ET PATRONO MEO
COLLEGIUM

LIBRARY OF THE
MUSEUM OF NATURAL HISTORY

1. The first part of the book is a history of the
 2. State of New York, from the first settlement
 3. of the Dutch, to the present time. It is
 4. divided into three parts, the first of which
 5. contains a general history of the State, the
 6. second a history of the different parts of
 7. the State, and the third a history of the
 8. different tribes of Indians who inhabited
 9. the State. The second part of the book is
 10. a history of the different parts of the State,



